

3RD SITTING ON 20TH JULY, 1999

PRESENT

PU R.LALAWIA, Speaker at the Chair, Thirteen Ministers, Deputy Speaker and 21 Members were present.

QUESTIONS

1. QUESTIONS entered in separate list to be asked and oral answer given.

LAYING OF PAPERS

2. PU ZORANTHANGA, to lay on the Table a copy each of the Report of Comptroller & Auditor General of India for the year 1997-98 Appropriation Accounts 1997-1998, and Finance Accounts 1997-98 relating to Government of Mizoram.

DISCUSSION AND VOTINGS ON DEMANDS

3. PU R.TLANGHMINGTHANGA, to submit to the vote of the House various Demands under his charge.
4. PU H.VANLALAUVA, to submit to the vote of the House various Demands under his charge.

S P E A K E R : Lalpa chuān rorelna fel a ngaina si a, A mithianghlim to chu a kalsan ngai lo, Kumkhua atan yawn thatin an awm a. Misuaksual thlahte erawh chu tihboralin an awm ang.

Sam 37:28-29.

Vawiin hian Member to lo tel theilo an awm nual a, Pu F.Malsawma, Pu Z.H.Ropuia, Dr.R.Lalthangliana, te dam lohna leh harsatna dang avangin an lo tel thei dawn lo a ni. Kan List of Business angin Question kan la ang a. Starred Question No. 12.-na zawt turin Pu Zakhu Hlychho i lo sawm ang u.

PU ZAKHU HLYCHHO

: Pu Speaker, ka starred questin No. 12-na Minister zahawm tak FWD Minister chhan atan ka rawn zawt a. Ka zawhna te, tun Sorkar thar a Chief Minister te, Speaker leh Deputy Speaker te tana furnishing pek zat theuh amal malin a amount te min hrilh thei ang em? (b)-na A chung a mite tana Secutiry fencing tura sen zat theuh? (c)-na Private In luah te tan Security Barrack tura sen zat theuh? (d)-na adviser-te pek an ni ve em? A chung a mite ang khian pek nita se, engzat theuh nge pek an nih ve? tih ka zawt e.

S P E A K E R

: Chhang turin Pu R.Tlanghmingthanga, Minister in-charge i sawm ang.

PU R.TLANGHMINGTHANGA
MINISTER

: Pu Speaker, Member zahawm tak zawhna kha, a chhanna chu he-tiang hi a ni. (a)-na Tuna Sorkar thara Chief Minister leh Minister, Speaker, leh Deputy Speaker te tana furnishing pek zat theuh, a mal malin (1)-na Dr.R.Lalthangliana Rs. 1,12,240/- (2)-na Pu B.Lalthlengliana, Rs. 74,980/- (3)-na Pu F.Malsawma, Rs.1,12,496/- (4)-na Pu K.L.Lianchia, Rs. 1,12,496/- (5)-na Pu R.Tlanghmingthanga, Rs. 1,01,900/- (6)-na Col.Lalchungnunga, Rs. 1,02,783/- (7)-na Pu Tawnluia, Rs. 1,12,500/- (8) Pu Van-lahlana, Rs. 75,000/- (9)-na Pu Lalrinzuala, Rs. 75,000/- (10)-na Pu R.Lalawia, Rs. 1,50,000/- (11)-na Pu Lalhmingthanga, Rs. 1,30,695/- (12)-na Pu J.Lalthangliana, Rs. 75,000/- (13) Pu K.Thangzuala Rs. 74,999/- (14) Pu Zoramthanga, Rs.1,50,000/- (b)-na. A chung a mite tana Security Fencing tura sen zat theuh- (1) Pu F.Malsawma, Rs. 1,40,257/- (2) Pu K.L.Lianchia, Rs.23,621/- (3) Pu R.Tlanghmingthanga, Rs. 2,38,629/- (4) Pu B.Lalthlengliana, Rs. 1,96,155/- (5) Pu Lalhmingthanga, Rs. 20,950/- (6) Pu Van-lahlana, Rs. 30,394/- Secutity Barrack tur a sen zat. (1) Pu Aichinga, Rs. 60,709/- (2) Pu F.Malsawma, Rs. 78,300/- (3) Pu K.L.Lianchia, Rs. 93,595/- (4) Pu R.Tlanghmingthanga, Rs.1,02,340/- (5) Pu Lalhmingthanga, Rs. 1,17,334/- Adviser te pek an ni ve em? A chung a mi ang khian pek nita se, engzat theuh ang nge pek a nih ve? Adviser te pek an ni rih lo, chu chu chhanna a ni e.

PU ZAKHU HLYCHHO

: Pu Speaker, Supplementary Question, He mi an lak tawhte hi final payment an ni em? tih zawhna pakhat ka rawn siam duh a. Tin, Minister te hi engzat theuh nge entitle an nih a, fencing atan te, Security Barrack atan te, furnishing atan te hian engzat theuh nge an entitled? An entitled ang hian an hu em? Tin, he furnishing pek hi FWD pek a nih chuan Registration te an nei em? Heng an thil lak te hi eng engte nge tih hi tunah a theih loh pawhin nakin lamah Member te min furnish thei ang em? tih ka rawn zawh belh a ni.

PU R. TLANGHMINGTHANGA MINISTER : Pu Speaker, hemi tuna furnishing kan pek hi a rate kal, 1990 ami tawh kha a ni a, furnishing bikah hian chumiah chuan limit chin a awm a. Chu chu Chief Minister leh Speaker, hi Rs. 2,00,000/- a ni a, Cabinet Minister te Rs. 1,50,000/- a ni a. Minister of State leh Deputy Speaker, te Rs. 1,00,000 a ni a. Chu chu hei kum 10 dawn lai a lo ni ta a, churang chuan thil man sang zel ta te in hei hi Sorkar in tihpun tulin a hria a. Chumi ruahman mekah chuan Chief Minister leh Speaker, Rs. 3 lakhs, tin Cabinet Minister te Rs. 2.25/- lakhs Minister of State leh Deputy Speaker te Rs. 1.50 lakhs a ni a. Tin, Guard Barrick leh Security atan an chenna in leh an awmna te a secure tawk tur a ni tih ahih avangin, ceiling lo siam ngawt theih a ni lova, a tul angin Security lamte nen in rawnin P.W.D. lamten tihtur zat security lam atanga an supervise leh tul an tih angin Sorkarin a siam tlangpui a ni. Pek list kha chu a awm thei vek e. A tul angin kan pe thei ang.

S P E A K E R : Starred Question No.13. na zawt turin Pu F.Lal Tanzuala, i lo ko ang.

PU F.LAL THANZUALA : Pu Speaker, Higher & Technical Minister chhan atan ka zawhna chu (a)-na 1999-2000 pawisa kum chhung hian College Sorkarin, lak tur a nei em ? (b)-na Nei nise engte nge ? (c)-na Ruahman chhinna tal min hrilh thei em ?

S P E A K E R : Chhang turin Minister-in-charge Pu F.Malsawma i ko vang.

PU F.MALSAWMA MINISTER : Pu Speaker, Hnahthial bialtu MLA zahawm tak zawhna Starred Question No.13-na chhanna chu - (a) Pawisa awm dan a zirin deficit College pali tal Sorkar in lak a tum a ni. (b)-na Lak tur College tih fel ala ni lo. (c)na Deficit College senior zual pasarih atangin Statistical report leh thil pawimawh dil mek a ni a, heng atang hian ti thei dinmun a kan din chuan thlan ala ni ang.

NIRUPAM CHAKMA : Pu Speaker, Starred Question 20-na hi ka ta a ni a, Starred Question 13-na nen hian a in ang in ka hria a, club lovin a hranpa in an dah a, chu chu hun lo kal zel a club nise ka duh a. Supplementary angin ka zawt mai ang. How many private Colleges will be up-graded in to deficit system during 1999-2000 ? He zawhna 1999-2000 chhung hian Sorkarin College te hi deficit tur a nei em ? a subject hi a hma ami nen a in ang in ka hria, chuangin ka zawh belh duh chu, College hi dificit an lak dawn chuan criteria engnge ni ang ? Location a zirin eng mamawh nge pek ni ang ? kan District ah hian College Saiha te, Lawngtlai te kan nei a, kan Sub-Division chhungah pakhat mah kan nei lova, amaherawh chu, Private in kan din a, NEHU Univer^sity in affiliation pawh min pe a, Kamalanagarh College hi in la dawn em ? tih ka zawt e.

S P E A K E R : Pu Nirupam-a rawn sawi kha, Deficit system a ti kher a, helai hi F.Lalthanzuala kha chuan in Government a ti a, chuangin a hrang deuh a, a hrang angin kan la a ni. Tunah a chhang turin Pu B.Lalthlengliana Minister i lo sawm ang.

PU B.LALTHLENGLIANA : Pu Speaker, Chawngte Bialtu zahawm tak MINISTER zawhna helaia mi kha a thlen hman loh a hlauh avangin helai Starred Question No. 13-na ah hian a rawn supplement a ni a, Private College atanga Provincialize tur hi chuan a karah deficit system a status hran kan neih avangin, direct chuan a theih loh ang a. Amaherawhchu, deficit College atanga Provincialize tura criteria kha chu thil dang tam tak a awm anga, a din kum seniority te a ni ang a, tin academic achievement te ani ang a, a location te pawh kha tehfung ah chuan a hman theih bawk ang a. Nichina ka sawi ang khan Statistical report hrang hrang te kan dil mek bawk a, chuta tang chuan kan la thlir ang a, ti-thei dinhmun a kan din chuan chuta tang chuan dah a ni ang.

S P E A K E R : Starred Question No.14-na Pu L.N. Tluanga zawt turin i sawm ang.

PU L.N.TLUANGA : Pu Speaker, ka zawhna Starred Question No.14-na Road Protection Squad^d din hi engti anga kalpui nge tum anih ? tih ka zawt a. Tichuan P.W.D. Minister zahawm takin min chhan theih chuan

S P E A K E R

: Tunah Pu R. Tlanghmingthanga
PWD Ministe i lo sawm ang,
chhang turin.

PU R. TLANGHMINGTHANGA
MINISTER

: Pu Speaker, Member zahawm tak
zawhna Road Protection Squad
din hi engtianga kalpui nge tum
a nih ? tih chhanna chu Road

Protection Squad hi Aizawl khawpui chhunga kalkawngte tihchhiat
emaw nekchep emaw, tih hnawk emaw, a awm lohna na englai pawh
a vil reng tur leh, Aizawl khawpui hi khawpui thianghlim leh fai
a siamna tura din a ni. Hemi chungchanga hma chak zawka lak
a nih theih nan Co-ordination Committee pawh Minister in-charge
PWD Chairmanna hnuaiah din a ni a. Head of Department hma la
tur a, pawimawh zawng zawng te pawh Memberah ruat an ni. Tunah
hian Road Protection Squad hi hetiang a hma la hian kalpui mek
a ni.

PU LALCHAMLIANA

: Pu Speaker, hei Road Protection
Squad kha a ropui hlein ka hria
a. Kan kawngte hi kan neih tlem
teh lul nen, tihchhiat hi a ni

fo mai a, a chhiat dan a hi mihring ina kan control theih leh
theih loh chi te a awn a, hei ruahte pawh hian a tichhia a.
Helaihi chu Department hian side drain te an siam tha tan viau
a, a lawmawm hlein ka hria a. Amaherawhchu, mihringte pawn a
nekchep theihin a tihchhiat theih tih a chiang a. Khatiang nek-
chepna tichhe ho kha Road Protection Squad hian lo awm ta sela,
engdan hmangin nge a hrem ang tih kha kha kan hre chak deuh
hlek a.

Tin, hei ni e, kawng hi PWD
hian a siam tan chauh a. Post and Telegraph lam emaw a nih loh
leh PHE tih lam te emaw hianin an han laih leh chawt mai a.
Hei tunah pawh Bungkawn atanga Ramthar Veng kalkawng te chu PHE
Pipe phum kha a lo awm a, hengah hian Co-ordination Committee
khan remruatna te hi a nei chhin tawh em - Kha kha a neih theih
chuan a tha hlein ka ring a, kuminah chuan helaiiah PWD in hma
a la thar dawn a, chumi hma deuh chuan lo ti rawh u, tih te hi
awm ta sela. An siamzo chauh a, an tichhe leh mai zel a. Chu-
vang chuan a tlo lo hlein ka hria a, chungte chu kan hre duh
deuh hlek a. Tin, hei Motor tlan dan laite a hi, a road a kha
atlan a, PWD hian tlan dan tur a a duan dan awma cat's eye an
ti emaw ni, zansah pawh sen deuh vit vet te an phum a, a leh-
lamah Police ho hian an hnawih var ve thung a, hengte pawh hi
a mumal lo ang reng viau mai a. Hei hi Police in a chan vek
law law emaw a nih loh leh PWD lam khan chan vek law law emaw
te kha a theih em tih kha kan zawt duh a ni.

.....55/-

PU C. SANGZUALA : Pu Speaker, zawh belhna, hemi ang deuh chiah hi Statred Question No. 25 na (c) naah a awm a. Amaherawhchu, Protection tihtur, safety tiin a lo insiak a, Office lam pawh a dikin min lo correct sak teh u, hriat sual palh a ni e, ka ti a. Mahse Safety in a lo tlang to tho a, engtiang in nge a chhan dawn nge chu ka hre hauh lo na a, tum in ang anih avangin zawhbelh nghal mai thain ka hria a. Hei kan PWD kawngpui ah te kan han tlan a, kawng kan hmu a, enkawl that tawk loh vang emaw hrim hrim a Black top lo chhe ta em em mai te nimih lawk a siam tuna lo chhe ta mai te a awm thluah thluah a. Tin, khuar bing tuihawk tlin theihna te hmun pawimawh lai tak ah te a awm a. Hetiangte hi hemi Protection squad te hianin Department a report zung zung a hma lak nghal turin an ngaihtuah tel dawn em, nge hei hi kawng dang, tualchhung lam atangin khawtlang hrui tute leh MLA ten Departmentah an report zel dawn nge ? A enkawltute tu zawk tur tih hi kan zawt duh a. Tin, chumi rual chuan tuna road area ngau ngau hi nge an ven dawn a, road area kawng sira in sak in nek satin sak thin nia sawi, kawng lo chep tial tial te te hi hma tel an tum em ? Tin, kan, kalkawng a lo zauh leh a lo that zawk theihna turin kawng sir a kawng reserve siam ruahmanna te hi he squad hian a mitmei tel dawn em ? tih te kan zawt tel duh a ni.

S P E A K E R : Er.K.Thangzualla.

Er.K.THANGZUALLA : Pu Speaker, hemi Road Protection squad din hi chanchin bu ah te kan lo chhiar a, lawmawm hlein ka hria a. Amaherawhchu, thupakhat lo awm chu khawchhunga kawng tih hnawk te, work shop ang deuhva Motor han repair te leh kawng tihhawk zawng leh ti chep zawng a thil tih hian traffic kal vel a tibuai hle a. Engemaw hun lai pawh khan PWD in nasa takin hma an la a, nithum chungung kawng tih hnawk leh tifai lo an awm chuan a bialtu J.E. theuhin D.C. ah report pek tur kan ti a. A chhan chu PWD Officer te khan Magistrate Power an neih loh avangin mi chungah engmah action an la thei silova, D.C. te pawh be hmasa in arrangement siam a ni a. Amaherawhchu, khatiang report pek reng reng kha Magistrate lam atanga action lak a awm loh avangin awmzia a nei vak thei lova, a tawpah phei chuan report pe duh tawh lo mai rawh u an ti a, an pe ta lova, tun tumah pawh hian enge arrangement awm kha kan zawt duh deuhva. Magistrate lamin action an lo lak si loh chuan hma a lak tak tak theih lohva. Heti laiah hian arrangement fel tak a awm em aw ? tih kan zawt duh a.

Tin, a dawt lehah chuan Under ground Utility chung chang thuah hianin tunhma in Committee din nisela heng tui pipe phum pawl te Telephone hrui phum pawl te leh PWD te hianin Under Ground Utility Committee hi din nisela, tichuan hna thawh dan kha fel taka inrawn tlangin Working Programme te kha siam dan a awm thei lawm ni PWD in an han Black Top chiah a, a lai chhe pawlin a rawn zui leh a,

tichuan kawng a tha hman lova, Committee fel tak awmin Co-ordination fel tak awmin hna a tih theih lawm ni ? tih te kha rawtna a awm thin a. Mahse a puitling thin lova, chutiang ang te chu tun tumah hian heng Protection Squad hianin a ngaihtuah fel thei em aw ? tih kha kan zawt duh a ni.

PU R. TLANGHMINGTHANGA : Pu Speaker, khang zawhbelhna neuh neuh te kha a lawmawm hle a, keipawh in ka zawhna mek te a ni hlawm a, Sorkar in a hetia Road Protection

Squad kan han din a kan tih tur hmabak te kan Member ten thil tha rawn rawtna te an lo siam zel tur a kha beiseina ka nei sang hle reng a. Tunah hian kan hriat theuh angin, kan kalkawng Aizawl khawpui thang zel ah pawh hian kalkawng reserved han ti ngawt teh right off way tih te kan nei lova. Kawng reserved han tih a hi a thu mai hian alo kal rei tawh a, kawng reserved tur chin hi khawi chin nge tia han kawh chiah tur leh, Scheduled road han tih te chutiang tak mai a bithliah leh khami enkawltu a kha an awm mumal loh avangin tunah hian khami atan a pawimawh, hma lak mek atan a pawimawh Dan lek kawh theihna tur khan Magistrate pawh Co-ordination Committee ah D.C. te pawh han telh chhoh a ni a. Tichuan action lakna tur tul dan dinglai kan neihte, khami rawih a lo tul hunah pawh Magistrate te kha an zingah tel nghal tura kan tih avangin an tel a.

Tin, chumi bakah legislate tul anih pawhin chumi anga kan kal chhoh lehna turah chu chu thil tangkai turah kan ngai bawk a, chu chu lo la piang turah kan ngai a ni. Tunah hian National Highway chuan Right off way an nei vek a, chumi ang chuan National Highway kan nei ah hian a kawng atanga a area chin midangina an khawih theih reng reng loh kawngina a reserve tlat, a lo ti palh an awm pawha action lak theih a, danina a tum tlat a awm a, chutiang deuh chuan Aizawl khawpuiah hian a awm si lohavanga harsatna kan tawh mek chu a awm tlat a ni. Chuvang chuan Khalai kha kan la hmabak chhoh zel turah, a awmsa kan rin nghal tura chu Magistrate kan neihte kha an ni a. Tunhma chuan a Committee leh a Co-ordination Committee ah khan an tel chiah lo anih na laiah neihtu nihna nei tawh lote pawh an ni mahna.

Chuvang chuan vawiin niah chuan a lai chhe pawl han ti ta ila, hei kan P.H.E. lam Minister zahawm tak pawh a awm a. Tin, Telephone lamte pawh chutiang te nen chuan kan kal dan leh kan hnathawh hun leh a tihchhiat leh a siam hunte pawh kan inhriat tawn a, a tih hun leh a tih rual dante pawh kan hmuh theihna turin chumi Committee ah chuan kan tel vek ta a ni.

Chuvang chuan tunhnuah chuan he kan Co-ordination Committee hian kan kal dan tura hi a rel chho ang a, chu chu tangkai tak a, kan kalpui theih kan beisei a ni. Tin, nichina kan sawi ang khan kawng sir, South II Member zahawm takin a rawn zawhna, 'kalna' tih lai a hi chu P.W.D. angah chuan kan hma chiah lova, amaherawhchu, mipui tan a kawng anih chiah loh avangin khami venhim kha chu protection Squad chuan an tih tur a ni a. Hemi kawngsira kea kalna tur a hi chu L.A.D. lampang hna a ni a

A hnathawhna lamah kha chuan keiniin kan ti lova, road area ngau ngau an ni han tih a kha, road area ngau ngau pawh hi ven a, a tihhawk mek te han tih kian tura hi hna hau tak tak ani reng a. Chubakah kan han beisei chu kawng area hi rawn encroach lo tur a beisei a ni. Chuvang chuan he protection Squad tun hnai mai a kan din a hi a tulna engnge awm tih a kan han ngaihtuah chuan a awm lo mai thei a ni. Amaherawhchu, han din tak ah chuan tih tur alo tam hle a ni, tih hi kan hmu chho va. Chuvang chuan hemi atana ruahman na pawh hi improve chhoh zel kan han tum a, kan kawng chin area ngau ngau hum halh duhna pawh hi a bak nakina kawng zauh tur a nihna laiah pawh, tunhma kum 1988-87 Revenue tih post khami inbun a kha, tunah hian han chhui leh a tha em ? tih keimah ngei kan kalkual pawhin chu Revenue post kan tih a kha kum sawm zet kha Mizoram Sorkar in kan area chin tih a kan humhalh, thirban kan phun ngei a te pawh kha mi leika hnuaiah te, mi choka chhungah te area chhungin a lo huam daih tawh te kan khawih leh dawn chuan inthiat ngai khawp te a lo ni tawh a. Chuvang chuan kan Member zahawm tak tak te zawhna baka suggestion an rawn siam kha a pawimawh hle a. Tin, hemi bakah hian beautification kan kawng bumbuh kawngsir leh tuihawk luan kawr inkar siam mawhphur tu awm ta manglova hriat chung pawr tak han zut mamte, Protection Squad ina an hman tur enkawltu P.W.D. ina an hman tur pawisa dah chhoh mek a ni bawk.

Chuvangin, chhanna kan neih rual hian beiseina chhannate, a tak a kan tih chin chu tam lo mahse, kan riltua Commitment kan neih te a tam hle a ni tihte kan sawi duh a. Kan Police lam pawhin min rawn request a, Traffic Sign han siam te, Zebra crossing han siam vелеh pawh hian pawisa a awm mang lova. Neitu bik awm silovin an ti hram hram a, Police Department in nichina kan Member ina an rawn rawt ang khan P.W.D. atang pawhin chumi han puih theihna tur chuan ruahmanna pawh siam thain kan hria a. Engpawh nise, siam chhoh mek leh ngaihtuah chhoh mek a ni. Ka lawm e.

PU K.T.ROKHAW : Pu Speaker, kan Minister in a rawn sawifiah a Road Protection Squad team ani a, an mawhphurhna leh tih-tur te a rawn sawi a. A lawmawm a, mahse a rawn sawiah khan Aizawl khawpui chauh huam tur ang deuh khan ka lo hria a. Hei hi ka han zawh duh chu District Headquarter te a Capital te hi chu Road Protection Squad hian a huam tel dawn lawm ni ? tih ka zawt tel duh a ni.

PU R.TLANGHMINGTHANGA : Pu Speaker, a lawmawm khawp mai. MINISTER tuna kan ruahman danah chuan Aizawl khawpui bik ani phawt a. Hei pawh hi thil thar anih avangin hnathawktu hrim hrim ate, a Supervisor te Adviser te tin a enforcement titu te pawh hi hna dang thawk mek chung a, a hranpa a post pawh creat chuang lovin, an hna kar lakah an work or Allocation allotment siamin kan han ti phawt a ni a. Tuna Member zahawm takin arawn rawt na ang khan, hmun dangah te pawh a tul dan

leh he improvement Aizawl khawpui a kan siam atang a tih belh zel a tha ni a kan hriat chuan a reltu kan ni a helai kan Member te, chulaiah chuan a tul ang zel a kan theih ang chen chen a kal te pawh chu thil tih theih tur leh beisei awm ah a ngaih theih a ni.

S P E A K E R : Starred Question No. 15-na zawt turin Pu F.Lal Thanzuala i sawm ang u.

PU F.LAL THANZUALA ; Pu Speaker, P.H.E. Minister zahawm tak chhan atan zawhna, Hnahtthial leh a chhehvel khua engemaw zat chawm tur ah Tuichang luipui tui pump hi Sorkar in engtik ah nge atan theih ang tih a ni.

S P E A K E R : Chhang turin Pu Tawnluia, Minister in-charge i sawm ang.

PU TAWNLUIA : Pu Speaker, Member zahawm tak Hnahtthial MINISTER bialtu zawhna chhanna chu, tun dinhmun ah chuan sum indaih lohna avangin Hnahtthial khawpui leh a chheh vel khaw engemaw zat te chawm thei tur a Tuichang Luipui tui pump hi tan theih a la ni tih lo a ni.

S P E A K E R : Starred Question No.16 na zawt turin Pu Nirupam Chakma i lo sawm ang.

PU NIRUPAM CHAKMA : Pu Speaker, Starred Question No.16 na Will the Hon'ble Minister in-charge Public Works Department be pleased to state - (a) Whether the Public Works Department allotted any contract works without call of Tender since December, 1999 ? (b) If so, please give detail break-up Division-wise.

S P E A K E R : Chhang turin Pu R.Tlanghmingthanga Minister in-charge P.W.D. sawm ang.

PU R. TLANGHMINGTHANGA : Pu Speaker, (Dec. '99 nilovin '98)
MINISTER (b) na hi thil hriat har deuh mai a
ni a, kan hresual anih pawhin a in
hriatthiam theih a, maherawhchu, hei
hi erawh chu '98 tihna ah kan ngai mai a, Dec. atangin tihna
ah kan ngai ang a. Hetiang hi Division wise break-up chu a
ni a. Aizawl Road Side Division - No of Works 21, amount 8
lakh 51 thousand 44, Aizawl Road North Division No. of works
91, Rs.44,970,19/- Building Project Division I Rs.42,23,553/-
Lunglei Division 23 works Rs. 14,70,194/- Saiha Div.50,
Rs. 24,86,974/- Tlabung Div. 2, Rs. 1,13,260/- Aizawl Building
Div. 21, Rs.24,71,250/- Kawrthah Div. 19, Rs.12,61,481/-
Saitual Div. 61, Rs. 3,52,113/- Avaiin 176,39,589/- Ka lawm e.

PU NIRUPAM CHAKMA : Pu Speaker, he zawhna ka zawhna
chhan chu keini Ministry hunlai a,
tuna Ruling Party te Member tam tak-
in he House-ah pawh without call of
tender a awm thin tiin hun hmasa khan an sawi sel thin a, a
tawp lamah chuan High Court-a intervention a awm vangin Sor-
karin a ti tawp a, tunah Sorkar-in a ti zel dawn em ni ? tih
hi ka zawt duh a ni. Tam tak an pe tawh a.

PU K.T.ROKHAW : Pu Speaker, hei PWD-a division wise
in contract without call of tender
December, 1998 atanga an pek hi
kan Minister-in arawn sawi angin,
nuaih 176 chuang an pe tawh a. Hei hi without call of tender
a pek anih na chhan hi kan Minister hian min hrilh Chiang
sela a tha hle in ka hria a. Tin, Contract reng reng chu
tender kova, tender an lo chhan atanga pek ani tlangpui a.
Tin, without call of tender a nuaih 176 chuang han pek theih
hi a dik tak chuanin Party te induhak avanga hetiang a ti an
ni a. Chuvangin hetiang em em a tender ko lova kan Sorkar-in
a ti ta mai hi paw ka ti a. Tun hun lokal zel turah hetiang
hi chy ti tawh lo hram rawh se tih hi ka zawh pahin he House
hi min hrilh sela ka lawm hle ang.

PU LALCHAMLIANA : Pu Speaker, December 1998 hmalam
August leh December inkar vel khan
Work Scheduled and Technical Sanc-
tion pawh awm lo, administrative
approval pawh ala awm lova. Hna pek engzat nge awm ?

PU C.THANGHLUNA : Pu Speaker, without call of tender
a hna pek zawng zawng pek te hi
Register Contractor te hnenah nge
contract pek an nih a. Register

.....60/-

Contractor te ni lemlo hnenah pawh tute hnenah zawk nge pek an nih ? tih a kha ka han zawt belh duh a, tin chu bakah chuan Register Contractor nilo te hnenah pek lo nita sela, Register Contractor neih hi a ngai ta lo em ni ? Register Contractor te hi PWD hian a hnawl zel dawn em ni ? tih ka han zawt belh duh a ni e.

Er. K.THANZUALLA

: Pu Speaker, heng hna pek chungah chang thuah hian Work Order awm a pek nge an nih a, Department anga thawh a Agency te dah tih kha kan zawt belh duh a ni e.

PU ZAKHU HLYCHHO

: Pu Speaker, a tlangpuiin without call of Tender a tih hi engnge maw emergency bik a ti nge ni ? A kalphung ve hrim hrim a emer-

gency lemlo ah pawh pek mai tih kha kan zawt duh a. Tin, hei without call of tender Session hmasa amin rawn pek ah khan, ka bial chhungah chuan unau pianghmun ngei ngei, a nau anpe bawk a, a u an pe bawk a, chutiang chu a awm nuk mai a, hetiang hi eng nge ni an pekna chhan ni reng reng a. Unau em em a hetiang a han tihte chu thil awmlo tak pawh niin ka hria a. Chutiangte tin, khawilai lai ah emaw chuan hna an pe a thawk silo te pawh a awm nual a ni henglai kan Minister zahawm tak hian a hria em ? Hengte hi emergency works a pek vek em ni tih kha ka han zawt belh a ni.

PU R.TLANGHMINGTHANGA
MINISTER

: Pu Speaker, hei kum kalta Sorkar kum 10 lai kal ta ah khan tender lova pek a tam em mai a, tin Party milo phe chu, 'kan chang

ve thei hlei nen', tihna avangin Court hial thlen a ni a. Chumi avang chuan tuna kan Engineer te hian chutiang anga dan lova pek kha an hlauh ber a ni a. Chuvang chuan dan ang leh a tih dan ang phung ang thlapa work hi kal chhoh pui hram hram an tum a. Tin, chu lovah chuan, tuna pek leh theih lohna lai awm thei a kha kan sawi duh a, tin, dam lohna hna pek hi tih loh theih lohna chhan hrang hrang a awm thei a. Pakhatna ah chuan hmun thenkhat ah chuan, Buldozer a kawng laih te alo ni a. Culvert thenkhat te chu Buldozer kal kai nan a loh theih lova tih vat, rang taka tih ngai te a ni a. Tin, chu lo lehah chuan khawpui chhung kawng maintain na leh side-drain clear nan Y.M.A. ten hnatlanga thawk chuk chuk te, tin, mimal ram neitu tem an ram chhung a nih avanga anmahni ngeiin thawh loh theih loh, chutiang chu nuai tel tan a awm bawk a. Chuti chunga midang han pek luih hram kha chuan a ram neitute khan, ka kawng heti lai hi chu tih loh ni mai rawhse, tia harsatna an siam thin avanga chumi ram neitute chu hna pek loh theih loh, chu chu Contractor an nih si loh chuan tute emaw hminga pek ngai site, Contractor hminga an chhante a lo tul si a.

Tin, hna thenkhat hmanhmawh thlak lutuk vanga tender-na hun awm lo, chuvang te chuan without call of tender a pek te a awm bawk a. Tin, a thu hrimah Rs.1,- 50,000/- chin hnuai lam hi chu contractor te nilo hnenah hian remchang an tih angin Engineer ten hna an entrust thei a ni.

Tin, tuna hna pek zawng zawngte hi work order tel vek a pek a ni a. Tin, a tlangpuin chung hna pek te chu tender lova pek leh khawchhung leh Emergency thil te leh a neitu bik in an hauh tlat avanga pek loh theih loh te a ni hlawm a. A hrim hrim a hna without call of tender a pek a hi tuna kan kal chhoh dan mek ah hi chuan tih loh theih hram kan tum a ni a. Chuvang chuan heng kan tih a te erawh hi chu thil loh theih loh a ni a.

Tin, a tula Member ten kan hmu duh anih chuan zawhna ah a lo kal na a khami hma a without call off tender pek erawh kha chu tunah zawhna ah a tel loh avangin kan han furnish lova. A tul anih chuan Session chung pawhin kan in pek theih ka ring a. Thil kal tawh vek ani min zawh hi, tuna mi pawh kha '89 a mi kha a ni a. In duh loh chuan ka furnish kher lovang che u a, kan furnish erawh chuan a rapthlak, a tam em em mang e tih tur kha chu ka furnish thei ang. An rawn sawi tender lova koh tih kha 15,000 chin a ni e.

PU R.LALZIRLIANA : Pu Speaker, zawhna pawimawh tak leh tam tak a la awm a, hetiang lai hian Ruling Party in nangmahni huang chhunga sawi mai awm tak in in zawt vak vak mai a, in tanhona hi a tha lo hle tih a lang mai a, chuvangin Pu Speaker, helai sawi ho lo hian heng hna pek tur te hi chu insawiho ve thei mai lawm ni ? tih kha a ni a. Ruling 'B' ho erawh chuan Ruling 'A' ho pawisawi an hlauva intihdikloh hre mahse an ngawi kar mai ania. Chuvangin Legislature Party ah te hian sawiho ve tawh uia, chutiang chuan in ti thei lawm ni ?

PU LALCHAMLIANA : Pu Speaker, Member te hian eng eng emaw zawh belhna an zawt thiango em ni ? Helai hi tlem hrilhfiyah a ngaiin ka hria a.

PU H.RAMMAWI : Pu Speaker, he House ah hian Minister ten Sorkar ai an awh a, M.L.A. te hian mipui ai kan awh a, chuvang chuan he House ah hian M.L.A. ten zawhna kan zawt a, Sorkar aiawhin Minister ten an chhang a. Chuvangin he House ah pawh hian M.L.A te leh Minister te, mipui aiawh leh Sorkar aiawhte kan inzawt a ni.

PU ZAKHU HLYCHHO : Pu Speaker, Session hmasaah Khan Minister pawhin zawhna in zawt ve tho si a. Pu Speaker, engah nge nang pawhin Minister te kha zawhna i siam tir ? Sorkar aiawh an nih chuan.

PU H. RAMMAWI : Pu Speaker, Minister ten zawhna an submit ngai lo he House ah hian Pu Speaker, Mizoram Sorkar din tirh atangin Minister ten zawhna ziakin Assembly ah hian vawikhat mah vawin ni thlengin an la submit lo. Ziakin Minister ten vawikhat mah Assembly ah zawhna an la theh lut lo. A thiango lo, tih dan a ni lo, thil kan hre chiang lo anih kha Pu Speaker.

S P E A K E R : Ngawi rawh u, Member te pawh hian dan kan hriat hi a inchenlo mai thei a, mahse Dan hi kan sawi tawh thin angin a pawimawh ber a, Member te hian zawhbelhna ah hian zalenna in nei vek a ni, chhan tul nia a hriat apiang Minister in-charge P.W.D. khan han chhang leh se.

NIRUPAM CHAKMA : Pu Speaker, zawh belhna, Kan Minister zahawm tak khan Assurance a pethei lo em ni ? Hna reng reng hi Tender Call turin dan angin, chu chu Assurance pe ta sela, an mahni hun lai chuan an duh lo em em a, tunah an duh ta em ni ?

PU R. TLANGHMINGTHANGA: Pu Speaker, kan Memberte, Opposition MINISTER kha an inti hrangin an inthlahrung ang tih ka hlauva, zawhna kha hemi chungah lo pawh, pawnah table-ah pawh min zawt thei thova, Ruling Party chauh kha Table hmachawn a zawt thei-ah an rawn ngai palh ang tih ka hlau ang reng a, He House ah lo pawh Office-ah pawh, kalkawngah pawh inhmuhna hmun apiang-ah khan zawhna leh rawtna te in pek vek theih a nih rualin Party ta vek a nilo tih kha min hriat sak kan duh bawka. Tin, Assurance ka pek ngai lovin dan kalphung a awm a, khami dan kalphung pangai zawh lova Sorkar lo kal tawh khan a lo tih nasat a vangin, Court-ah te khin hial niin, tunhnu-ah tender lova pek nisuh se, tih kha ruling an nei a, amaherawhchu, tuna Assurance pek tur anga rawtna lo kal a kha, hna hi Emergency leh hna atana tangkai leh tul, loh theihloh tih lohwa chu, hna reng reng hi keipawhin Tender a kalphung pangngai zawm a ti hram hram turin ka hrilh a. Tunhnu ah pawh improved leh zual kan tum a nga.

Amaherawhchu, kan hna kal mek a hi, Aizawl khawpui pawh tih thuai thuai kan duh a Bitumin leh Rora a awm lova, khatiang hna kal thuai se tih kan duh si, ruah a sur tep si, chumi avang chuan tih mam thuai thuai kan duh si a, Kha kha hna formality kan zawm a, pawisa sanction hun tur kan zawm chuan tuna Aizawl khawpui mama hi ala mam ka ring lo, chu chu anih avangin, a tul leh tha Sorkarin a tih ah hian dan diklo leh rukruk leh thil diklo kal tur erawh chu kan veng tur a ni a. Amaherawhchu, Formality, a theih ang angin kan complete anga, mahse kan hna in a suffer tur a ni lova.

Tin, kan kaina ah hian in duh sak hikna avanga without call of tender a diklo taka kal phung pela kal erawh hi chu theih-tawpin ven kan tuma, kan Opposition te pawhin min venpui turin kan rawn duh nghe nghe a ni.

PU C.THANGHLUNA : Pu Speaker, tuna kan Sorkar hi Opposition bench a an thutlai khan, khatih lai Sorkar kalphung thalo leh diklo an tih kha an sawisel nasa thin viauva. Tuna Ruling Party an lo nih takah hian mipui pawhin beiseina sang tak neiin thil dik taka tia, rorelna dik tak a kalpui turin mipui beiseina a sang hle a ni. Mahse tunthlenga an kalphungah hi chuan Sorkar hmas aia danglamna leh thatna bik hmuh tur ala awm lem chuang lo.

Tranparency Government, thil in thup awm lo, lang tlang vek, Sorkar fel tak mipuiin an nih kan beisei em em a. Chutihlai heng contract hna pek chungchangah dan ang chuan tender ko a, contractor ten an chhan a, register contractor ten an chhan theih chin, an Class a zir a, a an chhan theih chin, a mount tam leh tlem a zir te in, chumi an chhanna atang chuan pek tur niawm tak a ni a. Tunhma sorkar an sawisel thin chumite kumsawm chuang ro an rel chhunga Tender lova hna an pek zawng zawng aia tam mah, hunreilo te thia sarh chhung lek ah hna 170 lai pek a lo ni ta kha mipui beisei dan anih ka ring lova.

Tin, tuna ka rawn din leh nachhan a chu nichinah khan zawhbelhna ka zawt a, kan Minister zahawm tak khan min chhan lo in ka hria a. Kha kha min chhang thei em ? tih ka rawn din leh chhan a ni a, chuta hna pek zawng te kha Register Contractor te hnenah nge pek an nih ? Contractor ni lem lo te hnenah em ni pek an nih zawk tih kha ka zawt a. A pahnihna ah Register Contractor ni lo hlir pek ni tase, Register Contractor te khan pawimawhna an nei ta lo em ni ? tih kha a ni. Min chhang thei sela ka lawm ngawt ang.

PU K.T.ROKHAW : Pu Speaker, a zawhna point ah zawh ka tum ang, kan Minister in a rawn sawi, Sorkar kal tawh ah pawh khan without call of tender in hna an pe tam a, a tihna lai kha kum sawm kal tawh ah chuan a tam ang tih chu kan ring vek tupawhin. Mahse vawiin niah hian Opposition an aam lai khan without call of tender a kan sorkarin a a pek reng reng kha sawisel tu ber an ni a. Tichuan vawiin ah an ni in sawrkarna an lo chelh ta a. Aw Pu Speaker, zawhna ka siam dawn alawm. Tunah Sorkarna an lo chelh ta a, chuan a nih leh Sorkar kaltawh without call of Tender in an pe ve tho alawm, kan pe ve tho dawn keini pawh an ti si anih chuan engatinge khami kha an sawisel khan awmzia a nei hlei nem. Chuvangin a hma a mite Kum 10 (sawm) lai an lo Sorkar chhung khan without call of tender an pek te chu a awm ve mahna, mahse tuna mite hian tindik an tum dawn lawm ni ?
.....64/-

without call of tender kha pe tawh lo turin kan Minister zah-
awm tak hian min tiam thei mai dawn lawm ni ? tih kan zawt a,
ka zawhna pakhatna ah.

Tin, a pahnihna ah, Saiha Division ah
hian Nuaih 26 (nuaih sawmnhnih paruk) hi without call of ten-
dera pek tawh a ni e tih kha kan Minister min chhanna a niin
ka hria a. ¹Hei thla 8 (riat) chauh sawrkarna an la siam a,
chutah chuan a pawisa a Division tan hian nuaih 26 (lakh) vel
hi Saiha Divisione an hmuh chu ani mai a. Tender awm map lova,
without call of Tender pek vek em ni ? tih kan zawt belh e.

S P E A K E R : Chhang turin Minister in-charge ilo
sawm ang.

PU R.TLANGHMINGTHANGA: Pu Speaker, ka sawi tawhin ka hria a,
MINISTER without call of Tender kha a thawktu
loh theihlova pek te a kha a ram neitu
te tih leh Y.M.A te Kohhran te an ni
deuh tlangpui a. Tin tuna kan sawi ang khan registered Contra-
ctor te an nih loh avangin singkhat sangnga chin (without)
Register Contractor nilo te hnenah pek theih tih a ni a. Tin,
khang a dang a kha chu an mahni hming a an tih theih loh avang
in Contractor te hmingin hna an thawk a. Kha kha chu a ram nei-
tu te nena in siam rem in a contract tu a kha chu midang hming
pawh nise a tak tak a agency ah chuan a neitute an ni tlangpui
a, Chuvangan khalaiah khan loh theih loh a ni a. Tin, Bull-
dozer te hman anih leh emergency a kawng ping leh hnathawk tur
a khawtlang Y.M.A hote thawk te khatiang ang kha an nih avang-
in, chung ho in belh khawm chu tuna kan rawn tih lan a kha an
ni tlangpui a.

Tin, chuti lova, hna pangngai hrim hrim
a hi tender lova duhsak zawng zawng te hnathawk tu ten a lo
hleh emaw, lo pek emaw lai a kha, kha kha kan huat leh tih
tawp kan tum a ni a. Tuna sawi ang khan Court hial thlen ngai
a House ah leh House a kan lo sawi te pawh ngai pawimawh zolova,
an tih vek lai a Court hial lo thlen ngai ang kha ani tih kan
hriat tawh kha. Chu chu kan huat a kha kan huat ngai reengin
kan kalpuia, tunhnuah pawh khatiang ang a kha, tute emaw loh
theih lohva an ram neitu te leh Y.M.A. te leh kohhran ang
pawh a, khami an ram bik lo neih a te thawh tul si a te, kha-
mi ruahman na kan Engineer ten an lo ti thiam a hi an fak awm
hleih ka hria a. Amaherawhchu tling hauh lo leh mihrang daih
khawi a mi emaw contractor pek hrim hrim a, khatiang a with-
out call of tender a an tih a hi tih tawp zel kan tum a ni
tih kha kan sawi duh a ni.

S P E A K E R : No. 17-na hi in la leh hram teh ang.
Pu Lal Thanzuala i sawm ang.

PU F.LAL THANZUALA : Pu Speaker, P.W.D. Minister zahawm tak chhan atan - Hnahthial - Thingsai Road a Tuichang lei dawh turah Sorkarin eng chen nge hma a lak tawh ? tih kan zawt duh a ni.

S P E A K E R : Chhang turin Pu R.Tlanghmingthanga, Minister in-charge i sawm ang.

PU R.TLANGHMINGTHANGA: Pu Speaker, Pu F.Lal Thanzuala Member MINISTER zahawm tak zawhna kha, Prah leh Estimate siam mek a ni a. Kumin chung hian 100 ah 50 thawh hman tum a ni a. Work Schedule ah Rs. 25 lakhs dah a ni.

S P E A K E R : Zawhna siamtu ini bawk a, nang chauh kan phal ang che, Question Hour a tawp a.

PU F.LAL THANZUALA : Pu Speaker, tunah sawn lei a awm lova, Tarpho Godown ah Bunfai dah tur pawhin buhfai an dah thei lova, pum te an siam chawp a, chung te chu an chhuak leh a, mang ang takin an awm a, ral lehlamah Motor pahnih atang a, a tang chu hman tumin an han bei a, mahse buhfai thiar kai hleih theih anih loh avangin a harsa hle a. Fur a sawlai khua hote awm dan tur saw hriat phak ani lova. chuvangin zawh belhna ai mah mah in request ani zawk a. Sawlai saw kan Minister zahawm tak hian ngai pawimawh bik ah lo nei sela.

S P E A K E R : Aw le, Question Hour a tawp tawh a. Kan Business ah kan kal zel anga, tunah Pu Zoramthanga Chief Minister Finance in-charge kha Report of Comptroller & Auditor General of India for the year 1997-1998 Appropriation of Account 1997-1998 and Finance Account 1997-1998 relating to Government of Mizoram, lehkha pawimawh te lay turin i lo sawm ang u.

PU ZORAMTHANGA : Pu Speaker, Governor remtihna leh
CHIEF MINISTER i phalna in, heng Comptroller
General Auditor Report 1997-1998
te, Finance Account 1997-1998 te
leh Appropriation of Accounts 1997-1998 te heng Copy te hi
House Table ah ka lay e. Ka lawm e.

S P E A K E R : A copy kha han sem ula Member te
hnenah. Tin, a dawt ah kan kal
leh anga. Discussion on Voting
of Demands tih a ni a. Vawina kan
Pu R.Tlanghmingthanga Demend leh Pu H.Vanlalaauva Demand kan
sawi dawn a. Minister te hi hengte hi move turin kan ko
ve ve anga, Member ten an chanvo, an sawi kawp theihna tur
in, tunah Pu R.Tlanghmingthanga a Demand te move turin i lo
sawm ang u.

PU R.TLANGHMINGTHANGA : Pu Speaker, on the Recommendation
MINISTER of the Governor of Mizoram, and
with your permission Sir, I move
the Demand Nos.42 and 54, for
Rs.85,51,56,000/- for meeting expenses during 1999-2000, in
respect of the following Departments Demand No. 42 Co-operat
tion Rs. 2,83,95,000/- Demand No. 54, P.W.D. Rs. 82,67,61,000/-
Total=85,51,56,000/- Thank you Sir.

S P E A K E R : Tunah Pu H.Vanlalaauva, a chanvote
a Demand move turin i lo sawm ve
leh ang.

PU H.VANLALAUVA : Pu Speaker, ka lawm e. Mizoram
MINISTER Sorkarin Governor remtihna a rua-
hmanna a siam zulzuia kum 1999-
2000 chhunga LAD leh Fisheries
Department in sum an hman tur, Demand No.19,28,29 leh 38;
Rs. 38,67,23,000/- hi he House zahawm tak min pawmpui tura
Move min phalsak avangin ka lawm e. Detail Demand chu he-
tiang hi a ni :-

Demand
No. 19 - Local Administration - Rs.4,03,00,000/- 133-135 Pages
No. 28 - Housing - Rs.27,32,25,000 236-239 "
No. 29 - Urban Development - Rs. 5,61,58,000 240-247 "
No. 38 - Fisheries - Rs. 1,70,40,000 345-349 "

A vain (Total) - Rs.38,67,23,000/-
(Cheng Vaibelchhe 38, nuai 67, sing 2 leh sang 3) hi kum
1999-2000 chhunga LAD leh Fisheries Department in a hman
tura min pass sak turin he House zahawm tak hi ka dil/ngen
e. Pu Speaker, Ka lawm e.

....67/-

S P E A K E R : Aw le, Kan Minister pahñih ten Demand an rawn move ta a, hei hi Member ten kan sawi ho anga, sawi-hona hun atan hian Member pakhat tan 15 Minutes kan pe che u anga, hun hi vawn dik hram hram kan tum dawn nia, a tlangpui deuh hlek a sawi dan te pawh kan zir anga, kan hun inpek chhung ah hian tupawhin inkhung len kan tum dawn nia. Tunah Member sawi duh apiang sawi turin i lo ko ang.

PU H. RAMMAWI : Pu Speaker, kan sawi hmasa ber ang e. A hmasa in kumin 1999 atanga 2000 kan Annual Plan Draft Plan Sorkarin a an buatsaih hi a tlang-puiin approve tho tho tur a ni a. Tahchuan Department hrang hrang Motor leina an Propose ahi 114 ania. Tin, 2875 Post thar Propose a awm a. Hei hi chu a hriat thiam theih a, mahse, Motor thar leina atan, 114 leina kan Plan ah hian a tel a. Hei hi kan Department hrang hrang enkawltu Minister te pawhin mahni Department theuhah kan enchian leh deuh a tha awm e. Transport Department hi chuan Bus 10 an Propose a, a awm em em. Mahse, tiang zat zat Motor kan lei belh leh dawn anih chuan a thar man aiin a Maintain na hi a let engemawti in pawisa hi kan hman thin a. (Speaker : ngawi lawk teh aw. Kha kha kan Minister 2 ten tuna an rawn Move kha kan sawi dawn a. Khami chhung amiah Khan kal ila, a dang pawh kan ti zel dawn a. In sawisel duhte pawh khami chhung ami kha ni sela. General Discussion ani lova). Khami chin kha ka sawi duh chu a ni a. Pu Speaker, Session hmasaah khan General Discussion ah ka sawi ve lova, khate kha kan zep duh lawk a.

Ka sawi hmasak ber duh Urban Development tih hi a ni a. Urban Development hnuai ah hian cheng vaibelchhe 5 leh nuai 61 sing 5 sang 8 Demand ah hian a awm a. Ka sawi duh chu Plan Bu a alan dan ah hi chuan LAD hnuai ah khan Vaibelchhe 4 leh nuai 73 a ni a, PWD hnuai ah khan a awm veleh ta a, nuai 180 ani a. A vai a blekhawm kha Vaibelchhe 6 leh nuai 53 a ni a. Tah hian engtingge a figure a in an loh ? Nakinah kan Minister in a wind up hun ah min hrih fiah sela ka duh a, Plan Bu a alan dan ah hi chuan PWD nen a belkhawm hian vaibelchhe 6 leh nuai 53 ani a. Helai ah hian kan sawi leh duh chu Pu Speaker, Urban Development hi tum hrang nei a ni a. Urban area tan a tih ani a, he Urban Development Fund hi a leh lam ah chuan a tempting ve deuh te pawh a ni ang. Thingtlang Zokhua lam te pawhin hmuh ve ka tum te pawh ani ang. He Fund pawisa duh vang hian khawi khawi ah maw, eng Town Town emaw kan puang a, khang kan puan a te kha Urban Development pawisa kan hmuh theihna tur atan a kan tih ani mai thei e. Hetiang avang hian Mizoram ah hian Mizoram Sorkar mipuite hian harsatna kan nei a. Urban Development pawisa a awm a. Development pawisa a awm leh a ni. Urban Development pawisa kan duh avanga Urban area kan declare tam khan, Cencus ah hian rural population a tlem ta a. A tak tak ah chuan Mizoram hi chu thingtlang mi vek, rural area vek kan ni a. Aizawl Town te, Lunglei Town te erawh hi chu Urban area a kan puang a nih pawhin a awm a.

A group Centre zawnz zawnz nena Sub-Town leh Town a kan puan na kalphung angah Sorkarin a ke a pen avangin Cencus ah Khan rural population a tlem ta a, tunah pawh hian kan hriat dan chuan Mizoram ah hian 53 % chauh Rural Population Planning Commission in an record ang a ni ta a. A takah chuan ani awzawnz si lova.

Chuvang chuan Urban Development Fund kan hman rual hian, a plan kan buatsaih rual hian heng hi Department lamte pawhin rilru ah neih hlawm sela tha ka ti a. Chuti anih loh chuan Rural Development atanga Planning Commission atanga kan sum hmuh tur a kha hei hian a break ve ta tlat a. Town ni si lo Town a inngai, Urban ni silo Urban a kan indah hianin Rural Population a titem ta a. Chuvang chuan kan Cencus figure te pawh hi kan Sorkar hian uluk deuh hleka kan kan enpui a ngai awm mang e, chutilo chuan Planning Commission a Mizoram Plan Discussion kan neihin; Planning Commission a Mizoram Department hrang hrang te plan an enin rural Population ziak a tlem lutuk a taka tam si hi mipui in kan tuar tan ta a, chuvang chuan Urban Development tana pawisa ruahmanna kan neih lai pawh hian khang kha kan hotute leh Department te pawhin ngaih tuahna ah nei se a tha ang.

Ka sawi leh duh chu, Co-operation ah hian a ni a. Co-operation ah hian Mizoram Sorkarin Sorkar Bank anga kan neih ve theih chu Apex Bank hi a ni a. Share pawh kan nei a, tanpuina pawh Apex Bank tan cheng nuai hnih alo lang a. Mizoram Sorkarin a thu a neihve theihna Bank chu Apex Bank chiah hi a ni a. Mahse kan Sorkar in a Department hrang hrangin an thiltih danah hian hriatthiam loh ka nei a. Central atangin pawisa a lo kal a, State Bank atanga draw a ngai ngei ngei a. State Bank a an dah let leh a nih chuan a dik mai a. Mahse State Bank a dah leh tawh loin khawi lai Bank ah emaw an dah thin a. An dah dawn anih rau rau chuan keimah nin Bank kan neih chhun Apex Bank ah hian dah mai tur a ni a.

Local Administrative Department lam pawh hian tun hma Khan State Bank a dah silova, Bank danga dah an ching a. HUDCO Loan LIC Loan kan ti emaw, heng tana pawisa an draw chhuah hian State Bank a an dah anih chuan a dik e. An la chhuak sauh sauh a, khawi Bank ah emaw an dah thin a. Hei hi kan tihtur a ni angem? Kan la chhuak a Bank danga kan dah anih chuan mahni Bank awmchhun Apex Bank ah hian kan dahve tur a ni dawn lawm ni? tih kan sawi duh a ni.

Tin, Co-operation ka sawi lai in thil pakhat zeh zawk ka duh a, kan Minister Khan min lo chhin-chhiah sak sela, M.L.A. te quota min pe a, Gas ah kan quoota min pek a kha Aizawl ah te Saiha te ka pe ve a, Aizawl a kan pek hi abuai lo. Saiha a kan pek te kha, Saiha ah Mizofed Manager tunge in neih ka hre lova, M.L.A. te quota hetiang hi kan pe thei lo an lo ti a, chu chu nimin ah lehka ka hmu a, an mangang viau va, naktuk ah chuan a pe tur a ni ringawt, Government servant kan neih ten khatiang Khan an ti tur anilo. Gas a awm chuan naktukah a release tur ani ringawt, kan Minister in min lo chhin chhiah sak sela. Tunhma thil ani tawh lo tunch hian State kan ni tawh a, hetiang Sorkar hnathawk huang tau kan awm tur anilo. Thamma te an lo beisei anih palh tak hlahu in.

Tin, PWD ah kal leh ta ila, PWD ah kumin ah khan ka bial ah hma thar lak tum tun hma plan a awm tawh ani a, a hnathawh loh a ni a. Department hma lak na ah te pawh ahma khan kan lo nawr ve a, Sangau atanga Saichi chu-ah kawng laih nan nuaih 2, Government Provision kumin an khan a awm a, nikumah pawh khan a awm tawh a, hei hi kan sawi duhna chhan chu Lunglei Haka Road ami a ni a. Kum 1890 April thla a Shakespear-a te ho in a an hawn a ni a, British hunlai Kum 1890 April thla a an hawn tawh an maintained a, keini ho kan rate pian hma kal kawng kha waviin ni thlengin kan la zawh a, Burma ram lam atangin tunah Motor kawng an rawn lai tana, Chhimituipui Saichichhuah an thleng tep tawh a, Tunhma khan tlemte kha pawisa planah hian an dah thin a, tunah hian thawh awm silovin a riral zel a, chuvangin kumin ah hian a tak taka kawng hi kan beisei tak tak a. Kan beiseina pawh hi min tih-hlawhtlin sak ngei ka duh a ni. Hei chauh hi ka Bial Sangau ah hna thar a hlui ni bawh Plan a awm a ni. Chuvangin kan sawi chhuak duh a ni.

Tin, ka sawi leh duh pakhat chu, Lai District ah hian khawchhak leh khawthlang in kan awm a, a in zawm lova, direct a inkal pawhna kawng kan nei lova, chu chu Lawngtlai Sarepchuah Road a hi kum 1983 a Plan a siam tawh 1983 kum tawp lamah phei chuan A/A te pawh amaherawhchu, chhim lamah divert ani in kan hria a, Department hian zawi zawiin an chhui zawm dawn emaw kan ti a, tunah pawh hian Department planah an lang lo leh tlat mai a, hei hi draft plan a ni a. Kan Plan a hi Fund Allocation te a fel hunah chuan in extent theiin ka ring a, Department in hemi hi chu min hriat sak ka duh a. Tin, chu lo leh ah chuan kan Plan pheh 999 leh 116 na Government Housing ah Chhimituipui District a ruak a, Tin, PWD Building ah khan a ruak hle a, kha kha nakinah kan Minister in rawn hrilhfiyah se a tha in ka hria. Chhimituipui District ah hian Sorkar in Building sak thar tumna an nei lo em ni ? tih lai a kha a hrilhfiyah a tha in ka ring a. Tin, hun kanei tlem tawh bawh a, Mizoram State Road Project Plan ami pheh 137 na ami Vaibelchhe sawm kha khawia hman tur nge tih kha kan Minister in a wine-up hunah rawn hrilhfiyah sela tih ka duh a.

Tin, Pu Speaker, thil tha hi chu a fak hi a nuam ka ti a. PWD activity hi tunhma aiin a tha tawh a, tun hma ang anni tawh lova, kan Officer te hi an alert tawh a. Lengpui Airfield kum hnih chhunga an han siam zo te kha fak tlak anni in ka hria a. India ramah hetiang hi a awm meuhlo ni ten an sawi leh nghal a. Lawm awm kati tak tak a, Heng hi PWD a kan Officer te fel vang leh PWD activity a improve zia ti langtu niin ka hria a. A hna lam chu without call of tender an pe anih pawhin thil tha chu a tha e. A hna an thawh thatna tur anih chuan. Tiang ang hian PWD hi hmun hrang hrangah tunhma ang anni tawh lova, Tunah chuan PWD activity hi a improve-a kei ka appreciate viau tawh a, fellowna lai tam tak chu an nei ang khawi khawi ah emaw hna an thawh tam chuan, amaherawhchu, a tlangpuin an activity hi ka appreciate viauva. A tawp berah chuan Pu Speaker, tun hma in L.I.C. kan ti emaw, HUDCO Loan kan ti emaw, MLA ten an sem ve mang mang lova, tute emaw tlem te hian an sem a, kuminah khan MLA te quoata min han pe ve a, Mizoram bial hrang hrang ami ten kan han in sem tak tak chu, Mizoram kha a huapzo tha khawp khan ka hria a.

Bial tin, kil tin, Tuipang atanga Vairengte thlengin, Falkawn atanga Tuipuibari thlengin a tha viauin ka hria. Tunhma chuan khatiang cover kim a awm ngai lo. A tlangpuin, Town Area, Lunglei leh Aizawl ami ten an chang tha em em a. A bik takin Police Department phei chuanin an lo hmu tlem viau a ni tih a chiang a. Amaherawhchu, mipui aiawh te kuta engemawchen an han dah khanin, Department a ahnuai hnung lam deuh te, a hniam lam te hna hnuai hnung thawk te, mipui aiawhten an han sem chuan a tla rual em em mai a, kha kha thil tha, thil lawmawm tak niin ka hria. Kumin atan pawh hian 15 min pek te kha chu Ruling e, Opposition e, ti lo khan 30 velah han dah chho leh sela chu, a ai hian a tla rual tha leh awm mang e, tih ngaihndan ang kha ka nei a. Chu chu kan Minister khan min hriat sak sela, tih ka'n sawi duh a ni e. Pu Speaker, ka lawm e.

PU R. LALZIRLIANA

: Pu Speaker, thu tawite sawi ve ka duh a, hun min pek avangin ka lawm e.

Hei, PWD lamah hian han tan ta ila. Tun tum chu thla li lek ni lovin kum tuan Budget kan han nei thei ta a. A lawmawm hlein ka hria a. Kan bial te tan hianin kan Minister zahawm tak hi, Pu Speaker, he pawisa atang hian hna min thawh sak turin tun aia thahnem zawk leh tam zawk min thawh sak turin ka ngen duh a. Pakhat atan chuan Saitual atanga Saichal kawng hi min siam thar sak turin ka duh a, a chhan chu Saitual atanga Changzawla te, Ngopa lam kawng kal tur hian Saitual atanga Saichala kan kal mai hian KM. 50 dawn lain a in thlau dawn a, chu chu zawikhat sum sen ah chuan a hau tak deuh nain Sorkar tan thil tihnaawm tak ah ka ngai a, hei hi hmanah Motor te kawng a pawp tawh thin a. Amaherawhchu, tunah hian ping phui leh vek tawh a. Motor lian kawnga min sial sak turin ka duh a. Tin, tuna kan Minister zahawm tak Maite-a a han kal khanin, Maite ah X-Mas dawn velah chuan Bus lut thei turin mipui te'n an lo dil bawka, a 'Yes' niin ka hria a, a lawmawm ka ti tak tak a. Amaherawhchu, helai kawng kan kal hian Rulchawm atanga Mualpheng a kaltlang mai lovin Rulchawm, Ruallung, Mualpheng ah hian kal sela, a thain ka ring a, a chhan chu Saitual Sub-Town Area chhung vek a ni a. Rulchawm atanga Mualpheng pana a kal mai hian kham karah a kal dawn a, a kawng chu a hnai khawp mai a. Amaherawhchu, kan sub-town Area te, in hmun atana sem tlak vek, khua kan zauhna pawimawh tak a nih dawn avangin, kawng chu eng atan nge kan tih, tih chuan a hnai hlel hlel a tha alawm tih ringawt ni lovin a mipui cheng te tan kawng hi sial a ni a, kan Minister zahawm tak hian Department lam tum chu a nilo a ni tih kan hre tawh a. Khilala kan V/C te pawhin an lo bia a. Mahse, an ti thei tawh lova. Kan Minister chak tak hian mipuite hmakhua ngain tuna ka sawi ang khan Rulchawm atanga Ruallung, Mualpheng, Tawizo, Maite ah khan kal sela a thain ka ring a.

Tin, kum 1997 khan Maite kawng tih pawh a ni a. Pathian zarah a chhuak hmasa ber ka ni a, Motor te an lawm hle a ni. Khata ka kal lai khan thing lian tha pui pui, patling nileng pawm pawm, Sai tiat tiat hi Bul leh thing tha dang Ngiau te a tam mai a ni. Khatiang kha wawin nia kan kal tlang leh chuan hmuh tur a awm ta lova. Jeep Road chauh a ni chungin kan ngaw hi kan suusam zel a ni. Chuvangin a chawbawm lam hawi deuh hlekin Maite kawng kan sial dawn a nih pawhin hetah a hnuai deuhah Tuivawl kam hnaih lam ah kal selangin, chu chu a chawbawm kaw, wawin nia kan Sorkarin ei leh bara in-todelh a tumna kawng tha tak a ni dawn bawka si a, chutiang chuan kan ram ngaw te, an uihawm tawh em avangin kan PWD hotu te pawh hian khatiang ang kawnga hma min lak sak turin ruahmanna min siam sak : selangin alawmawm hlein ka ring a.

Tin, hei Saitual atanga Tualbung khatpui road hi a hnai em em a, nichina ka sawi ang khan Saitual hian hetah Darlawn leh Ratu lam te zawng zawng Saitual PWD hian a huam chin a ni a. A Division hnuai ami

a ni a, chutianga kal tur chuan hetah Saitualah, Keifangah, Tuirini, Selingah, khutah Zero Point ah, Sesawng, Mualmam Tuirini kan let lehin Khanpuiah, Khawruhlianah a han chhuak chauh a ni. Chutiang zawng zawng kal lo chuan Saitual, Tualbung, Khanpui road hi Km 24 emaw lek a ni a, tuna ka sawi kha chu Km. 60 chuang daih a ni. Chutiang ang kawng chu DRDA lam atang hian vawiin niah hian min hman sak a, an titha ve viauva, mahse, sum leh pai an neihte hi a te hle hlawm a, kawng lampang ti thei tu tak tak khawl bawm nen khawl lian tak tak nena inchhawp kan Engineer te hian min laksak sela, hei hi ram tan a chhenfakawm viauvin ka ring a.

Kan bial kan vannei a, Maite lam kawng min han laksak leh pheii chuanin Phullen road atanga penguin khuailui atanga penga Lungpher-Buhban road te khi tawite PWD lak loh kan neih chhun tur a ni a. Hengte pawh hi tam tak siam belh ngai lovin, vawiin niah ka sawi hmasak te kha Truck road a kan ti thei a nih chuan; tuna mi khi hmasang ata tawh Jeep road a kal a ni a, mahse, maintenance a that loh avangin a kawng a tha hlei thei lova. Hengte hi labour 3,4 min han dah sak sela, kumtluan a kawng tha tak nei thei tur kan niin ka hria, kan Minister zahawm tak hian min lo hriatsak sela, a lawmawm hlein ka hria.

Sawi tur a tam hle mai a, mahse, hun kan nei tlem si a, kan sawi zung zung dawn ang a. Aizawl khawpui chhungah hian nichina ka sawi tak ang khan kan main road a kawngpui bik hi a tha hle a, a lawmawm tak zet a ni. Mahse, a kawng te pen, keini michhe daikil kar a mi, vailen-hlo thenawm, veng mawng lama awm tan hi chuan hma sang ata tawh kha a lungchhiat thlak ngawih ngawih a ni. Kawngpui hrula insawn ve te kan duh a, mahse, hmun kan nei ve zo tawh silova, kan chenna hnuai tak a ni a. Armed Veng mawnga awm kan ni a, kan veng kawngte khu a tha thei reng reng lo mai a. Kan sawi ang khan road protection hote pawh hian han enna theih te pawh a ni dawn lawm ni ? tih ngaihdan kan nei deuhva. Amaherawhchu, heng tichhetute hi midang an ni lova, Telecom Department te an ni a, a hruai an phum hmasak pawl tak kha an ni a, mahse, kan veng lam khuan ngaihsak kan hlawh lo a ni. Vawiin ni hian an laih chhiah ang angin a la awm vek a, thenkhat a neinung deuh ten a min an hlau a, an in zawn kha cemen-in an hnawh a, a neilo chuan kan ropui ruah tuar tlawk tlawk mai a ni. Hengte hi min ensak sela tha ka ti khawp mai, hna hmasa lamah pawh min neih sak ve sela, a kawng a chhe bawk si, hetiang kawng bawl hrehawm taka kal kha a hrehawm em em a ni.

Vaiivakawn to, Luangmual road kan tih te khu, kawng a zawnga kawng chhe ber pawl a tling awm e, a zawhtu kan tam si a, a hrehawm khawpin ka hria a, kan hotute hian min hmasa sela, chutiang chuan P.M. College atanga Bawngkawn road te hi kawnglun ve tak a ni. Chutiang chuan Chhinga Veng thlanmual atanga Sihpui road te, kan sawi duh leh pakhat chu Armed Veng atanga Sihpui kalna tur khuanin KM khat (1) pawh laih a ngailo a ni a, mitdel lui kan tih pheii chu hmana tawh khan T.M.B. zawh theihin lei an dawh tawh a, khungte khu kan hotute hian min suttlang sak thei

sela, achievement ropui tak ni thei dawnin ka hria a. Hman-
laia kan politician Pu C.Pahlira, mi tam takin an ngainat
na em em hi, Aizawl khawpui town extention kawnga lo rua-
hmanna hi a ni, hetiang ang a ruling ruahmanna bawhzui thei
tak tak hi Sorkar kan la nei lo tihna a ni. Tuna ka sawi te
hi min han tihsak sela, Armed Veng chho lutuk, chhiatni
thatni ah leh Law and Order problem a awm a, Motor pakhat
chhia in kan Police Motor te dang thup thin hi, a divert
na remchang tak a nih dawn avangin min hriatsak a pawimawh
a. Helam ah hian sawi tur a tam em em mai a. Thildang sawi
duh ka nei baw si a, tawk sela.

Co-operation hi a pawimawh em
em mai a, helam ah hian han sawi ta ila, Co-operation chung-
chang ah hian kan Mizo mipui te hi a alent taw lo hle a.
Politician te pheih chuan kan hre lo hle a ni. Co-operation
Department in hma an lo lak nasat tawh zia te, kan ramah
hian Co-operative Society sanghnih chuang a lo awm tawh a,
Mi sing telin an lo chhawr tawhin Member an lo nei tawh a
ni. Chungte chu thingtlangah a bikin kan chhawr zual leh
nghal a, Hengte hi MNF leh MRC Joint Manifesto ah khanin
No. 9 ah khanin lo zia baw a, a lawmawm em em a ni. Vawin
ah hian nikum Budget te kan han en a, plan size te, Demand
te kan han keu a, vawin ni nen hian a in tiat chauh mai si
a, vawin nena lakh 33 leh point something chauh a ni a.
Hetiang hi a nih dawn chuan nikum aiin nasa fe in kan tla
hniam tihna a ni. Pawisa hlutna a tlakhniam tawh avangin.
Chuvangin thingtlang mite, a lian a te, hrutualna ber leh
kan chaw bawm ber a ni a. Pawisa hi in dah tlem lutuk a ni
tih ka sawi duh a ni. Tichuan, mahni taw te te in thingtlang
ah Society dawr te an hawng a, hengte hi price control tu ro-
pui ber a ni. Sumdawng ten a to in an ti a, nimahsela, a
hle um lovin, society member ten society an din a, dawr an
lo siam ve ah chuan a tawk chauhin an chhiar a, mipui ten
kan chhawr tak zet a ni. Kan hotuten pawisa te pawh hi R.E.
lamah pek belh theih a nih chuan a lawmawm ngawt ang.

Tichuanin a lungchhiat thlak ang
reng a, PWD kan han sawi takah chuan PWD te, a pawisa bawm
deuh leh enge ni milian lam ina kan hai theihna te chu Engi-
neer-in Chief te kan ti a. A Department te kan han phel a,
pawisa tam tak helai ah hian a luanglut a ni tih kan hria a.
Chungte leh Co-operation Department te kan han ngaihtuah hi
chuan a bei . tham lutuk a, Sorkarin a kan ngaihsak lo zia
hi a lang Chiang em em in ka hria a ni. Tichuanin, hmanni
lawk a State level Society in Assembly te an kova, chung ah
chuanin in thlang tura hlim taka an awm lain Sorkar chuan
inthlang lo turin kan han ti leh mauh mai a. Chutianga in
thlang lo tura kan tih lai chuan, an ni chuan a Board Mem-
ber-te hian lo enkawl zui sela, inthlan leh hma chu an ti
a, chu pawh chu duh taw lovin, he Sorkar hian kan han
thiat leh ta baw si a. Thla sarh lek he Sorkar kan din
chhung hian thingtlang mite a rethei a te eibawm bera kha
vawin niah hian kan rapbet leh ta a ni. Hei hi thingtlang
mite, mirethei zawk rahbehna nasa tak a ni tih hi helai
House ah hian ka sawi duh a ni.

Chuvangin, kan hotuten, engtiang-
in nge tih in tum ? Tlangkama kan lo hriat dan pheh chuan
helaia state level society a, memberte Chairman tur angte
pheh hi chuan Ruling party mite emaw kan MLA te emaw tute
emaw dah tumna te neiin an rules te an act te, bye law te
chu siamthat tumin Sorkar hian hma kan la mok em ni tihte
hi ka zawt duh a, chutiang kawnga hma kan la a nih chuan
he Sorkar hi mipui ina min endan tur chu enge ni ? A thlang
lal tute rapbeta, an chungga nawmchen hi a ni ringawt mai
em ni ? Nawmchen Sorkar miin min ti dawn a ni. Chuvang
chuanin in pawisa dah kan han eh hi chuan Department hna
thawktute enkawlina tur te, Society khawtin a an in enkawlina
tur te atan hi chuan pawisa a tlem lutuk a. Hetiang hi kan
ti belh dawnlo a nih chuan he Demand hi pass pui che u pawh
hi a har viau in ka ring a ni. Chutiang a nih lohva a tha
zawnga kan kal dawn anih a kan ngaihtuah zel a nih hi chuan
pass pui che pawh kan duh a ni. A hei hun hi a tlem khawp a.

Pu Speaker, sawi tak tak dawn
hi chuan L.A.D. lamah te kha khalai Co-operation ringawt pawh
hi sawi tham a awm a. Khalai ah khan kan cheng rei thei si-
lova, LAD ah te hian vawiin nia kan hna ber nita anga lang
chu V/C thiah hi a ni ringawt mai a ni. V/C thiah hi a buai-
pui awm viauva, helaiah kan House-ah hian kan Chief Minister
zahawm tak hian Opposition lama a thut lai khan nominated
Member te hi an buaipui awm em mai a ti a. Vawiin nia kan
dan siam thatah khan nominated Member te kan paih ta em le.
Vawiin nia kan buaina ber chu nominated member te paih a ni.
Kan House Leader nita hian a duh loh ang chiah khan nomi-
nated member te hi kan dan siam thatah khan kan paih tur
a ni in ka ring. Heng hi min ti buaitu an niin ka hria.
Sorkar leh anmahni pawhin duh thal a an lo tih tawh Governor
pawh a lo remtih thlapna hnuaiah vawiin niah chuan kan paih
ta char char a, kan nawm an makin dan leh dun pawh pawisa
hauh lovin, a khing chhun an awm chuan High Court a khing
chhun an awm chuan an thiam zel a. Mahse khin sen lohvin
in fing khawp a, in thiat char char mai si a, LAD ah leh
Rural Development Department ah hian buaina a tam ber a, in
mi leh sate ka duhsak in ti a, hei hi vawiin niah chuan ka
hrih ang che u, hei hi in hriatna a ni dawn a ni, chu chu
in hriat a pawimawh in ka hria a.

Pu Speaker, thil pakhat chauh
ka'n sawi tel duh a chu helaia min thuttir tu hi tunge ni ?
tih ka hria a, kei chuan. Helaia min thuttirtu hi a a lova,
Press Release in a siam ah chuan mi a, dan hrelo min ti a.
Mahse, helaia min thuttir thei tu hi Pathian a ni a, dikna
duh mi a ni, chuvangin dikna kan duhna ah hi chuan vawiin
nia in Press Release a min vauna zawng zawng te kha inchi
khat pawhin ka hnungtawh phah dawn lo a ni tih hi ka hrih
duh che a ni, Pu Speaker, ka lawm e.

S P E A K E R

: Pu K.T.Rokhaw.

PU K.T.ROKHAW

: Pu Speaker, hei Demand sawi thei tura hun tha min pek avangin a hmasa in lawmthu ka sawi duh a. A pakhatna ah chuan, kan

Minister hi PWD Demand No. 54 hi ka'n sawi phawt ang a, kan Minister zahawm tak hnenah House ah Session hmasa pawh khan ka thlen tawh, amah pawhin theihpatawp a a lo bawhzui ve a tum tih min hrilh a, a lawmawm ka ti khawp a. Hei ka bial ah Mohreh leh Chapui kawng hi 3Kms vel laih tawh a ni a, 12Kms. a ni a. Tichuan KM.9 vel laih tur ala awm a. Hei hi engpawh nise, tun Budget chhung hian min laih zawh sak hram se tih a hmasain ka ngen duh a ni.

Tin, Phura kawng hi K.T.Road tih a ni a. Kawlchaw to Tawngkalawng Road tih a ni a. Mahse, Kawlchaw atangin Phura thleng PWD kawng kan nei a. Phura atangin Tawngkalawng kawng hi PWD Road kan nei ta lova. Chuvangin engpawh nise, Phura atangin Tawngkalawng kawng hi tun kum chhung hian min laih zawh sak hram se tih ka ngen duh baw a.

Tin, Chakhang ah khian I.B. kan nei a. Term hmasa Sorkar khan min siam sak a. Mahse, a pawisa a daih loh avangin, a zawl, Motor dahna tur a awm lo tih loh ah chuan a tha em em a. Chu chu Retaining Wall siama tha deuh a dawh zawl theih a ni a, khilai retaining wall khi min ngaih pawimawh sak hram se tih ka ngen duh baw a.

Tin, hei PWD hi ka rilru a ka lo ngaihtuah ve thin chu, tunah chuan mahni Mizo pui ngei, mahni hna a, mistirihnathawk tu kan lo neih belh ta zel a, chutah chuan In sak tur Estimate ah reng reng hian Assam Type tih a la ni reng mai a. Assam atanga kan indanna hi a rei tawh si a. Chuvangin kan Engineering fel tak tak te hian Plan and Estimate tha tak siama, Assam Type ti tawh lovin, Mizo Type ti hian thlak theih ni tawh sela, a tha khawp ang. Hei vawiin a kan MNE leh MPC te Sorkarna an lo siam tawh baw a. Hemi hi chu Assam Type ti tawh lova, Mizo Type tia thlak, Engineering hote hian pawm tlak tha tak lo duang chhuak thei sela tih ka sawi duh a.

Tin, kawng Grade te hi a chhe viau mai a. Khi lamte phei chu a chhuk chho khawp a, a kal kawng hi R.D. ina an laihtirte hi a Grade a tha zawk mah mah a, PWD aian. Chutiang a nih avang chuan Mechanical Circle hi a hranin dah tawp sela, tichuan khami mechanical Department khan mchanise hna hi uluk takin thawk ta sela, chuan, kawng te pawh hi a Grade a that zawk ka beisei a. Chu chu kan Minister hian lo hriain lo chhinchhiah sela.

Tin, hei Aizawl khawpui hi mipui kan tam tawh a, a kawng hi a chep tawh em em a. Tin, Motor pakhat lo chhe ta sela, khawlai hi Motorin a jam vek mai a. Chuvangin, engpawh nisela, kan Sorkar chak tak hian a lunlai deuh hmun hnih hmun thum ah hian ram lei ta sela, chutah chuan Motor park-na tur hmun building sak ni ta sela, chuan Motor jam pawh hi kan nei khat tawh viauin ka ring a. Chu chu Minister in a rilruah min lo hriatsak se, a tha viauin ka hria a.

Tin, PWD kawng hi leimin avang te, a then pheii chu an laih tan tir te a feet 160 laih tur an tih te kha feet 12 kha laih a tam a. Chuvangin, a then ah chuan Jeep pawh tlan theih lohna kawng hi a tam a, chuvangin maintenance ah hian pawisa kan dah tam a pawimawh khawp in ka hria a. A kawngkan pawimawh zualte chu hma kan lak tur anih lain searting anih lain a pawimawh ber kan neih tawh sa maintain hi a pawimawh berin ka hria. A then chu PWD kawng kan neih reng Jeep pawh tlan theih lohna hi Mizoramah hian a tam a ni. Chuvangin maintenance tam hi ka ngai pawimawh berin ka hria a, chu chu PWD ah kan sawi duh chu a ni a,

Tin, LAD ah hian tun tumah te khan MLA te, kan Minister zahawm tak hian HBA loan quota MLA ho a lo pe bek a, a lawmawm khawpin ka hria a. Khatah khan kan bulah Sorkar hnathawkte lo dil ve te kan pe ve thei a, alawmawm viauin ka hria a. Hetah hian Sorkar hnathawkte hi an hlawh atanga cut mai a ni a, a rulh dan an harsa reng reng lo. Chuvangin, LAD loan hi a tlem lutukin ka hria a, tunah pheii chuan thil man hi a sang tawh a, chuvangin HBA, LIC a ni emaw HUDCO a ni emaw, tun ai hian a amount tam zawk Sorkar hnathawkt te hi pek theih nita sela. Tunah hi chuan nuai khat erh awrh kan pe a. Hei hi in tak tak han sakna tur atan chuan a beitham hle a. A rulh lamah an harsa lova. Hlawh atanga cut mai tur anih avangin. Nuai 2/3 te pawh a duh tan chuan pek ni ta mai se.

Tin, a dang leh chu, hmanni ni 16 khan Hunthar ah khuan thil vanduaithlak tak mai, leimin 1991 atanga intan tawh kha, kar hmasa maiah khan lei a min a, chhungkaw 14 lai chu an in awmna tlak lovin, YMA leh V/C te in an bungruate thiar chhuakin, a then Chakma House ah 10 vel kan dah a. V/C House ah chhungkua 2 vel kan dah a, a then chu an chhung leh khatte inah an la awm a. Chu chu kan dinhmun a ni a. Heta ka rawn sawi duh chu, khulai khu leimin leh che reng anih avang khuan Sorkar hian inhmun pe tawh lo sela, a hlauhawm em a. Khutianga vanduaina tawkt te khu chhungkaw 14 an ni a, 4 khu 4 dang an in la min lo, lo thei loha a affect dawn tih hriat an awm a, tichuan 18 an ni ta a, khumi te khu inhmun hmundangah min pek sak hram se, chuan Housing loan te chhungkua 18 khu duhsak bik ni hram sela, a lawmawm viau ang. Tin, an in luah tlak anih tak lovah chuan, tun a an hman tur pawimawh zual bik hi, Sorkarin min ngai pawimawh em em lain min ngai pawimawh leh zual sela, alawmawm viau ang. Kan Minister zahawm tak bialtu MLA pawhin vawi 2 vawi 3 lai arawn tlawh a, a ngai pawimawh viau a, kan khatlang kan lawm viau a. Kan C.M. te pawh min lo tlawh tawh a, min ngai pawimawh hle a ni tih kha kan hre reng chungin, engpawh nisela, tun ai a min ngai pawimawh leh zual turin ka lo ngen duh a.

Tin, a hming te chu ka sawi lang lo mai a, hun a chep si a, minute 5 chauh kan nei bawk si a. Chumi chu kan Sorkarin Department in min lo hriat sak hram se.

Tin, loan tih ah khan Housing loan te pawh, hi a tlem lutuk a, 50000/- 70000/- a ni mai a. 70000/-; a tam zawk, 50000/- hi a tlem zawk, small loan a ni a. Hei Rs. 50000/- in din te hi chu a theih loh hrim hrim a. Housing loan kan pe anih chuan atlem berah nuai chuang hi chu i pe tawh hram ang u tih ka lo ngen duh bawk a. Tin, kan V/C te hi an dinmun hi an khawngaih thlak khawp a. A lehlamah kan C.M. leh Minister leh MLA te thing-tlangah kan va zin a, vawk an lo talh te, tin chaw kan ei phawt loh chuan, thingpui te kan in phawt lo chuan an duh bawk si lova. Chutah chuan an nin pawisa neih an neih loh avangin mipui pawisa kha an hmang lo thei lova. Chuan mipui in kha VCP kha a corrupt a ni an ti leh lawi si a. Engpawh nise, V/C tan pawh V/C fund hi kan siam sak tur a ni dawn lawm ni tih hi ka sawi duh bawk a. Tin, tunah hian SDS hi kan Sorkar hian a la sem zo loin ka hria a, 2500 vel pek tur a la nei a. Hei hi a rang lama pek hram tum sela, a lawmawm viau ang.

Tin, tlem kan sawi leh duh chu, kan Minister khan a hma khan MLA hote Quota min pe a, Chu chu Aizawla mi 2/3 vel chu ka pe ve a, midangin engtin nge ni harsatna an tawh leh tawh loh ka hre hauh lova. Aizawla mi kha chu an clear ta a. Mahse, Saiha a kan thawn kha an pe duh tlat lo a ni, tun thleng hian an la pe lo a ni. Chu chu kan Minister zahawm tak hian hma min laksak sela. A dik tak chuan MLA kan ni a, ram hruaitu kan ni a. Minister in Quota min pek, kan Quota chhunga mi, a Officer tena min lo object kha chu a na em mai. Chuvangin kan Sorkar hian, kan Minister hian a rang thei ang berin MLA ho Quota kha lo release rawh ti nghal sela, vawiin la la hian ka duh a ni.

Tin, Co-operation hi promotion a chaklo lutuk a, chuvangin a Staff ho tan chuanin a phur awm lo viau a ni. Chuvangin an promotion a chak theihna tur kawng pawh hi Sorkarin hma lak sak sela.

Tin, Apex Bank hi Mizo ramin a Bank kan neih chhun a ni a, kan ta kan tih theih awm chhun a ni a. Chutih lain a building pawh kan nei lova, mi In kan luah a. Ram leisaka, a building hi sak sak ngei ngei tur niin ka hria.

Pu Speaker, Treasury Square ah Petrol Pump hi ka ngaimawh thin khawp a. A chhan chu current a awm loh chang hian nilengin Petrol nghahte a lo ngai a, kawng a chep si a, Traffic jam avangin kawng hi a khat tlat mai thin a. A laili lutuk a. Chuvangin kan Sorkar hian Petrol Pump hmundang dap ta sela, khimi khi hmang thoin.

Tin, Fishery tlem han sawi leh ila, Sangha a intodelh duh em kan ni a. Kan C.M. zahawm tak tlangauna ber pawh mahni intodelh a ni a. Chuvangin Phai Sangha ring tawh lova, mahnia intodelh theih tum ta ila. Sangha dil neitute hi tanpuina tha zawk pek a, tih hlawhtling ngei tura hmalak pui nise.

Tin, a ram chung lui kan neih reng reng ah hian sangha chi hi lei ila chhuah ta vak ila kha kha YMA te V/C a ram neity te mawh ah dah ta ila, ti-chuan Sangha hi a lo tam em em dawn a ni. Chu chu Pu Speaker, hun a tawp tawh si a, Ka lawm e.

PU SANGHMINGTHANGA H. FAUTU: Pu Speaker, ka lawm e. Ka sawi ring thei lo deuh anih pawhin min lo hrethiam dawn nia.

Hei Co-operation lam ah khan lo kal hmasa ta lawk ila, Co-operation ah khan kan MIZOFED chungchang bikah khan subsidy grant-in-aid tih kha a awm a, Rs. 16,40 lakhs Pu Speaker, hemi MIZOFED lam hi a tlangpui chuan intodelh thei deuh niawm chuan kan hre ringawt a, Gas nen hian, amaherawhchu, hemi thawmhnaw zawrhna retail anga an zawrh lampang a hi, nichina an sawi ang deuh kha Co-operation movement kan ti chak dawn anih chuan a retail outlet lam ai hian whole sale lam hi uar ta zawk ila, tichuan thingtlang lamin a harsatna an neih leh mimal sumdawng ten a exorbitant rate an siam a, an zawrh zuk veng tur hian helai atang hian whole sale kha thingtlang Co-operative Society ah khan pe chhuak thin tase, a ziaawm awm mang e, tih kha ka han sawi lang duh a. Helai retail outlet a hralh chhawn zawng zawng hi chu a nghaka te fel hle mahse, a retail outlet lamah hi chuan an hnianghnar lemlo niin a lang a ni. Chumi avang chuan hei hi uluk taka en a, MIZOFED lam a ni emaw thil chi hrang hrang MAHCO tihte pawh hi Sorkar hian a tlangpui engang chiahin nge tunhma atanga kan dinhmun, kan deficit nge deficit lo tihte uluk taka en chho a, chutianga eng eng emaw wind up ngai ang chite wind up hnial loh; tin, a nih loh pawhin a thalo laite pawh kha Committee te siam a en chhoh deuh hlek ngai a awm mai awm mang e tiin ka'n sawi duh deuh a. Hei, Co-operation hi Co-operative movement lampang bialtu ho hi chuan kan tangkaipui viau thin a. A chhan chu rate hniam zawkin an hralh thei tlat mai a. Khami avang khan helai whole sale anga pek chhuah theih anih chuan a tha dawn hlein ka hre tlat a. Anniin khawi khawi atang emawa midang agency atang tein an han la chhawng a, chutianga chuan ziaawm a ni a. En tirna maimai han sawi ta ila. Ke biel Kawnpui ah khuan Hortoki khu a thlang zawk a, Kawnpui atangin 18Km lai a ni a, chutah Tlawng kamah a awm a ni a. Amaherawhchu, khutah khuan Co-operative Society a ding tha viau mai a, damdawi lam leh thildang te, Kawnpui aian an rate a hniam zawk tlat mai a, mipui in an tangkaipui em em a ni. Kha-tiang chi khan thingtlang lam tan hian thain ka hria a. Helam panga retail outlet lam hi ti loin tianga tih kha ni ta sela, tiin suggestion ka siam duh a.

Tin, MIZOFED ah hian en ngai a awm deuh em aw ? ka tih chu sawlaia a petrol hralhna hmuna awm te reng reng sawn private Oil Tanker hi an nei thei deuh vek mai a, hei hi chu enchian chu a ngai deuh mang e ka ti. Neih hrim hrima kha huatna lampang niloin, khatianga lampang ah khan eng emaw chulak taci deuh thil a awm em ni tih kan Minister khan min lo note sak sela, thain ka ring.

Tin, hei FWD lamah hian kal leh ta ila, Stock Suspense kha alo lang a. Stock suspense hi ka hriatna a sual loh chuan Mechanical Division ah leh store division ah hian an dah thin niin ka hria a. Hei pawh hi a lo chhuahna hi ka hresual anih loh chuan, Pu Speaker, U.T. kan nih lai khan pawisa han liam tur kha tih ngaihna an hriat si loh, hum an duh si ah khan stock suspense dah thin chu a ni a. Tunah hian engemaw a tulna aw ka ti a. Tin, chulovah he thil hian corruption a invite tlat-in ka hria a. Sawng, entir nan, FWD Godown ah te sawn tunhma a an thil lei bawngtuthlawh tihte thil chidang han en ila, a hman a hman tlak der loh thir chhe zuar ho hnena auction a pek mai loh chuan tih ngaihna awm derlo te kha cheng nuai eng-zat man nge ni ang? Khatiang lakkhawm te kha a awm thei tlat mai a. Chuvang chuan a Department tan chuan a uiawm viau mai thei a. Mahsela, hetiang hi tunah khan nuai za lai a awm a. Khang kha hmun dangah sem ni zawk tase a tha awm mang e aw ka ti a. Hemi avang hian heng hi a leh lamah tul chu an ti na a, a tullo in ka hria a. Helai hi tunah chuan hei thil awm tawh a ni a. A lehpek lamah chuan heng hi tih bova, thil dang atana tih hi a tha lawm ni tiin ngaihtuahna a kal a, kha kha Minister in min note sak theih chuan alawmawm ngawtin ka ring a. Tin, Department tin mai an "rumna" FWD ah hian a awm a. Chu chu Departmental ah an sawi hreh a, kan sawi chhuak ang a, Pu Speaker, building ah hian Department hrang hrangin FWD ah nuai enggemaw tel an transfer thin a. Chutah chuan an sawi dan hi chi hnih a awm a. Pakhat ah chuan agency-charge an ti a, pakhat ah chuan service charge an ti a, 11.75p.c. hi an la thin a ni. Chu chu Department ho hian harsatna an tawh phah em em a. 11.75p.c. kha dah belh a ngai leh thin a, original plan atang khan chutah chuan khatiang a nih chuan hei hi engnge a tangkaina aw, FWD ina building an sak a, agency charge atana an tih hi, hei hi a tih tawp theih lawm ni? tih hi Minister kan ngen duh a. Hei hi tih tawp theihloh anih erawh chuan alternative awm a ka hriatna chu Pu Speaker, E.E. hi Department tinah post siam ta vek ila.

Tin, Major Department tinah S.E. hi dah mai bawk ila. Tichuan heti laiah chuan 11.75% pawisa kan sen belh hi a tibo thein ka ring. Chutiang chuan a tih theih ang a, tichuan Department ho hian building kha anmahniin an khawih tawh ang a. FWD in Road leh Bridges te, Major Projects, entir nan, Lengpui Airport kan tih te, Capital expansion tih ang te emaw, enggemaw khatiang lian tham kha chu an tih tur a la awm tho a, chuti zawng te chuan a her rem theih lawm ni? tih a ni.

Tin, Scholarship chungchang kha an rawn tilang a. Stipend, Scholarship ah khan nuai ruk chauh a rawn lang a. Hei hi tunlai dinhmun atan chuan a beitham mang e, ka ti deuh a. Tin, Scholarship ah hian Technical te, Higher Education lam te pawh a huam chho vek a, Higher Education in eng tiangin nge hma an la rawn lak chho dawn, tih erawh chu nakin lama sawiah a tul anih tak leh la sawi ta ila. Maherawhchu, hei, tunlaiah pawisa hlutna hetiang hi a lo ni tawh a. Chuvang chuan zirna chi

hrang hrang, engineer lam te, Medical lam te, tin, Agri. lampang te, tin, Fisheries, Vety lampang te, chi hrang hranga an zirna chhovah hian a beitham lutuk deuh, tuna 500 kan pek te, kum khata book grant 1500 tih te chu a tlem em em a ni. Chuvang chuan, 1000 nge 1500 thlatin stipend ni sela. Tichuan Book Grant te pawh hi kum khatah 3000 tal ni thei ta ang sela chu alawmawm hlein ka ring a. Hei hi R.E. lamah te reflect theih ni thei hial sela chuan a tha awm mang e aw; ka ti a. Kan tu kan fate vek an ni a, heng a zarzo tur te hi. Chuvang chuan hengte pawh hi en that chho a tha awm mang e tih hi kan sawi leng tel duh a. Tin, ka bialah khuan Gas bottoling plan Dualhrang lui chhuah ah khuan, National Highway 54 bulah khuan tih tum a ni a. Hemi chhuah atang khuan Mualkhang khu pan chhohna kawngpui a ulh chhe viau mai a. R.D. lamah chuan expert te awm anih loh avangin an thiamawm viauva. Motorte chu a kal thei hram hram a fur ah phei chuan kel ngam pawh a ni vak lova. Khulai a luh chhohna Km. 5, vel han huam ta ila, a soal tampyi awm love. Khulai a khu TWD lam hian min laih chhohsak theih sela a lawmawm hlein ka ring a. Khu-mi Mualkhang piah a hmar lampang leh a chhimlam pangah khuan Agri. hmun tur leilet tha tunah hianin In 40 zel ve ve awm theihna tur ruahman a ni a. Chumi atan chuan khulai khu a pawimawh dawn avangin min lo chhinchhiah sak sela, a lawmawm hlein ka ring a.

Tin, LAD lama khan nichina Tuipang lam bialtu zahawm takin a rawn sawi ang deuh khan Housing Loan hi a tlem tham deuh mang e aw ka ti a. Sing nga, sing sarh ang vel chu in han sakna atan chuan a tlin lo ni-in a lang a. 10,0000/- emaw tal chuan a tih chhoh theih dan awm lawm ni ? tih kha a tha awm mang e tih kha kan pui deuh a. Tin, hemi rual a loan/advance Sorkar hnathawkte lak chungchangah khan, a tlem bera Rs. 1 lakhs dah kha a tlem tham deuh hlek chu a ni e, ka ti duh a. Rs. 1.25 lakhs tal chu ni thei sela chu, thil hi a to ta em mai a, tin, a bik taka kan Sorkar hnathawk ten Central Pay Scale zuia an lak phei chuan tlem in a lo danglam leh emaw a ni ang a. Chumi avang chuan khulai pawh kha ennawn deuh chu a ngai awm mang e, ka ti duh a. Hengte hi nakina R.E. lama a lan theihna turin Ministerin min lo hriat sak sela ka duh a, ka ngen bawk a ni.

Tin, kan hriattlan Sangha chung chang kha, a ni khawp mai a, mihring hrisel nan a pawimawh tak mai ni se, a leh lamah kan tih thiam loh vang nge, kan enkawl dan hi a puitlin tawk loh vang nge lah ka hre lova. A chi tihchhuahna te hi duhthu a sam lo nge ni, a chi pawh hi intodelh tawh awm tak hi kan ni a, Thei lamah hian nuaih engemaw zah sengin kan lei ziah mai a. Hemi hi tun kum atang chuan kan Minister in theihtawpa tan la in kan dang thei lawm ni ? Tin, keimahniin Seed Farm hi kan nei ve tho si a, hei hi kan enkawl the tawk lo nge, hei hi en ngun deuh a, phai lama nuaih tam tak kan pek thlak hi keimahni lamah a luh theih a, tichuan helaiah awlsam taka kan intodelh theihna mai tur, niin a lang a. Hei hi a ki pui deuh niin kalhria a, kan Minister in min lo hriat sak se, ka duh bawk a ni. Pu Speaker, ka lawm e.

U H. LALTANPUIA

: Pu Speaker sawi tur ka ngah lova, mahse, lehlam atangin ti mai ila, han tan chhove ila, Demand No. 42 na Co-operation chungchangah hian. Hei tunhma kha chuan tel (Mustard) Oil hi Co-operation Department hian mipui te hnenah a sem ve thin a. Mipuiten kan tangkai pui khawp mai a, a bik takin thingtlang lamah phei chuan tel man hi a to em em mai a. Co-operation Department atang hian mipui hnenah tel hi sem leh theih dan a awm lawm ni Retailer atang hian sem leh theih dan a awm lawm ni tih hi. Tin tunhma a an lo tih dan thin engtik hunlai khan nge an tihtawp ka hre lova, tin LAD ah kan thian member pui zahawm tak tak te khan an sawi tawh a, HBA hi an sawi tak ang khan MLA te quota engemaw zah min rawn pe ve a, a lawmawm hlein ka hria. Ka ngaihtuahna hian hei, HBA hi a repayment a tha thei bawk si a, tin min puk tirtu HUDCO emaw LIC emaw tan thil hlauhawm a awm silova, chuvang chuan hei aia thahnem leh zuala siam tam hi thain ka hria a kan Sorkar hruaitu leh kan Minister ten theihtawpin tan la ee, LIC atang kher lo pawh Co-operation dang atangte pawhin kan Sorkar hnathawk te HBA tur hi tam tham deuh rawn hui leh dan a awm lawm ni, tun atanga kum hnih(2) hnuah hi chuan Mizorama Sorkar hnathawk a duh zawng zawng hi chuan, a la thei chin zawng zawng hi chuan tun atanga kum hnih chung hian la thei vek sela, chutiang chuan hma a lak theihin ka hria a. Kan sawi tak ang khan hlauhawm a awm miahlo a ni. Hemi HBA chung changa hian. Chuvangin tam zawkin hmu thei sela tih kha kan sawi duh a.

Tin, FWD lama hian ka hriat dan a sual loh chuan ka bial Suangpuilawn atanga Khawlian kalna inkar kawng tura kha Work Schedule ah in telh niin ka hria a. Tin, Phullen atanga Phuaibuang inkar kalna kawng tur ah khan nuaihni (200000) in telh bawk niin ka hria a, lawmawm ka ti tak meuh meuh a. Maherawhchu, pawisa awm loh avang erawh chuan, tun kum Saitual Division ah Tuivai lui dawhna turin sum a keng hnem deuh hlek a, hma thar lian takin kan la thei lo a niin ka hria a. Maherawhchu, chhunzawm leh theih tur a Suangpuilawn atanga Khawlian inkar pawisa min dah sak kha lawmawm ka ti tak zet zet a. Tin, chutiang bawk chuan Phullen atanga Phuaibuang a token chauh tak tak pawh nisela, nakum lamah chuan a nihna tur leh tam tham zawk pawh min dah belh sak dawn anih tih kha a lang chiangin ka hria a. Chuvangin lawmthu ka sawi duh a. Tin, chutih rual chuan lawmthu han sawi rual rual hian kan Sorkar transparent Government kan siam dawn niin ka hria a. Chuvangin a diklo lai awm te pawh, nia kan hriatte pawh han sawi chhuah thain ka hria a. Entirnan, Phalleng atanga Suangpuilawn kalna kawngah eng engemaw thil niawm lo tak tih niin ka hria a. A dik leh dik loh kan Minister hian min en sak sela, entirnan, construction of T.Beam Bridge and River Aier and widening of approach road improvement of RCC slab culvert at Tuivawl a ti a. Hemi a taka hnathawh awm silo hian a pawisa hi lakchhuah vek tawh leh hman ral vek tawh niin ka lo hria a. Ta tak em ni tih kha ka sawi duh a. Chulo lehah chuan kum 1999-2000 tun kum kal mek ah hian khimi Division ah bawk skilled worker, a taka 37 chhawr nise, a bill lakchhuah chu 40 nisi, tin, skilled-II ah bawk, a taka M.R. chhawr chu 53 a bill ah chuan 57 nisi,

skilled-I ah an chhawr chu 59, bill ah chuan 60 nisi, thil dik lo a chhuang bang kha awmin ka hria a, a dik leh dik lo min enfiah sak sela, ka duh hle a.

Tin, STDB Rd. ah, Tuivai, Daido, Bukpui road ah hian Km. 50 atanga Km 53 black top-turah hian Barel Bitumen Alkara 11 lei a ni a. Zuangtui Kudam bulah crusher chhia bulah mi chu lei a ni a. Pakhat Rs.2500/- zelin lei a ni a. Hemi an Bitumen lei, a hman tlak loh kha 100/80 a ni a. Engatinge hetiang Bitumen chhia, hman tlak loh helai a an lei a, an hman mai kha a kawngin a tuar dawn avangin thil serious tak a niin ka hria. Hei hi min endik sak se ka duh baw a. Tin, a phurtu Motor number te pawh ka hria a, ka sawi zel tawh lo mai ang a. Tin, chu lo lehah chuan E.Phai-leng atanga Suangpuilawn road ah baw Km. 11 khian Pu Vanlalsiama hna an thawh tir a. Tahchuan Rs. 120000/- (nuai khat leh sing hnih) Pu Vanlalsiama hnenah pek a ni a. Amaherawhchu, Bill ah chuan Rs. 300000/- bill a ni leh baw si a. Hetianga thil inmillo awm a hi Sorkar tan thil tha a niin ka hre lova. Tin, Pu Vanlalsiama hian earnest deposit emaw call deposit emaw engmah pawh a awm baw si lova. Hetiang anga Rs. 120000/- amah ina a dawn a, a bill a Rs. 300000/- lo lang baw si hi hriatthiam har ka ti a. Chung chu kan sawi duh leh baw a.

Tin, chu lo lehah chuan hei ka bialte chu rambuai bial hun engemaw chen a ni thin a. Kan HPC movementte avangin chumi avangin Sorkar Quater te leh ~~ZB~~ te leh Rest House te, kan Police lampangten loh theih lohna avangin leh tulna avangin an luah a. Amaherawhchu, vawin ni ah chuan boruak muanawm tak kan lo nei ta a. HPC te nen pawh Sorkar pawh inremin vawin niah boruak muanawm tak kan neih tawh hnuah hi chuan Khawliana FWD IB vawin ni thleng khian kan Police ten an la luah a. Ka hriatdan a sual loh chuan Police lampang pawh hian Housing atan hian Fund engemaw zat an nei ve a. Tin, Khawlian hmunah ngei pawh chuan kan Police te hian nikum hmasa lamah te, nikum lamah te pawh Police awmna tur hmun sak nan pawisate pawh sanction a ni tawh a. Sak te pawh an sa tawh niin ka hria a. Amaherawhchu, vawin ni thlengin Khawlianah FWD IB khi an la luah sak a, khimi Tuivai kualkung chhungah khian kan V.I.F. te pawh han kal mah ula, vawin niah hian thlenna kan neilo reng reng a ni. Chuvangin he PWD I.B. awm chhun Khawlian ami khi kan Ministry ten khawngaih takin tan min lak sak sela, kan Police te khi awm tawh lo sela, hmun dangah hmun an pe tawh tho baw a, kan Sorkar leh V/C ten. Chuvangin I.B. luah tawh lovin, kan I.B. hi PWD ten min chei that sak leh sela thain ka hria a, chu chu kan sawilang duh baw a.

Tin, chutiang baw chuan Fishery Department lamah hian tawite han sawi ve ka duh a. Hei Sangha hi Mizo te hian kan ei nasa te em em a. Tin, kan sum pawh mi a ei hek nasa em em a ni. Amaherawhchu, kan Sangha dil neitute in a Sangha an khawi dan a hi improvement, development ngai awmin ka hria a. Tahchuan tuna kan dil neih dan tlangpui ah chuan kum kan veitir a, kum tawpah vawi leh khatah kan sah huk mai a, vawi leh khatah kan man teuh mai a. Hei hi a dil neitute tan pawh a hlawk lova, oi zawna tak tak pawh a tling pha thei tlat lo mai a ni. Chuan kan han sah huk a, Sangha

te chu thil uih hma leh thil chhe hma a lo nise a. Chuvang chuan hralhna tur vawi leh kha tehkan hre mai bawk thin silova, a tam tham a chu, kan sah hun bi lah hi a in ang tlangpui hlawn mai si a. Chuvang chuan kartin a man theihna dan tur ang hi kan Fishery Department hian improvement development hi sak in enkawl ngun sela thain ka hria a. A dil chhung hi tifaithin sela, a dil chhung kha hnim leh thing bung ilo hnawk a kha thianfai thin sela, a tir atangin, chu chu kan Fisheries Department Field Officer te hian en ngun sela, chutichuan Dil neitute tan pawh income smoothly in a kal chho thei dawn a. Vawi lehkhat a kumkhat a san tawk kha chuan a hlawk tur angin an hlawkpui thei tlat lo a ni, chulai te chu he kan Sorkar lo awm chho tur/kal chho tur ah hian improvement Fisheries ah hian kan nei thei dawnin ka hria, chu chu ka'n sawi tel duh bawk a ni e, ka lawm e.

S P E A K E R : Kan Deputy Speaker, Pu Vanlalhlana.

PU VANLALHLANA : Pu Speaker, tawite in ka'n sawi
DEPUTY SPEAKER ang e. Point pathum lek ka'n sawi ang a. A hmasa ber a ka sawi duh chu kan Member te'n

an sawi tawh a. HBA ah te, Housing Loan ah te MLA Loan min pe a, a lawmawm hle a ni, chutih rual a ka'n sawi lan duh chu HBA kan tih hi Government Servant chauhin an la a. Amaherawh chu, Mizoram a kan Co-operative Body K.V.I. kan tih te, ZIDCO, MAMCO kan tih amite hian an la ve thei lova, a hlawn hi Sorkarin a tumsak te an ni thova, thlakipa hlawn la an ni a. Chuvangin, Sorkar hian heng Co-operate Body a thawk te HBA pek ve hi tha ka ti a. Tin, chu chang nilovin, thingtlanga Deficit School zirtirtute zawng zawng pawh hi Sorkarin a enkawlte an ni a, anni tan pawh hian lak ve theih dan awm se, a tha viauin ka hria.

Fahnhna a ka sawi leh duh chu kan Aizawl khawpui enkawl danah hian uluk a ngai ta viauin ka hria a. Pathian in a tir a a dah nilo bungrua hi kan la lut nasa ta em em mai a, rora, brick, rod, cement ang zawng zawng hi. Chuvangin, kan ram hi leilung thawl, leilung la naupang tak a ni tih sawi a ni thin a, chhiat rup hi kan thlang mai ang tih hi ka hlau a, chuvangin ram leilung chhungril hre turin Satellite atanga thlalak emaw ngun taka engemaw tia hriat a thain ka hria. Kan In sak te hi kan duh ang angin kan sa a, control-na a awm loh avangin a neipa in an sa sang a ni mai a. Heng zawng zawng ah te hian in control a thain ka hria a.

Drainage system te pawh hi a mumal lova, kumtin in leimin kan tuar ziah mai si a,

Tin, Electric hrui te Telephone hrui te cable T.V. hruite alo ni a, kan Assembly House thlalak te pawh hi han en ila, a mawi tur anga a mawi lohna chhan chu khang hrui zam te khan a ti hmalhem em em mai a ni. Chuvangin

heng zawng zawng uluk taka enkawl fel tur hian, kan Aizawl khawpui ah hi chuan municipal body a mamawh in ka hria a. Mizoram ah hian 1953 atangin V/C kan nei tan a, kum 46 a ni ta a. Kan ram milin Amendment kan siam zel thin a. Tunah hian thingtlang khaw tam tak ah a la the viau ang. Kan V/C dan a hi. Amaherawhchu, Aizawl ah erawh hi chuan kan khawp kham lo deuh niin ka hre ve a. V/C power pawimawh tak pakhat chu thubuai rem te a ni a, Aizawl vengah hian khawi V/C mah hianin thubuai hi an rem ta mang lo a ni. Subordinate Court ah an kal a. District Court ah High Court thlengin an ti a. Chuvangin V/C te atangkai em em thin ang khan Aizawl khua ah te hi chuan atangkai tawh lova. Chuvangin kan Minister hian Municipal body te hi lo zir ve a, ngaihtuah lo neih se a thain ka hria a. Hei hi thil harsa pawh niin a lang lova. District Council level ah kan awm tawh lova, U.T. pawh kan ni lova, State kan ni a. India constitution 243(b) chungah khan Municipal body din dan tur mumal takin a ziak a. There shall be constituted in every state a ti mai a. Nagar Panchayat a ni emaw Municipal Council a ni emaw, Municipal Co-operation a ni emaw a tarlang a ni. Khanga a tih theih tur chin leh a tih tur ang zawng zawnga pawh Indian Constitution 12th Schedule-ah khan a lang a ni a. Chuvangin Aizawl tuna kan dinhmun anga hi uluk taka kan la in enkawl chuan kan la in chhan thei a, mumal tak leh uluk tak leh duat taka enkawl erawh chu a mamawh viau a ni. India ram state dang atang leh ram pawh lam atang pawhin mi an lo kal a, mak an tih leh hmuhnam an tih ber leh zawhna pawh an zawh tam ber a chu hetiang tlangram si kham pang bawk si a, cement concrete lian tak tak mai awih panga a mai tak fir fer maite hi mak an tih thute hi a ni a. Heng hi liringhing zone-ah kan awm tihte a ni leh zel si a, chuvangin uluk taka kan Aizawl khawpui hi enkawl a ngai a ni tih kha kan sawi duh a. Chumi atan chuan Municipal Body a eng ber nge tha tura chu kan Minister te pawhin hre turah ngai ila, kha kha kan sawi lang duh a.

Tin, FWD chungchanga kan sawi leh duh a chu hei an fakawm hle mai a, Sorkar rual rualin sum awm lo chungin Aizawl khawpui an han siam tha hi a ropui a, Mizoramah hmun tam takah kawng an han siam chho a. Mi hriatpui tura kan duh a chu kan kawng siala hi economic road ni sengin mipui tan eng ang ngea-tangkai theih dan ber ngaihtuah se tha ka ti a. A dung zawngin kan ram a sei bawk a. A dung zawngin kawng thlur kan ngah viau mai a, a vang tan zawng hian kawng hi kan nei tlem viau mai a ni. Hei Champhai - Aizawl, Aizawl-Tuipuibari hi kan neih mumal deuh a ni mai a, a vang tan zawng hi awm ta se, entirna han sawi ta ila, Khawbung bial Vaphai vel atangin Aizawl kal dawnin Champhaiah kal ngar ngar a ngai mai a, chumi pumpelh tur chuan Khawbung bial atang khiam hnaitein Tuichang kanin Tialhawk emaw Khawlai emaw a chhuah theih a, chuta tang chuan Lungpho ah lo kalin Chhingchhip ah te a lo chhuak leh thei a. Tin, Chhingchhip atang chuan Khumtungah lo pheihin Paikhai road ah Aizawl hi hnaitein a luh theih a ni, kha kha mipui pawhin kan chhawr tam theih tur niin ka hria a, chuvangin Mizorama FWD ten lamlien an sial zel ang, an sial zelah hian mipuiin kan chhawr tam theihna ber tur lai a kha ngaihtuah turin kan Minister kha ka chah duh a. Hun atawp chhah chiah a, kei pawh kan tawp ve ang e, ka lawm e, Pu Speaker.

S P E A K E R

: Chawhnu dar 2 ah kan tan leh dawn nia. Meeting adjourned at 1:00 P.M.

....85/-

S P E A K E R : Ken Business kan chhonzawm leh ang a, kan member-te an duh apiang sawi turin i lo sawm leh ang.

P U L A L T H A N K U N G A : Pu Speaker, hun min pek avangin ka lawme. Hei ken P.W.D. leh L.A.D. Demand kan sawi chho mek zel a ni a, a hmasa a kah sawi duh chu Co-operation Deptt. hnuaiah hian nidanga Token Provision awm thin te awm lo a tam ta riau mai a. Helaiiah hian Co-operation Deptt.-ina movement tih chak tum a hma kan lak zelna-ah hian thil pawimawh tak tak Token Provision vawiin ni a awmlo a kha a awm deuh nielin ka hria a. Industrial Co-operation tih te, Handloom and Weaving tih te, Demand No. 42 na hnuaiah khan. Heng hi a Token Provision awmlo pawh hian hma kan la thei tho em ni, ka hre love. Chubakah, Co-operation movement tichak tur hian thil pakhat ngaihtuahna ka neiha chuanin Labour Co-operative Union din theihna dan tur kawng a hi awmthei sela tha viau in ka hria a. Tunhma engemaw hunlaiiah khan, P.W.D. lamah system ang deuh hlekin kut hnathawktute a hlawm khawm deuhin a P.W.D. hnuaiah Contract pawh an thawh theihna dan kha a awm thin a. Hei hi a dan a kha a tha chiah lo nge ni, tun hnuaiah hian a lar ta love. Family ang chi kha Bahini angah khanin chhungkhat mi tlemte angte leh pakhat chauh angte pawhin, in Register anga a lan avangin a tha lo te pawh ani maithei a.

Tuna Co-operation Department hnuaiah hian Labour Co-operative Union ang hi din theih lo ni tase, chumi Dan chu a awmsa pawh a ni maithei a, kan hmang lar lo vieu a. A lo awmlo anih pawhin, a awm theih dan tur hi a awm ang em tih a kha ka ngaihtuahna-ah a awm a. Chung chuanin P.W.D. hna Public Works kan han tih tak maiha te pawh hianin, Contractor mimal in a Tender a chhang ang bawh hian rawn chhang ve thei ta sela, tichuenin Zokhaw lam a kha Labour Co-operative Union-ah khan Member 200 - 300 te pawh lo awmin, kang mite khan heng manuel works hi thawk ta sela. Chutiang kawng chu kan Sorker hian zawng thei sela a tha viau awm mangedaw tih ka ngaihtuah deuhva.

Tin, chubekah chuan, P.W.D. hnuaiah hian tun tum a hemi Demand en rawn siemah hian, Medical Demand No. 54, phak 513-na eh te khan, Non-Plan a 1998-99 a pawisa awm ang pangngai a kha 1999-2000 ah khan a rawn reflect leh deuh rangawt in ka hria e. Khatiing ang kha a awm thluah mai a. Tin, Deptt. thenkhat a '97-98 leh

'98-'99 lama Plan a lo lang te kha kuminah hian langlo a tam ta riau mai a. Hei hi engnge a awmzia ? ka hrethiam vak lova, thawhzui zel a tul ta lo nge ni ?

Tin, Civil Aviation Deptt.

hnuaiah hianin '98-'99 ah khanin Establishment leh Wages atan te pawisa kha a awm nual a, mahse kumin atan hian a awm leh lo ta vek mai a. Heng te hi kum 2/1 lek atana post kha lo create nge ni a, engtiang angin nge, deputation atana siam anih vang nge ni, ka hrethiam vak lova. Tichuan, Civil Aviation atan hian pawisa kumin lemah hi chuan a lang leh ta tlat lo mai a, hengte hi engnge a awmzia ka hre duh deuh a.

Tin, P.W.D. hi a langsar bawka, kan ram hmasawn zelna tur atan kawng the kan mamawh avangin ka Bial Ratu Bialah khian a bik takin Tuisualral, HPC Demand Area bikah khian rambuai thuah-hnih te an lo tawh avangin harsatna tam tak an tawka, kan Sorkar pawhin a ngai pawimawh a. A bik taka ngaih pawimawh pawh a ni ang ti hiel khawpin kan hotuten an sawi thin a. Nimahsela, khi lai bialah khian hmathar han lakna tur P.W.D. hnuaiah eng eng emaw tunah hian a work schedule-a hi la approve chiah loh anih pawhin ka hre lova. A bik takin Zohmun kalkawng hi Bus te a Service ve tawh avangin a chhe em em mai a. Sakawrdai leh Zohmun inkar bik a khi, khi khi kan Deptt. te hian kumin chhung ngei hian a Black-top theih loh anih pawhin a metalling talin min tih-chhuah sak thei eng em ? tih kha ka ngen duh a. Khilai bial area khi inkel pawhna a chhiat em em avang khian harsatna pawh kan tawka nasa a. Chuvangin, Demand Area chhung bika khi kumin a hma kan lakna tur bik atan hian a tam thei eng bera minrawn ngaih pawimawh sak turin ka ngen duh a.

Tin, L.A.D hnuaiah hian

Budget atang mai hi chuan thil thar tehchiam hma lakna tur awm a awm lova. Amaherawhchu, Pu Speaker, kan L.A.D. Administration a lo fel zawk theihna tur leh a lo ngial ngheh zawk theih na tur hian hma chak zawka lak a tul hle mai a. Kan State Capital ber pawh Village-in a khat tlat a, heng thil hi kan thlirin Municipality hi siam chhuah ve a hun tawh viau ani lawm ni ? Municipal Board siam chhuah anih theihna tura Provision te pawh hi a Token ang tal hi chuan dahve te pawh a tha tawh lawm ni ? tih kha kan sawi duh a.

Tin, Urban Development tan

hian pawisa tam bera hi chu dah loh theih loh a ni a. Amaherawhchu, Thingtlang lama kan Nu leh Pa-te dinhmun han thlirin leh keimahni Sorkar thar ngei pawhin a Thingtlanga miten a tam thei eng ber hmasawna kawngah te an kil ve tur kan dah ang, chutiang chuan kan buatsaih ang kan ti kha ani a. A pumpuia Demand a lo landen kan en hianin kum dang aia a danglamna a lang tehchiam in ka hre lova. Chuvang chuan Thingtlang lampang hi tun atang hi chuan in (he budget atang hian) kan ngai pawimawh ani tih hi lang thei tawh sela, a pawimawh khawpin ka hria. Hun rei tak ngaihsek loh in an awm a, dik tak chuanin

khawpui chhungah hien mipawimawh/hmun pawimawh te a awmkhawm deuh vek avang hien, Mizoram Budget lo kal reng reng a hi 70% aia tam mah hi a lut emaw tih tur khawpin a awm a. Chuvang chuan Thingtlang lam miten a hmasawna an lo neih theihna tur a hi a tam vek lo thin a ni.

Chuvang chuan, kan Budget han siam atang hianin Thingtlang lam a mite kan ngai pawimawh ani tih hi a len theihna turin kan Deptt. te pawh hian hma min lak sak tawh sela, khawpui chhungah tawp in tai a awm tak tak lovang, a theih ang chen chen a kan kalpui zel tur pawh anih rual in, Zokhaw lam kan lo hlamchhiah thin a te kha tun hun atang hi chuan hun thar ami ang bawkin, kan ngeih sakna kan Budget atang hian reflect tawh ila, tih ka sawi duh a.

Chuvangin, L.A.D. chungchangah, Thingtlang lama kan hman tur te tam zawk hman theih nisela, tin, hemi Fishery chungchang thuah pawh hianin tunhma khan a dil thiam thiam te khan tanpuina te hi an lo hmu mai thin em ni ? Tunah chuan, Thingtlang lamah pawh Sangha a intodelh kan lo tum takah hian a Dil neitu, eizawn nan a lo hmang tak tak tute hi chu Pu Speaker, ngeih pawimawh ni thin tawh sela, a thu-a nei ringawt lovin, a hmun ngeiah kan Deptt. lam te pawhin enfishin pek ni tawh thin sela, tih kha ka han tarlang tel nghal duh bawk ani. Dik takin tunhma hunah khan chuan a dil thiam thiam leh a insawi pawimawh thiam apiangte khan an hmu mai thin niin alang a, chuvangin, eizawn nan a hmang tak tak tute an mangang ani tih ka tarlang duh a ni. Ka lawm e.

PU C. SANGZUALA

: Pu Speaker, ka lawm e. Ka han sawi duh chu, P.W.D. a ni a, tin, L.A.D.-ah tlem luh ve ka tum bawk a ni. Keimahni Eial

Aizawl chhimlam atangin hei, kan Sorkar tih te-ah P.W.D.-ah hmelthar te kan han hmu nghal a, mipui mamawh ngawih ngawih Ngaizel pheih te pawh a lo dum ta zur a, tunah sawn khawi maw lai laiah a tet deuh lai te an awm mai pawh a, lawmawm hle in kan hria a, thil tul kan han sawi thin te Deptt. leh kan hotute'n min ngaihtuah sak vieu niin ka hria a, a lawmawm hle ani. Chutih laiah chuan sawi tur tak tak sawi hmain rilru a zawhna awm ve han sawichhuah duh ka neih chu, hna a hmunah a lo chhia a, hmanni lawka thawh te a tuk tuk leh mai a chhia te a lo awm a, anih loh leh tlema kar zau deuh pawh ani thei a, chung ang chiah chuan a eng Deptt. hna pawh ni sela, P.W.D. pawh lo ni sela, thawktu te a tak taka thawktu a neitu te atang hian duh thusam lova thil lo awmte ngaih pawimawhna hi, Sorkar thar kalphung thar kan ti mek bawk a, ka phut deuh hle a. Hengah hian thil chhia lo awmte engatinge keini ang ten kan report a ngaih zawk hlauh le ? tih te kha ka inzawt ka inzawt a. Vawina sawi chhuah hi a atthlak em

....88/-

ka hre lo, amaherawhchu, sewichhuah loh chuan sawina hun a vang viau ve, a sawi chhuaktu tur leh a ti vat tu tur chu awmin ka hria a. Chung chu kan ngaih pawimawh deuh leh mak ka tih ve deuh, "a lehlinga vut tui thlawrbel" a ang mange aw, kan ti deuh ani. Chu chu a hmasa in a khawi pawh huamin ka'n sawi duh a ni, thahnem ngaih thilah.

Chung bakah chuan kan sawi ve leh den den duh chu, tun thlenga kan Sorkar thar chet tawhna ah tangka a awm lo tih min hrilh reng chungin, lawmna tur tam tak awmin ka hria a. Sawnglai keini Biel lamah te leh hmundang dangah pawh kawng hmel lo danglam ta te, Kawr hmel lo danglam ta te, kan hmu thleh thluah a. Nichinah chawhma lamah khan engzat nge hna thawh tawh tih te, chumi Division-ah chuan engzat nge pek ni tawh a, engzat nge hna siam anih tawh tih te kan ngaihlaha a, kan thawk nangiing niin ka hria a, lawmawm viau in ka hria a, a hun ngaihtuahin. Amaherawhchu, hei vawin hian a ngaihna ka hriet loh vang emaw ni heng kan Budget bu nena han thlir tawn deuh tur hi Work-Schedule te a lo tel ang a, chungte nen chuan heng hi kan thlek tawn vel ang a. 'Helei hi in la tidanglam leh thei lawm ni ? hei hi a derthawng deuh e' han tih turah ka lo ngai thla ngawt a. Mahse, chung chu hmuh tur a awm si lova, duh angin a sawi theih ang a, Work-Schedule tak tak pawh, la siam loh a ni engah ngai mai ila. Tichuan, vawin a kan sawi atang hian chung te pawh chu kan hotu ten Deptt. lamah an la siam tur engah ngai ila. Zalenna neiah in ngaiin tawng ta ila, ka zalen phian anih dawn hi maw, te kan ti a. Ka sawi ang khan, Aizawl chhimlam atang khan kan tan den den ang a, tichuan a mal mal a sawi thui pawh ka tum lem lova.

Hei, kawng hi Sorkar hmel lanna tak tak a ni a, Sorkar ti hmelthatu tur pawh a ni a. Chu chu No.1 a tling lo meitheh, chu aimah chuan kan mamawh anih em emna hi a No.1 zawkin ka ring a. Chung avang chuan Sorkar-ah hna eng emaw zat kha keini lam atang pawhin rawn nawr luh kan nei a. Chungte chu vawinah hian, he House zahawm takah hian rawn sawi nawn leh den den duh ka'n nei a. Entirman, Aizawl chhim I leh II inkawpawh khuan veng pakhat chu Ration Buhfai la thei hauh lo, khawchhunga sem thei hauh lo, tun thleng hian an la awm a, Salem veng khu. Republic Veng atangin kewng kal phei tur a ni a, chu chu harsatna engemaw a awm tih chhuanlam a awm a, a Technical deuh te ani an ti a. Amaherawhchu, nikhua te a lo rei deuh tawh a, a hmunah te pawh enfel a ni a, khungte khu khawpui chung a mi, ration khaw chhunga sem thei lo em a dan chep reng khu a fel lovin ka hria a. Tun tum thawh turah hian tel thei turah kan ngai a. Lo telh loh palh anih pawhin min hrilh hram se ka duh hle a, kan ngen ani.

Tin, Aizawl chhim bik hi a chhunga chengte pawh an rilru a nat lek lek tawhna a awm a. Khawpuiyah ngaihteah lam kan ni tih hi an ngaihdan a ni tawh a. Neitu rilru pu taka han chik takah chuan tak tak pawh a lo ni viau mai a, Lamlian siamin re-surfacing han bei se, a lokal phei zel a, Sikulpuikawnah a her phei leh ngut a, an ti a.

Chu chu kuminah pawh a le ni deuh zel a, sumin a daih lo ani maithei a, a lehpekah chuan thawh hmasak tur zingah tel turah kan ngai tlat ani. Sikulpuikawn atanga chhim lam te, chhak leh thlang lam te, re-surfacing ngai tawh tak vek a ni a. Chu chu chhim mamawh mai ni lovin khawpui mawina tur a ni a, chu chu ka sawi tel leh duh a.

Tin, Quarry pawimawh leh Sorkar hmun pawimawh tak awmna Hlimen kawng saw thenkhat chuan min zawhpui lo maithei a, chhiat tak te in a chhia a, re-surfacing ngai ngawih ngawih a ni. Hengte hi tih tel turah ngai ta ila, Mission Vengthlang lam te pawh kan hmun pawimawh leh mihlun te awmna lam a ni a, a panna kawng te khu keini chuan regrading atan kan it hle mai a. Hen regrade hlek ila kawng nuam deuh ni thei tur a ni a. Tin, khumi area-ah khuan Veng-in an ngaih pawimawh em em Damphei kawng an ti a, chungte chu tunah hian work schedule kan hmu rih lova, tel turah kan ngai ngawt a. A tel loh chuan mi rilru a na viau mai awm mange tih te ka ngaihtuah neuh neuh a, vawinah hian puanchhuah chi ah ka ngai a.

Tunhnei lawk khan Tanhril te, Luangmual te, ka zuk hmu ve a, inthlan hma deuh khan ka hmu a, "khai aw, a khawk nasa deuh mang e, a va pem nasa em !" ka ti a, tun thlengin bel a lo le ni lo reng mai a ni. Khungte khu kan mi pawimawh tak tak te awmna leh hmun pawimawh lam a ni a, hengte hi ruahmanna tharah chuan khung ngei ngei tur chi a ni a, duh thusam pawh ni lovin thil tul a ni a.

Tin, hman ni lawkah Shillong-ah ka zu kal a, ka rilru a awm thin, a lo thar leh a. Aizawl atana ka rualawhna bawk a lo tho leh a, Shillong te chu a hmun a rem deuh hlek kan ti a ni maithei a, mahse, khawpui kawng bawkah lut leh te zel ila. Aizawl khawpui leh kan District khawpui te ngaihtuah kep vek in sawi ila. Shillong-ah khu chuan kawng te khu zim te, Jeep leng che che ang te pawh khu a chhuat a mam vek mai a, harsa lo takin in kal pawh thei vek a Veng thlaler leh fianrial em em pawh awm lovin, kawng khu a nuam emaw tih mai tur a ni a. Kan Mizoram khawpui Aizawl leh hmundangah te pawh hian a khawtlai hret tawh anih pawh in heng hi ruahmanna te tangka leh tumna atanga nawr-chhuah theih ka ring a. Veng leh in approach nei mumel lo, approach siam sak hram hram te, tin kawng chung, kawng hnuai, kawng laita awm ang chi te pawh hi Lunglei-ah sawn a tha fu a, hengte pawh hi a la rel chhuah theih lawm ni ? tih te rilruah chuan a awm a. Kawng enkawl ngun pawimawh thu vawineh pawh kan ngaihtlak nual tawh kha, kheng ang chi kha a pawimawh em em in ka hria a.

Tin, chumi rual chuan road protection squad thu ah thlamuan thlak takin changtu Minister khan min chhang a, khami thilah khan tunah hian ruahmanna awm thei ang ang chu a tlai luat hma hian kan khawpui kawng zauhna hi P.W.L chauh a ni lo mai thei a, Revenue te nen pawh a ni maithei a, L.A.D. te nen pawh anih nual na lai a awm a, Khang

ruahmanna tel khan ngaihtuah ila, damlo kan zai chuan khawih lain a na a, zai fuh erawh chuan a dam a, a lawmawm em em ani. Ken khawpui pawh hi tun a kan lo thangchho zel leh kan thang zel tur han ngaihtuahin kan khawpui lian deuh deuh ho hi chu tumah hian a tlai lutuk tawh ti mai lovin Plan thar a ngai viau a, operation te pawh han ti ve ila, Chem hriam pawh han ruai ta ila. Zai lai chuan a thip deuh maithei a, amaherawh-chu, zai zawh hunah chuan kan vaiin kan lawm zawk ngei eng. Heng atan hian P.W.D. atanga ruahmanna in initiative part han la sela, a tha viau dawn lawm ni, tih te kan rilru-ah chuan a awm a. Tun a kan Budget hi kum hmasa nen han en ila, item te te-ah hian a in ang deuh them them a, Session hmasaah khan kan sum neih ang ang kan hman zai thiam chuan a tangkai tham khawp ang tih te kan sawi e. Tun tumah hian heng han belh chhahna atana min tawng thlamuanna tur hi kan hotuten Sorkar hian a neih hi kan ring a. Englekhawle, kan sum neih ang angeh priority thlan thiam a pawimawh hle in ka hria a, chung chu P.W.D lamah khan kan sawi duh a.

Tin, L.A.D.-ah hian han lut leh ta ila, kan Minister zahawm tak Pu Auva chona khan kan ti mai a nge, a Demand te pawh kha kan sawi ve thlip thlep thiam lova, member zahawm tak tak te sawi tawh hnu-ah khan, Housing Loan chi hnih normal leh H.B.A. ah khan a zat tih pun kan ngaitla a, a dawngtu lam tih tam pawh hi tul hle in ka hria a.

Tin, hman a zawhna ka han siam khawpui then fai, bawlhhlawh paihna tihte pawh kha ngaihtuah mek a ni tiin min chhang a, thla a lo muang viau a, khatiang ang ruahmanna te pawh kha concrete deuh zawk, practical deuh hlek kan nei thei tawh a ngem le tih kha rilru-ah chuan a awm a. Hei kawngpui kan sawi e, kawng te hi L.A.D. hna a ni a, Urban Development-ah khan, Aizawl angha te, khawpui dangah te pawh hian In panna fumfe nei lo tam tak en la awm ani tih te hi enchhuah a tul a. Hetie pawisa en mamawh a, an rawn sawi mai a in nghat lovin, va zir chhuak a, helaiah hian kawng siam a ngai, step siam a ngai, heti zawng te pawh hian ruahmanna hi awm thei se, a tha in ka ring a. Demand te hi kan en den den a, ka thiam vak lo a, heta lo lang ang mai hi chu a derthawng deuh in ka hria. A tuam belhna tur puanhlai zawk te kan neih belh turah ngai ila, ka han sawi den den kha hotuten min chhinchhieh sak thei sela chu a lawmawm hle eng. Chungte chu kan sawi ve duh ani. Pu Speaker, ka lawm e.

PU P.B. ROSANGA

:

Pu Speaker, ka lawm e. Tunhma lam keini han hriet ve theih chin ah chuan hetiang Budget ah hian P.W.D bikah hi chuan

work schedule te an rawn telh a, chu chuan min entham tir viau a. Tunah chutiang chu a awm ta lova, chhui thiam pawh a har a. A tlangpua zuk en a hmuhtheih ah thil lawmawm tak ni te chu kan Budget te a lo lian ta hle a, a bik takin

....91/-

Kawng leh Leihlawn siam leh repair-na tur tangka a thahnem a, hnathawma tham tak niin a lang a. A Budget pumpui hrim hrim pawh tunhma U.T. hun a kum 5 chhunga kan tangka let thum deuhthaw kha Annual Plan ah kan lo nei ta a. Chuvang chuan, hnathawk thei tur dinhmunah kan ding in ka hria a.

Tichuan, Demand No.54-ah hian kan sawi hmasak ber duh chu a Policy lampang han sawi hlek ka duh a. Kan Ram kalkawng kal dan tur atana pawimawhte. A hmasa ber chuan hei Land Lock kan ni a, kan thenawm State-ah Cachar District-in min dang a, kan Driver-te in tih thiam loh ringawt pawhin kan chaw ei tur mi tam chhuah rilru pute nen kan inthenawm a. Chutiang hersatna kan tawh changa kan alternative route tur kan thenawm State dang Tripura lam te, Manipur lam te, kal kawngpui the tak kan nei hi kan hnam, kan ram tan, mipui ten, thil pawimawh a ni a. Kan hriet angin chumi atan chuan Aizawl to Mana, Tripura-ah national highway turin Central Sorkar-in min thlan sak tawh tih te kan hria a, a lawmawm a.

Tin, chutiang bawkin Seling to Tipaimuk, Manipur road chu National Highway tura thlan a ni tawh tih kan hria a. Hemi thuah hian sawibelh kan duh deuh hlek a awm a, hetiang thlanna-ah pawh hian kan Sorkar hian sawi theih chin kan nei ve lawm ni ? A bik takin Manipur kawng hi tuna Seling to Tipaimuk kawnga kal hian Aizawl atanga Churachandpur, Manipur-a District Headquarter hnai ber thleng turin KM 458 vel niin ka hria a. Amaherawhchu, e chhak zawk vawiin nih pawh an tlan tamna ber Khawzawl, Singzawl, Thlanlawn, Manipur road a kal khian KM 386 chauh a ni thung. Chu chu chiang taka teh chhuah tawh a ni a, chu chu National Highway atan hian thlan nita zawk sela tih ka ngaihtuahna-ah a awm a, khi kawng khi Biate tlangdungah Sialhawk-ah mipui bitna lai ber rawn paltlangin Khawzawlah a lo lut a, tichuan Manipur a chhun phei a, kan ram a thlai thar te leh thildang hralh chhuahna kawng atan pawh kawng pawimawh ber tur, tin, tunah pawh khien Tuivai-ah Lei awmlo chungin chhun zan zawmin passenger transport a vei reng englai pawhin, tun fur hnuaiah pawh hian. Chutiang khawpa kawng lun leh pawimawh chu a ni a, Chuvang chuan heng te hi National Highway ah thlan nita zawk sela KM 72 kum khua a kan senso tur kan Bus fare chawi tur emaw, Bungrua kan thawn man tlem hlei tur emaw han chhut hian a economy hlei hle in ka hria a, chu chu kan kalzel dan tur atan pawh kan hotuten chhinchhiah se ka duh khawp mai.

Tin, kan road net work plan, kum sawmpanga kalta a kan neih ang hawite khan kan la kal zel em ? nichinah Member zahawm tak pakhatin e sawi a, a chhim leh hmar zawngin kawng a thlur tam viau ta a, khawchhak khawthlang zawngin a la tlem si a, tih te kha a pawimawh a. Tin, chubakah kan road plan hrim hrimeh hian economic road kan Luikem ruam a ram tha te leh chunga kan thlai thar te phurh chhuah theih zawng anga kalkawng buatsaih hi kan tun hnu zel atan a pawimawhin ka ring a, chu chu kan Minister zahawm tak ten min chhin chhieh sak thei se ka duh a.

Tin, a bikin han sawi zim ta ila, mehni biel lam hi kan ngei pawimawh lo thei lova. Nichina kan sawi tak Khawzawl, Singzawl Road khi a pawimawh hle a. Tin, chulo chu Kawlkulh - Mimbung Road tuna BRTF kawng laih zawh tak khi Mizoram PWD in Kawlkulh to Ngopa 56 Kms vel chu kum 2/3 kal ta khan, kum 4/5 hial pawh ani maithei e. Ministry hmasa hunlai khan BRTF kut atengin an lo la a. Amaherawh-chu PWD a lak hnu khian kawng a chhe sawt hle mai a, kumin fur hi kan tlang leh pheichuan Bus chu a kal thei tawh lo maithei a ni. Tin, Financial Year kalta-ah khan "eng ang nge re-surfacing atan tangka in neih2 w tiin ka zawt a," 1 KM kan nei" an ti a. A tluanin 56 KMS kha a vaiin a chhe tawh a ni. Tin, tunah hian Ngopa - Mimbung thui fe 40 - 50 Kms inkar chu BRTF in an laih mek, PWD in an la tawh nge, tawh lo tih ka hre lova, lak tum niawm tak a sawi niin ka hria a. Hei hi fimkhur a the in ka ring a. BRTF khian en la lai zo lo ani, side-drain te, culvert te, tih zawh loh tam tak an nei a. Tin, a kawng size tur pawh in laih loh tam tak a la awm a, hei hi an complete hma chuan lak loh hram ni sela, tin, kan la anih pawhin a maintenance hi chu PWD hian uluk deuh in bawhzui thei zel se tha in ka ringa.

Tin, chulo leh a kan sawi duh chu, nichina Saitual Bieltu MLA zehawm takin a sawi kha, khilai Mizoram hmarchhak Burma leh Manipur Border Area-a cheng ho khaw 30 vel tan khian, Saitual to N.East Bualpui kawng kha, khimi Kawlkulh, Mimbung Road rawn chhun khian laih tlang ni tase. A chhaklam Ngopa Area khaw sawm leh khaw 5 vel tan chuan Km 40/50 inkar in a hnai hlei ani. Chu chu Manipur lama kal zel na tur atan pawh khan a pawimawh dawn a, chu kawng chu pawp se tuna Km 72 a hnai leh Km 50 vel belh chhah leh chuan Km 130 vel in Churachandpur pawh kha a lo hnai thei tawh ang a. Chuvangin, nichina kan Member zehawm tak sawi kha a pawimawh a.

Tin, chu chauh chu ni lovin, Hliappui (N.East Bualpui) kaltlangin, Rabungah, Mualchengah, Hnahlan, Champhei to Khuangphah Road han hawlh khian kawngpui laihtlang ni ta sela, khilai khaw 30 vel mi 30000 vel cheng te tan khian tuna an kawng zawh mek, entirnan - Rabung khua reference-ah la ile, Khawzawl atengin an peng a, tichuan, tuna kan kalkawng rawta kha kaltlang seng chuan, tuna an kalkawng zawh mek ai khian Km 70 velin Aizawl hi a lo hnai dawn a ni.

Tin, Hnahlan pawh tuna a kal kawng zawh mek aiin he kawng kha pawp se Km 80 velin Aizawl a hnai dawn a, mihring cheng tan a pawimawh a, Border Area a ni a, hei hi kan hotuten min ngaihtuah sak se a lawmawm hle ang. Tunah hian World Bank atanga tangka lian tham tak kan Sorkar hian Mizoram tidanglam turin tangka a puk dawn a, chung ateng te chuan he kawng hi hma theih nise a va lawmawm dawn em tih hi kan sawi duh ani a.

Kan sawi tawh eng khan kan Budget hi a lian hle a, tun Financial Year tur etan pawh hemi Constn. and Repairs of Road and Eridges-ah hian nuzi 2000 dawn lai awm thei awmin ka hmu a, kan en thuak thuakin. Chung atangte pawh chuan tuna kan sawi kawng a bik takin saitual to Hliappui to Hnahlan hi hmalek tan ni thei se a duhawm khawpin ka ring a. Tun hma khan 1982 khan Central Sponsore tangka atangin Jeep Road-a bul tan a ni tawh a, PWD in a main-tain reng thin a. Amaherawhchu, tunah hian chungte pawh chu a lo ping ta hi uihawmin ka hria a. Hma min lak thar sak se, Mizoram tan hian a pawimawhin ka ring a.

Tin, a pahnihna-ah Fisheries Deptt. hi kan sawi duh daih a. Ka rilru a lang chu kan ram tan a pawimawh a bial mai pawh ni lo ram tan; tunah hian Bazar-a Sangha kan hmuh hi a tlangpui thuin Mizoram pawn atanga lokal vek a ni a. Eng eng chiah nge ni survey-na chu ka la nei lovin Sangha-a Mizoram tangka kan senral hi a thahnem viauin ka ring. Tunah hian Fisheries Deptt. hi a nihna tur ang tak hian kalpui ila, kan ram chhungah hian mipui mamawh thar theihna tur potential kan neiin ka hmu a, chumi tih puitlinna atana thil pawimawh em em chu pakhatna-ah chuan Fish Seed (Sangha chi) kan ram leilung ngeia intodelh, hei hi kan Minister-in programme ruahmen thei sela, a lawmawm khawp in ka ring a, kan Se pawimawh tak mai a ni a, tangka tam tak senga ramdang mi kan chawk luhna hi ti tawp turin tuna Fish Farm siam tam takte hian an thar chhuah tha taka an hralh theihna turin a Market lampang tun aia uluk zawk hian ngaihtuah nise, a tha bawkin ka ring a.

Tin, chulovah chuan, Demand No. 28 'Housing' tihah khan ka hma a miten an sawi theuh a. Tunah hian Sorkar hnathawk ho bik tan LIC atang leh HUDCO atang ten tangka puk a ni a, tih tam an rawt a kha keipawhin ka tawm a, tih tam rual ruelin kan lawm tlan nan Member-te a tam zawk quota te pawh min siamsak se Zoram pum a huap ang a, chu chu a tangkai viauin ka ring a.

Tin, Demand No. 19-na, kan budget han en khan V/C Remuneration, V/C te lawmmawn Non-Plan a mi lo plan-ah a awm lova, plan-ah chuan Panchayat lamah a awm lo thung a, ka hrethiam vek lova, engpawhnise, kalphung tih danglamna a awm thei ang tih ngaihtuahna a awm thei a. A pawimawh a ka hriat chu kan Village Council hi tun aia din-hmun tha zawk a kan upgrade a pawimawhin ka hria a, hei, khawpui pawh kan ngaihtlak tawh angin V/C rorelna hnuaiah kan awm vek a ni a, hengte hi tih danglam thuai ani emaw, nilo emaw V/C te hi kan ram enkawlna-ah, khua a mawhphurtu anihna-ah tun aia lawmmawn tha zawk siamsak theih hi kan ram ten thil pawimawh niin ka ring a, chungte chu a tlangpui a ka sawi duh ni mai teh se. Pu Speaker, ka lawm e.

S P E A K E R

: Dr Lalzama

DR. LALZAMA

: Pu Speaker, hun min pek avangin ka lawm e. Vawiiinah hianin tarlan ve ka duh chu reilo te han sawi kan tum ang a, Aizawl khaw-pui chhungah Lei tlahniam te a tam viau mai a, tunah pawh Hnathar Vengah Lei a tlahniam tih kan hria a. Tin, hman kumah pawh khan Sihpui ruamah te pawh a tlahniam anih kha. Tieng chuan kan khawpui chhungah hian Lei tlahniam a tam em em a, vawiiinah hian PWD lam Demand kan han en hianin han tarlan kan duh chu Tuihawkluan kawr tha siam hi a pawimawh a ni. Geologist ho pawh khan Sihpui ruam a hniam khan Tuiluenkawr tha tak a ngai ani tih an sawi in ka hria a, chu chu ni ngei tur pawhin a lang a, kan ram leilung hi a hnip em em a, kan khawpui chhung ngei pawh hi a tlahniam duk mai ang tih a hlahawm a. Side Drain-te kan khawpui han chei mawina tura siam hi hmabak tam tak a la awm bawka a ni a, helam pang kal chak pui a tha awm mange tih kha ngaihtuahna min neihtir nasa a.

Hei, kan khawpui thla an han lak pawhin a kawrawng hung mai an ti lehngal e, engtik hunah emaw hi chuan kan tlahniam huk ang tih hi a hlahawm a, chuvang chuan, fel deuh hleka side-drain siam hi Sorkar hian han ti ta sela. Budget kan en chuan, Construction and Repair of Roads tih ah pawh hian pawisa a la tlem a, Additional a lo la kal thei tur nite pawhin a lang a, chungah chuan dah tam deuh hlek pawh a tha hle ang.

Chubakah chuan, side-drain han siam a kha ramdang mite pawhin an rawn hmuh leh khawpui changkang chho zel tur programme-ah pawh a tul hrim hrim ani. Entirnan - Bawngkawn leh Zemabawk inkar te pawh saw fel lo neih nuaih a la tam hle a, khua a chhiat in a diak e, khua a that lah in a khu bawka si a, chutiangchu a ni a. Bawngkawn bawr te pawh saw side drain lewi awm lovin ani pet püt mai ani. Chuvangin, a tul em em mai a ni.

Tin, chulo lehah chuan, mitinin Buhfai pawh kan va phurhna te pawh ti ile, sawmi Zuangtui Godown kawng te saw a chhe hle a, tui te a tling a, lawng in nge maw kan kal dawn Motor-in tih tur khawp hiel in, sawi uar phei chuan sawi theih a ni a. Khatieng te pawh kha a awm a, chuvangin saw kawng pawh saw han siamthat a, tin, Thuampui atang a Selesih kawng lam te siam that tur tam tak a awm tih kan hmu a. Chung chu ka Bial chung a mi deuh anih avangin kei pawn ka hriatchien em em a ni a. Tichuan, Thuampui atanga Selesih panna tur kawng hi kan chei mam chuan mi tam tak kal theihna tur leh Durtlang lam kawng siam that

thawh hunah pawh han helna tur remchang a ni a, saw lampanga kalna remchang tak Godown kawng lo ni bawk si a ni a. Tin, Foreigners te pawn an rawn tlawh ve zauh zauh fo mai Aizawl Theological College kawng pawh hi tun aia mawi hnai deuh hlek a han chei sak phei chu ni sela, a tha khawp mai a. Tin, widening mamawh em em lai pawh a awm a. Hemi luh phei dawnah ko sang pui pui awmna te khi nah zawk deuh hlek a han chei a tha hle in ka hria a, chungte pawh chu kan khawpui chhung han chei nan nita sela.

Ka bial chhung lampangah han lut Chiang deuh hlek ila, Aizawl 'N' I hi Sihphir thlengin khawpui area kan ti a, Zemabawk te pawh a ni a, khawpui area a puan a ni a. Mahse, Evangelist te pawhin thu an han sawi a, rawng an han bawlin Sorkar hnu hma a lo tlem hle mai ti a, han hawi ringawt pawh a an hmuh chu a ni thin a. Chuvengin, a hming lek hian Town Area hi a ni a, kawng han siam that-ah hian hmabak a tam hle mai a ni. Hei hi kan ngaihtuah chian a ngai hle in ka hria.

L.A.D. lam atengin khawchhung kawng Step kan siam tur te pawh a tam khawp mai a, a bik takin khing Durtlang, Ramthar Veng, Leitan Veng mawngah te khian siam tur a tam em em mai a, sawi sen a ni lova. Eng-pawh nise, a hlawn anga kan sawi duh chu - Hemi kan khawpui chhung cheibawlna tura kawng pawimawh leh mi tam tak kalna kawng lun lai te hi V/C leh MLA te pawhin a sawi sawi ngai lova, Engineer, J.E. te fehchhuah a, khawtlang hruaitute nena enfel vek mai nisela, chu chu hmabakah hian nei tlang mai ila tha awmin ka hria a.

Tin, hei Work Schedule pawh tih chhuah a ni awm a, FWD pawh hian thawk se kan tih ang kha a kim thei lo nasa a. Han kim vek seng chi a ni hauh lo na in, nakinah Fund-te hmuh belh theih anih hlahu chuanin heng ka sawi laite hi ngaih pawimawh nise kan duh a ni.

Tin, hei Zemabawk-ah phei chuan kum 2000-ah Mizoram pumpui a K.T.F. General Conference leh Kohhran Hmeichhe Khawmpui lian thlen tur ani bawk a, hemi hmang tur hian Foreigners te pawh an lokal leh sup dawn a ni a. Tuna ka han sawi hi a bik deuh hlek pawh a ngaih pawimawh tur in tunah hian kan hotute pawh kan ngen duh a. Tichuan, sawng-lai kawng saw siam turin vawi tam tak thlen ni tawh, a concerned Deptt. hrang hrangah te pawh thlen a ni a, FWD kawng ngei pawh a han ngaih pawimawh a tan khan kan sawi duh bawk ani.

Tin, chu lo lelah chuan Fisheries-ah hian kan ram in todelhna tur a hmasawna tur leh hmelakna tur in a pawimawh em mai a, kan Demand en hian a tlem viau in ka hria. Ka bial chhungah mai pawh hian a mimal pawh Fisheries lam atana mahni a hma lo la ve ngar ngar leh Sorkar atanga tanpuina han pek tlak hi mi tam tak an awm a, chutiang le hmu lem lo mahse, tui si, kan ram intodelh tak takna tura hmundang a mi lak luh ngai lova, ei tur tha

Mizoram pawhin kan neih ngei na tur a hmalak a awl em em mai a, Chuvangin, kan Sorkar pawh hien chi khat pawimawh deuh mai Dil han siam a Sangha tem tak tak han thar theihna kha a awm teuh mai a, kan ram hi Tuikhuah siamna remchang tak tak awmna hmun a ni a. Tuihna nei te, han khuah a, siam zung zung a eizawna tling leh ngel nghet tha tak siamna tur leh kan ram bik in todelhna tur anih avangin hetiang kawngah hian mimal pawh a Loan pek theih na hiel tur hi siam ni nghe nghe sela a tha khawp in ka ring, chutiang chuan ngaihtuahna ka nei a.

Tin, chu lo lehah Bazar te pawh kan nei ve lim liam a, thlaithar te pawh kan han zuar a, ka biel chhungah te ngei pawh Aizawl khawpui chawmtu te kan in ti a, dik pawh a dik a. Thlai chi hrang hrangrawn thawhtute kan ni a, chung atang chuan Bazar hi han ka na reng theih pawh ani bik love, tin, khawpui chhung atang pawhin an han la a, nitin an vei chho reng a ni a. Tichuan, mahni Veng chhungah te an zuar ve a, khatiang hmun tur siam hi thil hau-tak vak niin a lang love, chuvangin khaw hrang hrangte pawh Bazar siam sak theih niin a lang a, chung chu hun rei zawkah pheichuan Market tak tak anga siam theih hmun zau tak tak te pawh a awm a, chung ang Veng hrang hrangte tana Bazarna tur hmun Bazar siam sak a tul em em a ni. Chung chu kan hotuten lo chhinchhiah sela ka duh em em ani. Heng thlai chi hrang hrangte fel tak leh fai taka kan zawrh theihna turin, Motor kal ten an chil per lohna tur leh a khu pawhin an bawh nguai nguai lohna tur Bazar kan neih theuh kha kan changkanna zel tur a ni. Tin, mipui tan pawha ruah surah pawh tawm hul theihna tura tha Bazar fel tak kan neih hi a pawimawh em em a ni. Kan Sorkar pawhin hengah hian ngaihtuahna hmang leh-zual sela tih kha kan sawi duh bawh a ni.

S P E A K E R : Pu K. Thangzuala

Er. K. THANGZUALLA : Pu Speaker, hun min pek avangin ka lewm e. Hei kan Budget hi sawi thiam a har ang reng viau a, a chhan chu Merch thla a

Vote on Account-a kan lehkhabu kha a ngai hian kan hmang chho leh deuh mai niin a lang a, Planning Commission atanga kumin atana kan outlay hmuh zat pawh kha, tah hianin a in reflect love, chuvang chuanin Deptt. hrang hrang pawisa dah dan pawh hi la tih danglam leh theih turah ka ngai a, nakinah Revised Estimate te buatsaih hunah. Tichuanin, kan han sawi a, eng engemaw dah tlem deuh te, dah belh deuh a tha lewm ni tih lai te kan han ngaihtlak tawh ang khanin, khang kha theih turah ngai ile, hei a hmase in Demand 38-na Fisheries chungchang thu, pheh 345 hi kan sawi duh chu a vaim Nuai 170.4 vel a niin ka hria a, Direction leh Administration ah hianin nuai 119.8 ani a.

Tichuanin, a Budget pumpui atanga 70% vel kha direction leh administration ah dah ani tawp mai a. A hna thawhna tur hi 50 lakhs vel chauh a awm ta mai a, hei hi an tih sual nge ni ang a, tih min ngaihtuah tir visu va. Hetiang Planning Commission ah te kan sawi a, tunhma a kan kal thin dan tlang-puiin direction leh administration ah hianin 20-25% vel te kan pelh hi chuan en sawisel deuh mai a, khung laiah chuanin. A hnathawhna tur atana nuai 50 chauh dah a, direction leh administration a 70% han dah tawp mai hi ennawn leh theih anih chuan tih that dan te a awm thei angem aw tih min ngaihtuah tir a. Kan ngaihthalak tawh ang khanin Sanghe hi Mizoram a kan project zingah hianin intodelh nana kan hmalakna remchang tak mai niin ka hria a.

Tin, ei leh bara intodelhna chungchang thu kan sawiah hian chew kan ei ruel kan ei tel ang chi chawhmeh Sangha te pawh ani ang a, khang ho huam tel vek tura ngaihtuah a ngai ang a. Chuvang chuan, Fisheries Deptt. pawh hian priority item ani tih kha hria in plan hi siam that dan a awm angem aw ka ti a. Vawi khat an Director te leh Joint Director leh hotu dangte lengah ka sawm a, kan sawikhawm mai mai a, ka Office-ah. Chutah chuan, 'hei in plan han siam chhin dan hi a direction leh administration hi a buk hluai mai a, rawn en tha leh teh u' ka ti a.

Tunah hian Mizoramah hian kum khatah Sangha ton engzatnge kan mamawh han chhut chhuak ula, a dik tak a theih loh pawhin, a round tajin. Tichuan, tuna kan dehchhuah zawng zawng hi engzatnge ? Tichuan, khata kan mamawh balance tul kha ton engzatnge kan la mamawh ? chumi tichhuak tur chuan Sangha Dil engzatnge siam belh ngai te han chhut ula. Tin, kan Sangha Dil neih sa pawh a production ti tam zawk turin engtia improve nge ngai ? tih te han chhut ula. Tin, a chi siam chhuah theihna hmun engzatnge ngai ? tih te han chhut thlap ula, chuta tang chuan a back zawngin chhut let ula, mi engzatnge duh belh awm a, Office engzatnge hawn belh ngai le ? tih leh Motor leh tul belh ngai te, back calculation rawn ti ula, target kha fix phawt ula, tiin kan rawn mai mai a. Amaherawhchu, tuna Budget han en hi chuan a ni lo hle in a lang a. Hei hi ennawn atan tha hle in ka hria a. Hei, thawh tur a han lengah chuanin a fish tih punna tur, a firm te, fresh water, aqua-culture tih te, riverine fishery tih te leh khatiang ang khan a awm thliah thliah a ni a. Mahse, khengah khanin a hna tak tak, intodelhna tura production tipung turah khan pawisa a tlem em em mai a. Direction leh Administration-ah a tam em em mai a. Hei hi lo ennawn leh theih chuanin thain ka hria a.

Tin, FWD chungchang thuah hianin sawi tur tlem awmin ka hria a. Hei, purchase and machinery and equipments tihah hian Rs.2.2 crore a awm a. Hei hi, Mizoramah hian road construction hi partly mechanised hi kalpui thin a ni a. Chutah chuan tuna kan Sorkar thar hian Agriculture-ah te, Horticulture lama hmalakna turah te, mechanization uar chhoh deuh deuh a tumna-ah hian Deptt.-ina khawl te lei vak vak tawh lovin private-a lei thei

ho hi lei tir ile, an khawl kha hire sak mai ile. Tichuan, khawl mana pawisa tam tak kan sen tur leh a repair nana pawisa tam deuh deuh kan sen hi private kutah a awm ang a, tichuan, man tlem zawkin hna tam zawk a thawh theih dawn a.

Tin, Agriculture-ah te, Horticulture-ah te, hmalak tum mek a ni a, chutieng deuh chuan FWD ah pawh hian tih theih dan a awm lawm ni aw ka ti deuh a. Privatization uar a, contractor hausa pui pui te kan nei teuh tawh a, chung chu khawl lei tura encourage a, an khawl kha hman sak ve mai ni sela, helaia khawl leh machinery leh equipment a pawisa tam tak kan dah hi kawng laih nan leh hna tangkei zawk thawh nan a hman theih mai awm mange, tih min ngaihtuar tir a.

Tin, medium irrigation-ah hian nuaih hnih leh tlem a awm a, hei hi eng a hman tur nge tih a lang lem love. Hemi a ka sawi duh pakhat chu saw Mat Valley ah sawn Irrigation-cum-hydel-project scheme a awm a, CWC in investigation an ti a, Project Report pawh 1996-ah theihluh tawh a ni a, mahse tun thlang hian Central lama la theihluh lohvin a le awm a, an ennawn leh mek niin hotuten min hrilh a. Hemi atan hian pawisa hi an dah nge ni a, hmundangah hian scheme dang an nei tih hi hriet a chakawm hle in ka hria a. Saw scheme saw a that hmel khawp mai a, Hydel power a ti chhuak bawkan ang a, saw ti lai Zawlpui area saw irrigation-ah nasa takin a pui thei dawn bawkan a, ei leh bar a kan in todelhna kan hmalakna remchang tak anih lain Electric a generate thei dawn a. Chuvang chuanin sawti lai saw a pawisa investigation na hi FWD kutah NEC in a rawn pe a, tichuan FWD in pawisa CWC ah a pechhuak leh a. Chutieng anga investigation tih chu a ni a, a hna lo latu FWD an lo nihna laiah hianin medium irrigation hi FWD kuta awm tur anih tho avangin hetah hian hma chak deuhva lak theih dan a awm em aw ? Nuai hnih leh tlem dah mai lo hian in a thawhna tak tak tur hi dah theih dan a awm em aw tih hi ka han rawt duh a. Tin, hei furnishing ah hianin lakh 12 chauh a awm mai a, tukin a question hour a kan ngaihtlak tawh ang khan in engemaw zat hman tawh anih lain leh an entitlement dawng thei tute entitlement a la phak loh hle lai si khanin engemaw zah pawisa an la duh dawnin a lang a, heta nuai 12 mai awm hianin a tlinin ka ring love, hei hi tih belh theih dan a awm chuan tih belh a tha in ka ring a.

Tin, Civil Aviation chungchang thuah hian pawisa dah a ni love, kan ngaihtlak tawh ang khan in tunah hian Terminal Building la sak zawh loh khu chhunzawm leh mek niin ka hria a, khu khu khawi atanga pek tur nge kan Budget ah hian a lang love, Civil Aviation lamah hian nil in a lang si a, hengte pawh hi engtia tih nge an tum tih hriet a chakawm viauin ka hria.

Tin, a dawt leheh chuanin, mahni bial lam te pawh han lut ve tawh ile, Serchhip khawpui khi District Headquarter a puan a ni tawh a, D.C. Office te pawh function tan in Deptt. hrang hrangte pawh a awm chho zel dawn a,

kan khawchhung kawng khi a chhe em em mai a, District Head-quarter kan neih tawh zingah chuan kawng nei chhe ber. Kan neih chhun pawh maintenance tha lo ber a ni mai aww mänge aw, tih te a hmuh theih in ke hria a. Hetah hian Annual Plan leh Work Schedule-ah te pawisa engzatnge dah ka hrechiang lova, a bute rem chhuah chiah a la nih loh avang hianin, la siam that leh theih turah ngai ila, Serchhip Town Roads improvement nan leh siam that nan leh kawng thar Deptt. hrang lo thang tur hmunte kaww a pawisa tam leh zual min dah sak turin kan ngen duh baww a.

Tin, Serchhip-ah khian helai Sihpui ang deuh baww a Leimin nasa tak mai a aww a, tah chuan In tam tak pawh thiat in sawn a ni a, PWD in a siam that nan estimate nuai 150.00 vel an siam a. Tunhma kum khen hei hi bawhzui loh in a aww reng a, hei hi a pawimawh hle mai a, tam takin In an chan a, an in sawn chhuak a. Tin, la che leh thei zel anih avangin a protection work khi rang taka take-up ngai in ke hria a. Khita tan khian R.E. ah pawisa min han dah sak ula, hna khi tan theih thuai tura min buetsaih sak thei turin kan duh a. Tin, Serchhip-Hriangtlang leh Thenzawl, Neihlova kawng survey na tur pawisa min han dah hi a lawmawm hle in ke hria a, hemi te kawng hi pawimawh tak tur niin a lang a, Serchhip - Hriangtlang hi a kal zel chuan Kawlkulh-ah a lo chhuak dawn a, khilalah khian Link road tha deuh mai a aww dawn a. Tin, Thenzawl, Neihloh pawh saw tihzawm zel a kal tir zel chuan Kawlchaw-Buarpui tlangdung a rawn chhun leh dawn a, hei hi kawng pawimawh tak a la nih dawn avangin kumiah survey min tih sak a, tichuan a laih tak tak pawh hi hme min lak sak zel turin kan duh baww a.

Tin, Thenzawl khawchhungah sawn NEC leh Thenzawl khaw inker saw a chhe em em mai a, saw saw min tih that sak thei turin kan ngen baww a. Tin, Thenzawl atanga Buarpui kawng, PWD in BRTF atanga kan lak tak portion saw Tlawng thleng saw PWD kutah an aww tak hnu hian a chhe zual nasa em em mai a. Saw saw repair that a, pawisa pawh tam deuh dah a, uluk deuh hlek a min enkawl sak turin kan ngen duh baww a.

Tin, pawisa hi a pumpui han thlir hian R.E. ah la tih that theih turah ngai ila, crore 96 awma ah khen nuai 82 chauh a aww ta mai a, kumin Demand-ah hian, final a la nih loh avanga tlemah ngai ta mai ila, R.E. aww hunah nikum aia nasa fe a min dah sak turin ka ngen baww a ni. Ka lawm e.

FU C. THANGHLUNA : Fu Speaker, ka lawm e. Hei kan Budget hi keini tan chuan hriatthiam a har hle a. A Budget-ah hian han sawi tur tam tak hriat a har viau a. La ti thang lo tan chuan, District Council-ah te kum engemaw zat kan lo awm a, keini Budget siam dan chu a detail a, mahse a hriat theih vek a, hetah hi chuan works ah minor works ah emaw, a hlawm a deh tawp tawp anih avangin leh work schedule hmuh tur a awm loh avangin Sorkar hmalak dan tur hriat a har hle a ni.

Appendices emaw, work schedule emaw engmah hmuh tur a awm bawk si love, hetia han en hi chuan tunhma hun lo kal tawh zawng zawng Budget siam dan tlangpui ngaih pawimawh zual deuh Deptt. leh ngaih pawimawh loh deuh Deptt. pawh ni sela, a ngai ang ngawr ngawr khan a la kal zel rih ni berin a lang a. Khatiang khan kum thum kal liam ta ang bawk khan a ngai deuh rengin a kal niin a langa, chumi awmzia chu Sorkar lo awm tawh te leh vawiin ni a Sorkar thar lo dingte pawh hi Mizoram hmalakna turah danglamna vak awm lovin thumun rengin a kal niin a lang a. Mipuiin a en thlir ber alang chu Sorkar thar a lo pian hian Budget an siam dan atang hian Sorkar hmalak dan tur a lanchianna ber anih avangin Budget hi engtin nge an siam ang ? An siam dan hi a danglam a ngem ? Engnge an rawn ngaih pawimawh ang ? tih hi mipuiin an thlir ber a ni a.

Amaherawhchu, vawiin niah erawh chuan khatiang danglamna em em a kha hmuh tur a awm chuang love. A Politicien te ni lovin Official tena kan Ram Budget an lo siam dan tlangpui kha a keldan phung pangngai in kan kal zel mai zawk nge tih pawh a hriat loh a. Ruahmanna thar han hmuhchhuah tur teh chiam awmin a lang love. A item a pawh hi han en ila, item thar hmuh tur a awm lem love, item ngai a kha rin chhoh deuh ngawr ngawr a ni mai a. A pawise-ah nise, hei kuminah hian kan Budget Annual Plan Budget figure chu 360 crores tih a ni na in, a hun taka kan hmuh hman loh avangin nikuma Rs.333 crores ange duan chhin a kha kan hmuh theih a ni mai a. Nikum aia kan thanna figure tur a kha engzatnge belh anih dawn tih kha kan hre love. Belh anih dan pawh kan hre love, churang chuan Budget kan han en hian hriat a tlem ang reng viau a ni. Chutih laiin Member thenkhat te chuan khawilai khaw kar kawng emaw laiha tur kum inah ruahmanna a awm ani tih hre thei te pawh kan zingah kan awm a, anni kha chu an bengvera a lawmawm viauva. Amaherawhchu, kan Budget bu ah chuan khatiang kha han hriat theih ngaihne a awm love.

Amaherawhchu, vawiin niah hian han sawilen ve reng reng ka duh a chu PWD hi han sawi hmase ta ila, PWD hi Deptt. pawimawh tak mai leh Mizoram hmasawna tur atana Deptt. pawimawh tak a ni. Pawisa pawh he Deptt.-ah hian a tam ve tawk in a lang a, duh khawp tling tak tak lo mahse. Mizoram atan hian PWD hian hma pawh a la tha viau tawh in kan hria a.

Tin, Pu Speaker, helamah hian thu mahila, Deptt. thenkhat te Zoram tana thawk tha na na na hi chu fek ngam nih hi ka tum dan a ni a. Hnathawk tha lo na na na hi chu sawisel ngam nih pawh ka tum dan a ni. PWD pawhin khawpui chhungah hna an han la a, kan khawpui kawngte pawh, tunhma aia zauvin metalling te hi siam ani a, a lewmawm hle a, an fakawm hle in ka hria. Amaherawhchu, hna kan thawh chhoh zelna-ah hian dan eng thlap a hnathawh lohna ah chuan hna a lo chhe tial tial thin a, induhsakna a thil pek, tender lova thil pek a tam lutuk hian hna chu a chhe lamin a thang ani tih erawh-chu kan Minister pawhin a hria a. Ken ram tana chhenfakawm taka hna min thawh sak zel turin ka han ngen hmasa duh bawk a. PWD Deptt. hi kan sawi tak angin Mizoram-ah hian Deptt. tang-kai ber, pawl leh pawisa tamna, hmasawna kawng a inkhai chhohna pawimawh tek anih lain, mehni biel lam te pawh han sawi ta ila. Keini chu kan awma a chhim reih rawih bawk a, PWD Deptt. dang zawng zawng zinga a lar ber ange ngaih si a hi kan la hmel hriat lo em em mai ani. PWD a awm tih hi chu kan hria a, an hnathawh hmuh tur hi ka Bial-ah chuan a awm lo em em mai a, chuvangin, PWD hi ka biel sawn kan ngai ve hle tawh ani, hna min thawh sak turin kan mamawh em em mai.

Han thlir ta ila, Lawngtlai bialah sawn PWD in khawi laiah nge kawng an neih, kawng an laih ve, sawi tur a veng em em mai ani. Amaherawhchu, BRTF kan ti a, BRTF te hian Central pawisa leh NEC pawisa in kawng hmun hnih-ah min laih sak a, chu chu kan kawng neih ani ringawt mai a, PWD hian Diltlang atanga Chawngte chu a hmingin kawng a nei ve a, vawiin niah pawh a kal theih chuang lova, vawiin niah hian kawng awmlo eng ani.

Chuvangin, kan ram, Mizoram hmasawna tur tana kan Sorkar thar in ngaihtuahna a hman rual hian area wise te pawh hian thlir thiam deuh sela, khawi lai hi nge la hmasawn lo lutuk lai, khawilai hi nge kalkawng mamawh zual lai te. Chutiang chuan Deptt. hrang hrang etc. Co-operation lamah khawilai hi nge ngaih pawimawh ngai tih te. Tin, L.A.D. atengin khawilai hi nge hmalak ngai tih te pawh, bih Chiang deuhva min ensak a tul hle in ka hria a. Chutilo chuan khawilai emaw a lo chantlun hle tawh lai khan, Mizoram hmasawna leh Mizoram dinmun khan a hek chhe tho ani tih kha kan hriat a pawimawh a.

Chuvangin, sawlai Lawngtlai Bial saw, PWD hian hma min lak sak ve a, Lawngtlaiah sawn Budget-ah hian a lang chiah lo na in Circle tharte pawh min hawnsak a pawimawh hle in chulam atan te pawh min ruahman sak tul hle in ka hria a, kan Minister zahawm tak pawh ka ngen nghal bawk a. Tin, a chhak leh a thlanga kawng siam ngai-anih tlet aveng sawn, sawlai kan Bial saw kawng siam a harsa em em mai a, Lui te a lo tam a, Lui kam tur a tam a, Lei dawh tur te a tam a, chhim leh hmar zawnga kawng laih tur Lawngtlai bialah hian a tam lova, chhak leh thlang haw

zawnga kawng laih a ni a, a harsa bik a, chuvangin, kan Minister zahawm tek hneneh Khan FWD in Diltlang atanga Chawngte P te, chuta tangin a Tuichawng chhoh lam zelah Vasei kaiah Chamdur P ah Tuisen tlangah chuta tang chuan Farva pawh hneite a ni a, Perva thlang a laih theih a tha a, khatiang Khan kawng min laih sak tase, tichuan Ram thatna lai ber potential area kha a kaltlang vek dawn a, economic road tha tak a ni bawk dawn a. Chu chu FWD hian hma min lak sak tul hle in ka hria a, han sawilan te pawh Budget ngaihtuah lai, kan mamawhna leh kan duh thawhna han sawi lante pawh a tha thovin ka hria a.

Tin, chubakah chuan kawng dang pawimawh deuh mai pakhat Tuithum hnar atangin Sabual tlang, Zochachhuah, Hmawngbuchhuah, khulai khu helho chi hrang hrang tawmna hmun a ni a, security force leh kan Police-te tan pawh kal a buai thlak viau va, Ramri dep te anih avangin chetsual pawh awm thei a ni a, ke a kal ngai chhuk/ chho anih avangin kawng FWD te hian min laih sak thei se, ram venhimna thuah te, Security Point of view atan pawh thil tul tak niin a lang a. Tin, chubakah economics road pawimawh tak a ni a, kan ram a Agriculture lama kan tharchhuah Chhawhchhi thar tamna lai tak a ni a, chumi chhawhchhi an tharchhuah chu kawng a awmloh avangin India ramah phurchhuah a, India ram a hralhna kha a awm thin lova. Burma ramah an tawh thla a, Burma ramah tam tak an hralh thin a ni. Chuvangin, mi ramah kan ram thar chhuah te hralhchhuah anih fo lohna turin kan ram lam ngei a kan tharchhuah te kha kan hralh theihna turin kawng min siam sak turin ka han ngen duh a, a pawimawh em em in ka hria a ni.

District Administration lam building te pawh sak a tul a, FWD lam tih tur anih ka ring a. District Administration chungchang thilah te pawh pawisa an dah dante pawh a ngai deuh reng mai a, a thar ruahmanna thar a awm lem lova. Mahse, District thar engemaw zat hawn a ni a, Lawngtlai pawh a tel a, chutah pawh chuan Building tam tak mamawh a ni a, thil tul hmase niin a lang a. Chung sakna turte pawh chu ruahmanna le siam theih anih chuan min siam-sak tul hle in ka hria.

Tin, thiente Khan an sawi tawh a, hemi LAD lam ah Khan mi tam tak mirethei zawk te, mahni In sa hlei thei lo te In the neihna tur a ni a, Housing Loan hi a recovery a tha nge tha lo chu kan hre lo na in hei hian hmasawna kawngah min hruai chak hlein ka hria a. Hemi Housing Loan hi mirethei zawkte In leh Lo tha zawk an neih theih nan kan Development-ah hian Achievement awm thatna pawl tek nie ka hriat vangin pawisa dah belh theih anih chuan dah belh a tam zawk sem theih dan awm se tha hle in ka hria.

Tin, Fishery chungchangah khawpuiah chuan kan mamawh tawk kan le hmu lo hle tih Member tam takin an sawi tawh a. Saw lam kan awmna Lawngtlai-ah ngat phei chuan Sangha lei turte chu a hmuhin kan hmulo reng reng ani.

Lawngtlei te pawh khawpui a lo ni tan chho ve a, chuvangin, Sangha lei tur tun atang a mipui lo thang chho zelah a awm ve theihna turin kan hma lakna Fishery ah te pawh hian kan zauh deuh hlek hi a the lawm ni chu aw ! Hetianga khawpui lampang a than rualin Thingtlang lam te pawh a District Wise te pawh hian ei leh bar a in todelh dan kawng hi dap chhoh nise, kan intodelh theihna tur hian kan Plan siam dan te hi thendarh deuh hlek a, Thingtlang lam Develop chhoh dan hi tun Sorkar thar hian min ngaih pawimawh sak a the lawm ni ? tiin appeal ka rawn siam hial a, min ngaih sak tha in ka hria a. Awle, ka lawm e.

S P E A K E R

: Lo ngawi lawk teh u. Hei thu sawi hi kan duh theuh mai a, tunah chuanin kan programme anga kal tur

chuan Minister te wind-up tir a hun der mai a. Mahse, thusewi hi kan la duh chho zel dawn anih si chuan dar 4 kan hun tawpah hian House ngah dan hi chu kan la la anga. A tlangpuiin tun a kan rilru ang hian kan kal zel phawt dawn em ni ? Tunah hian in wind-up tir pawh ni ila, kan hun hi kan pelh a ngai tho tho dawn ani. Chuvangin, kan sawi zel mai dawn em ni ang ? Kan kal zel mai ang maw ? Engpawh nisele, kan tawng chhoh ang engin kan kal ang a, thil pakhat han hrilhfieh ka duh chu, engemaw kan Dan leh dun leh kalphung te kan hriat tawk loh avengin, Speaker hi thiam loh kan chang lek lek reng mai a. Tunah hian Panel of Cheirman te hi March thla khan kan ruet a. March thla GPC Member ani tlat mai a, March thla a kan ruet tawh kha a thar ruat leh hme chu an valid a, chuta kan ruat te chu kan lo theihngilh palh anih pawhin Pu K.Thangzualla, Pu P.B.Rosanga, Pu H.Rammawi, Pu C.Thanghluna te an ni. Hei hi kan hriat a tha in ka hria.

Pu K. Sangthuama i lo

sawm ang.

PU K.SANGTHUAMA

: Pu Speaker, hun min pek avangin ka lawm e. Demand No. 54-na P.W.D hian sawi a hlawh hle a. P.W.D hi kum 1972 atang khan

vawiin ni thleng hian hma a sawn hlein ka hria a. An hna-thawh pawh hi a ropui hle a. Amaherawhchu, P.W.D hian kawng chungchangah hian tlemin tun aiin tan an lak leh deuh a ngaiin ka hria a. Hei building ah hi chuan hma kan sawn hlein ka hria a. Vawiin nia kan inkhawmnate pawh hi han ngaihtuah ila kan aia hun rei tak State lo ni tawhte pawh ngaihtuah ila, heng aia tha hi chu an awm chuangin ka hre lova.

Tin, building tam tak an sakte pawh hi a iaiawmlo hle in ka hria a. Amaherawhchu, kawng chungchangah erawh hi chuan hmasawn zel tura P.W.D hian tan a lak a ngaiin a lang.

Hei khawpui chhung hi kan mita kan hmuh theuh ani a. Thingtlang lam chu a tam tak hi chuan kan thleng lo pawh ani mai thei a. Tunhma khan kan khawpui chhung Km 100-200 emaw lek pawh hi black top tha in kan kal mang lova. Nimahselangin nikum atang khan hei Black top tha takin kan kal thei ta a, hengte hi a lawmawm hlein ka hria a, amaherawhchu, heti chung hian tih loh tam tak kan la nei a, hei Bawngkawn atanga College road kan tih mai hemi pheite hi a tha lo em em a, motor pangngai tan chuan a diak lutuk a. Hei hi Thal veleha tih vat nisela thain ka ring a. Chu- yang chuan kan Minister zahawm tak leh kan P.W.D hotute pawh in lo hre tur in vawiin ni hian ka ngen duh a, helai pheih hi kawng a lun em em mai a, hemi chung lam pang hi a kal theih loh pawha mipui vantlang motor kan kalna pawimawh ber zing ami anih avangin hei hi lo hre turin ka chahin ka ngen duh ani.

Tin, chu lo lelah chuan Electric veng road No. 3 saw 1987 a MNF a lo Sorkar a Black top vawiin ni thlenga la chhonzawm loh kum 12 ani tawh a, chei loh ala ni a, saw saw a khwar nasa em em mai a. Kan Minister zahawm tak leh kan PWD hototen lo hre turin ka ngenin ka chah duh bawk che u a. In hna thawh saw a tha ang reng hle a, kum 12 chhungin, saw vawiin niah pawh zawh theih ala ni na in a chhe deuhhlek tawh a, saw saw minrawn enfiah sak turin ka duh che u a, tin, a dang lelah chuan Electric veng a thlanglam pang han kal pheina Dawrpui thlanmual nena a inpawh pheina khu a tha lo khawp mai a, khu khu thal veleh siamthat vat ni bawk sela, a lawmawm hlein ka ring.

Tin, Sihpui atanga Chite inkar kawng khu kum tinin kan tihsak ang che u an ti a, bialtuten Chite thlenga Black top turin an tiam ve ziah a, vawiin ni thlengin duhthu a sam lova, Thlanmual thleng khu chuan Black Top nel nualin a chhukthla ve a, khu khu kan PWD Minister zahawm tak kha kan ngen duh a. Aizawl khawpui kawngah hian he kawng hi ngaihsak loh pawl tak niin ka ring a, a thu hrimah he kawng leh Ramther Veng kawng khu khawpui chhungah a lunlai ber leh mipui bitna ber nisi

ngaihsak a hlawh lo em em ani. Tin, mipui pawh an vui ang reng hle ani. Tichuan PWD chang nilo, Deptt. dangte pawh hian in rawn ngaihsak hi mipui pawhin an phut ani tih vawiin hian he House hi ka hrilh duh ani. Kawng kilkhawr tak tak, Mission Vengthlang kawngte khutah Vaivakawn thlang, chhim lam leh Hmar lam, a tawp thlenga Black Top a awm lain Electric Veng bik kumtin kawng diaka kan kal vel thin hi chu vawiin niah House hi hriattir ka duh a, chuvangin kan P.W.D hotute pawhin min rawn ngaihsak deuh hlek a tha in ka ring. Khawpui ah chuan a lunlai Bazar hnaih kan ni a. Tin, mipui pawh bitna lai ber kan ni a. Aizawl khawpui ah chuan a veng khat ang pawhin mihring tam ber vote tam ber kan ni bawk a. Tin, Kohhran thleng pawhin Kohhran lian ber kan niin ka ring a, chutiang ang veng si chu vawiin niah hian ngaihthah anni fo mai khu veng mipui ten an hrethiam lova. He House zahawm tak hian min hriatpui turin kan sawm che u ani.

Tin, pakhat lehah chuan nichina an sawi hemi khawpui chhung hi side-drain chungchangah hian hma vawiin niah hian kan lak deuh a tha in ka hria a, side-drain a that loh chuan kawng hi duhthusam ani thei lova, tuiin a lo hawrh a, kan black-top zewng zewng pawh hi tuiin a chim reng chuan vawiin ni a P.W.D in tha tak tak a hna an thawh pawh hi a tha rei theilo ani tih chu in chiang vekin ka ring a. Chuvangin side-drain siamah hian P.W.D in nge hmala dawn a, L.A.D in nge ? eng in nge hma la dawn tih chiang taka ruahmanna fel vawiin niah kan neih a ngai a. Hei hi hna hmasa a kan neih phawt loh chuan eng ang pawhin tha thin mahsela, kan black-top hi reilo teah ruahtuiin a chiah renga a tlin reng chuan a tha rei theilo ani tih kan chiang theuhvin ka ring a. Heti laiah hian a tihden in rawn ngaihtuah vat a tha in ka hria.

Tin, chulo lehah chuan nichin khaan an sawi tawh a, hemi tuihawk luankawr chungchang hi a pawimawh ber zing ami ani a. Heihi tunah hianin P.W.D kutah dah lovin P.H.E hian an la dawn nge ni ? Aizawla tuihawk luankawr hi an rawn en niin ka hria a. P.W.D in a lak loh phei chuan vawiin nie sawivak chi pawh a nilo mai thei a. Mahse, tawite han sawi hram ka duh a. A pawimawh em em a. Veng mawnga awm tan phei chuan Vawiin ni anga kan tuihawk luankawr kan sawisak dan hi chu awmna ngam pawh nilo khawp- in Veng mawng tan chuan vawiin niah a awm thei a. Bawlhhlawh zewng zewng a lo tla thla a. Tichuan, veng mawngah e inchhek- khawh a. Veng mawngpa chuan hah takin hna an thawk a, kawng laiah hnatlangin phiat fai turin bawlhhlawh kha an la chhuak a. Tichuan a paih turin P.W.D emaw kan han ruai leh a. Mu- mal lo takin heihi a kal a. Chuvangin a enkawltu tur hi mumal taka siam a tha in a lang a. A chhan chu, kawr kha Deptt. pakhat in a hna a nih si chuan a bawlhhlawh paih kha Deptt. pakhatin a hna anih leh si chuan a buaithlak em em a. Chuvang chuan Vawiin niah hian a kawra hi P.H.E hian a lak dawn chuan a bawlhhlawh paih thleng hian P.H.E hian la mai swlangin a thaa rinna ka nei deuhhleka. LAD hian

a dik chiah chuan motor an nei tam lova. An zo thathum lo niin a lang bawk a. P.H,E hian kawr an lak dawn chuan an hnenah hian kawr tihfai leh helai vela hi tum ta maise chu, anni motorte an ngah deuh a, thiltha ani mai awm mang e aw ! tih ngaihtuahna min hmantir a. Chuvangin hei pawh hi, kan Minister zahawm takte khan ngaihtuahna lo hmang ta ula a tha viauvin ka ring.

Tin, pakhat lehah chuan, hei thingtlang lampangah hian han kal ta ila, thingtlang lamah hian tunah hian kan Budget ah hian kawngthar laihna tur awm a hi ka'n en ka'n en hian a awm teh chiamin a lang lova. Hei, nichina ka hmaa mi chiahin a sawi ang khan, Budgetah hian hma thar lakna tur leh a ngai ang anga nikum lama kan tih tawh zaa pali vela punga dahchhoh leh mai thin ringawt lo deuh hian kan hmathar lakna tura hi mumal deuh fek fawka kan tih hi a ngai a. Chuvangin kuminah hian kan ti hman rih lo anih pawhin nakum lamah chuan Inter-Village kawngte hi a pawimawh em em a. Kawng ina a chhun pawh loh harsatna tawk tam tak an la awm tih kan hria a. Hengte hi ngaihtuah hmasak nise tha hle in ka hria a ni. Tuna kan laih tlang tawh, boulder phaha black-top tur hi chu kal zel chungin khua leh khua inkal pawhna tur la tih loh te.

Tin, P.W.D in an lak tawh, nichina Saitual Bialtu zahawm tak, Pu Zira'n a sawi, a la sawi hmaih, Hmawngzarmawi atanga Sihfa panna tur Km 5 vel lek, hman atanga P.W.D in a maintenance leh vawiin thlenga Sihfa truck road te pawh khi tih loh a la ni a. Khing te pawh khi cheng tam sen ngai ani lova, Bus kal theiin mumal deuhhleka tihsak ve atan a tha ngawt mai. Khilala ding apiang khian an intiam ziah a, vawiin thlengin tihloh a la ni a. Km 5 vel lek ani a, Cheng nuai 10pawh sen a ngai lova, nuam taka kawng siam theih mai, vawiin thlenga la tihhlawhtlin loh a la ni a. A khua khi tunhma atang khan Hmawngzarmawi lak thlak an tum thin a, khua han sawn meuh hi chu a har thin a. Chuvangin kan Minister zahawm tak pawh hian min lo hriat sak se ka duh tak meuh ani. A chhan chu khua ve lem, motor mumala thlen theih loh, cheng Nuai 10 pawh sen ngai lova Bus nuam taka thleng thei mai hi min lo hriatsak se ka duh khawp mai.

Tin, pakhat lehah chuan khawthlang lamah pakai ta ila, khawthlang lam khu Ministry hmasa, hmasa leh atang khan tlemin ngaihthah deuh ani a. Vawin niah chuan ngaihthah loh kan tum hi a dikin ka ring. Boundary kan ni a, foreigner lo luhna ani a, kan inchiah-piah nasa ropui si a, chuvang chuan khulai khu awmze nei deuhhleka kan Sorkar hian min enfiah sak turin ka chah duh che u .e.

Hei tunah chuan Kanhmun atanga Tuilut inkar khu a chhe em em mai a. Tun Thal khan kan han bei chiam a, mahse, Thal chhung a rei lova, cuh angin kan zo hman lova, Kawrthah atanga Tuidam thleng chuan a zia-awm viauva, Tuidam atanga Tuilut kawm inkar khu chhiat

namen lovin a chhia a. Bus an kal ve duh si a. Kan pute ho hi in kalthla ngai vak lo ang a, kan hnufual zia, kawngah mai nilovin, education lam thil engkimah Khawthlang khu a hnufual em em a, chuvangin, Tuilut kawn khu thleng thei turin kumin Thalah hi chuan theihtawp chhuah turin kan Minister zahawm tak leh P.W.D hotute ka ngen duh a, black-top khu min chhunzawm saka, kal theih deuhhleka min chhunzawm sak turin ka ngen duh a.

Tin, chubakah, Mamit atanga Tuidam inkar a khu a hnai zawk, helam panga kal kual ngai kher lova kawng thataka siam chuan Km 40 lain a inhnaihheih a-va gin, knutilai khu min lo hriatsak sela ka duh a. Khumi lai khu tha deuhhleka a kan siamthat theih chuan awlsam takin, nuam takin kan thleng ve thei dawn a. Hei tunah pawh khawthlang lam kan hrisel lova, thihna in min bawm reng a, Sorkar kan siam atang khan damdawiin atangin ruang hi kan thawn thla deuh reng mai a. A changin leiminin min dang a, nikhatah pawh kan thleng thla thei lova, a mangan thlak viau a. Chuvangin, P.W.D kha tan la deuh hlek turin vawiin niah in hna-thawh thatte chhunzawm zel turin leh harsatna tam tak lo thleng hi vawiin ni aia min enfiah sak turin khawthlang aiawhin ka'n ngen duh bawka ni.

Tin, chulo leha chuan hei Fisheries chungchangah khan, Darlakah khuan tunhma atang khan Inte an sa tawh a, hei hi a chi dahna atana siam an lo tum ani a. Inte an sa a, mahse vawiin ni thleng a enkawl zui loh ani a, kan Minister zahawm takin min hriatsak se ka duh a. Khuti laian khuan a chi khawina siam ta ila tam tak a chi a tih theih ang a. Mizoram sangha chi duh zawng zawng pawh hi kan supply thei dawnin ka hria a. Chuvangin, nguntakin min lo enchian sak sela, tunhmaah an hmalak tawhna, eng anga chhunzawm tur nge anih a, hlawhtling thei tur ani em ? tih pawh kha min lo ensak sela ka duh khawp mai a. Chuvangin, sangha chi kan intodelh a, Agartala ami ani emaw ? Silchar ami emaw la kher lova, sangha chi hi keimahni kan intodelh theihna turin min han enfiah sak turin kan ngen duh ani. Pu Speaker ka lawm e.

S P E A K E R : Pu Nirupam Chakma.

PU NIRUPAM CHAKMA : Pu Speaker, hun min pek avangin ka lawm e. Demand ah luh hma-in tlem ka sawi duh a. Election Commission thuchhuah word pahnih khat chauh ka han sawi teh ang.

S P E A K E R : Demand hun ani a, kan Dan bu ah khan a sawi a. Thusawi a dangin duh anih chuan kan Secretary hnenah dilna inpek hmasak a ngai.

PU NIRUPAM CHAKMA : Pu Speaker, Election puan tawha Election Commission sawi angin, a puan ni atangin Minister te leh authority posting Sorkar ah hian "From the time of election are announced by the Commission. Minister and other authority shall not announce any financial grant in any form or promise thereof; lay foundation stone etc., project or scheme of any kind; make any kind of construction of road, provisional drinking water etc, or make adhoc appointment in Government Public Undertaking etc; which may have effect of favour of the Party in power", tih kha ka sawi duh ani. A chhan chu Model Code of Conduct thu ani mai a. Pu Speaker, you are the guardian of the Law. Hemi chungchangah hian tuna ka hriat duh chu Minister te, M.L.A ten thu kan sawi a. Demand kan sawi a. Chutah suggestion te pawh kan siam ang. Minister hian policy, decision leh announcement siam a thiang em? Election puan tawh hnu ah?

S P E A K E R : Demand tunah chuan sawi phawt rawh. Tichuan, Assurance te pawh kan dil mai thei ani. Hetah hian Election Commission in engmah..... a dik lo anih chuan min ngaidam sela.

PU NIRUPAM CHAKMA : Pu Speaker, ka sawi tan chauh alawm le! Pu Speaker, hei Demand 42-na Cooperation chungchangah tlemte ka sawi duh a. Hemi Deptt. hi hun engemaw chen ka enkawl tawh avangin, thil tam tak chu ka hria a. Tin, a hnathawh dan pawh ka hria a. Tam tak hmasawna pawh awm tawhin ka hria a. Amaherawhchu, tunah hei Sorkar thar a piang a. Sorkar tharin hma a lak turin rawtna ka siam dawn ani. Cooperation Deptt. Demand bu kha en sela, nichinah Pu Lalthan Kunga'n a sawi tawh a. Cooperative Society, Multipurpose te, Service te, LAMP Service Society, Industrial Cooperative Society, Fishery, Cooperative Storeage Consumer, ..

hemi Cooperative Society tana Budget ruahmanna pakhatmah a awm lo hi engatinge ? hemi hi a pawimawh lo em ni ? tih hi ka sawi duh a.

Tin, Sorkarin Agriculture leh Life Sector hi pawimawh dawn niin priority Sector ni tura sawi ani a. Chuvang chuan ka rawtna chu hetiang hi ani. Agriculture hi Cooperative Sector nen inmilin a kal loh chuan development kha a awm thei dawn lo reng reng. Hmanah khan kan Chief Minister zahawm takin a thusawinaah Cooperative chungchangah engmah a sawilo hi thalo ka ti a. Chuvang chuan hei; 'kalphung thar' Sorkar dinglai tawngkam ania, 'kalphung thar' engtizanginngan la kal dawn an sawi chiang lova. Amaherawhchu, Agriculture leh allied Sector tih puitlin kan duh chuan Cooperative Policy milin kal a ngai ang. Tuna Bulldozer in lei leh tam takin lei mai theihte maintain nan nakinah pawisa an mamawh ang. Sorkarin mimal hnenah pawisa kumtin a pe thei lovang a, chuvang chuan, Bankable Scheme te, Cooperative financing Institution tam tak NCDC, NABARD te atangin pawisa lak theihdan tam tak a awm ang a. Chuvang chuan, Cooperative Society a pawimawh zia hi hria sela. Hei Joint Manifesto MNF leh MPC in a ziahlan ang hian Cooperative movement hi tih hmasawn a ni ang an ti a. Amaherawhchu, hetah Budget-ah heti zat Cooperative Society tan pakhatmah a dah lo hi ka ngaithiam lo ani. Pu Speaker kan Apex Bank hian Agriculture leh allied Sector-ah pawisa tam zawk credit pe sela tih hi ka sawi duh a. Tuna Policy awm dan hi thlak sela, Agriculture leh allied Sector-ah pawisa tam tham thei ang ber credit pe rawh se.

Tin, ICDP Integrated Cooperative Development Project hi Minister zahawm takin khawngaihin hemi chungchangah engnge hma a lak tawh ? tunah eng stage ah nge a awm ? tih House-ah min hriih sela ka duh a. Tin, Cooperative Society tan training programme hi a tam thei ang ber ruahman sela, tih hi ka rawtna ani.

Tin, Demands 54-na, Public Works Department ah chuan sawi tur tam tak ka nei nachungin, hun tam ka nei thei dawn lova, Chawngte - Borapansuri Road hi inthlan hmasak khan, inthlan hma, inthlan a awm dawn avangin emergency Work ah Department hotute kan hriattir a, mahse, tunthlengin, pawisa an la pe lo. Hei, inthlan a awm leh dawn a, engtinge an tih dawn ka hre silova, kang a Bill pending te kha rang taka pek theih nisela.

Tin, Diltlang - Chawngte hi Village Road ani a, tuna ruahmanna ang chuan Village road, tuna kalkawng pawimawh tak ani a. A chhan chu Lawngtlai District ah Headquarter a awm tawh a, chuvangin, Chawngte lam atangin Lunglei through a kal lovin, hmun dang atanga kal in a short cut tha em em a. Chuvang chuan hemi kalkawng hi a rang thei ang bera motor kal theihnan siam nise, a tha khawp ang.

Tin, Work Scheduled chungchangah kan MLA zahawmtak tak te'n zing lamah an sawi a, kan Minister zahawm takin thulai la in a sawi tihna ani. Chuvangin, hei lehkhabuah pawh a awm reng a, 14th April to 3rd April, 1995 lehkhabu Budget Session a PWD in Work Schedule a nei lo tih kha ani a. Amaherawhchu, sawlam ngaihndan ka hre lo. Pu Speaker, rawtna tha tak ka siam duh a, hei P.W.D ah hian, kan road neih categories of Road Majority of Road, adangah te Village Dist. Road te Town & Village Road chungchang ahte rawtna kan siam duh chu kan kalkawng National Highway a tel turin kan Sorkarah newr ani a. Sorkar hmasaah pawh wawi tam tak kan sawi tawh a. Road engemaw zat chu N.E.C ah National High Way ah lak tawh ani a.

Tuna rawtna ka siam duh chu Major Dist. Road engemaw zat siam belh nisela. Chutiang anih chuan other Dist. roads dang atangin up grade siam belh a ngai ani.

Entirnan, Lungsen - Chawngte road hi a pawimawh hle a. Major Dist. Road anih avangin State High Way ah up-grade nisela. Tin, a dang Diltlang - Chawngte road hi up-grade ni bawk sela. Tin, chumai nilovin, kan Sorkar thar hian, policy engemaw zat Dist. Headquarter nen, Dist. Road te chu up-grade nisela a duhawm hle ani.

Chawngte - Diltlang Road chu example ah ka'n sawi mai ani a. Chuvangin, P.W.D hian ngun taka ngaihtuahin, kawng engemaw zat a pawimawh bik zual deuh-te chu, State High Way ah up-grade sela. Tin, a then chu Major Dist. High Way ah up-grade a ngai ani. Chutilo chuan a categories a zirin a pawise te pawh ruahman ani a. Kan tih tak tak dawn chuan a policy hi ngaihtuah ngun a ngai ang.

Tin, Pu Speaker, Local Administration chungchangah ka sawi duh chu V/C thiahte Nomination number lakte Nomination Member chungchangah tuna kan House Leader zahawm tak Pu Zoramthanga ngaihndan hi House Proceeding, chhiar awih ani a. Ka han chhiar teh ang. Phek 376, 14.4.95 a tawp lamah chuan hetiang hian sawi ani. "Tin, chu lovah chuan ruat seat buaiin an buai a. Ruat seat chu, an han monopolise a, duhtawka, an han sawngbawl chuan a hahthlak a, Ruat seat hi kan V/C dan tharah chuan i ti buai lo law law mai ang u. M.L.A ah pawh kan nei tawh lo a lawm" a ti a.

Tichuan, tuna Sorkar siam hnu-ah nominated seat hi engzatnge a lak tawh? Ministerin khawngaihni he House ah sawi thei sela, Pu Speaker, a tha lo maw?

Tin, Housing chungchangah M.L.A ten lawmthu an sawi a, lawmthu ka sawi duh a, M.L.A te quota min pe ve a, hei aia tam zawk pawh pek turin hei rawtna kan thian ten an siam a. A theih chuan a tha khawp ang.

Tin, Urban Development ah hei hi ka sawi duh a, Pu Speaker, tawite tuna Urban Development Deptt. hian Shopping Complex te, Housing Complex te, tin, parking place te, an siam thei lo em ni ? duh leh LIC atang te, HUDCO atangte pawhin pawisa pukin hetiang Market Shopping Complex emaw, Housing Complex emaw te, Parking place siam rawh se a tam thei ang berin. Demand No. 38 Fisheries ah tawite ka sawi duh chu, tunah ken mamawh alan dan chu hetiang hi ani. Seed farm kan mamawh.

S P E A K E R

: Aw, ngawi rawh aw, Dar 4 : 00 ani dawn a, hun i pel thui ta viau a, hei House ngaihdan lak a ngai ta tlat mai. Hei Dar 4:00

a lo ri dawn ta a. Kan hun a tawp te der mai a. Engtingge naktuk lamah chhonzawm leh mai ila, kan ti dawn nge ? Vawiina kan programme kaldanah chuan zawh ngei ngei tur ania, chu chu engtianginge kan kal ang ? kan sawichho nghal mai dawn lawm ni ? Vawiina zawh law law hi kan programme kaldan ani a. Sawi lo Memberte tam teh chiamin a lang lova, theih chu nise tling-tla nghal law law ila. Dar 6 : 00 Dar 7 : 00 ah chuan kan zo thei turah ngai ila, thain ka ring a. Hei keini pawh Zokhaw lamin sawi tur kan ngah ve si a, sawi zawh law law ka rawt deuh mai a, hnial kan awm em ? ngawi rawh, Pu Nirupam, i hun i pel thui tawh lutuk e, Pu L.N.Tluanga sawiturin i ko ang. Pu Tluang, sawi rawh.

PU L.N.TLUANGA

: Pu Speaker, Demand No. 54-na Public Works Department chung-chang thuah hian a hnathawh tur lai ai mahin a Deptt. chungchang

thu hi sawi ka duh a. He Deptt. hnuaiah hianin dan angin tam takin eizawn nana hman tumin Registered Contractor an awm a, chu chu a hun kal ta lam kan thlir chuan Kum 15 velte, heng Mizorama Sorkar hnuaia Registered Contractor ngatte hi kan Sorkar hnuaiah an rethei em em ani . Hna diltu an nih angin dan dangin Class III,IV,II,I ah pawisa tam tak dahkhamin an in Register a. Mahse, kum 10 liam ta chung khan hna dil tur awm reng reng lo khawpin Sorkarin Contractor nilote hnenah hna a sem zo titih vek a. Chu chu rampumin kan hria ani. Nichin chawhma lamah khan zawhnate pawh kan zawt a. Kan Minister chhannaah khan Tender-a pek zel a tum niin ka hria a. A lawmawm khawp mai. He Deptt. hian dan leh dun pawimawh tak mai an lekkawh thin a. Dan angin hnate hi Tender a, Registered-te hnena pek tur ani a. Emergency-ah leh pawimawh bikah pawh hna hmanhmawh bikah pawh Contractor te thopek tur ani a. Mahse, kan Sorkar leh Deptt. hian kan

....112/-

hmang kham lo em em a, zep thu awm lo. Dik tak chuan a Deptt. pumpui hi hleih neihna khur, induhsakna bikah a tang rei em em tawh a. Kum 10 chhung mai kan thlir let pawhin an duhsaka te chuan Nuai 100/500 man thawk an tam em em tawh ani. Chutih lai chuan Class I/II ngat pawh kum 10 chhunga hna pakhatmah thawk lo, zaah sawmkua an ni. Deptt. pawimawh anih zia chu kan hre theuh a. Chuti chung chuan, Mizoram P.W.D kaihhruaina tur dan pawh kan la nei tlat lo. Officer in Assam dan an hmang a, a thenin India Sorkar dan, Central Rule an hmang. Vawiin nia Deptt. lian leh pawimawh ber siina Manual kan nei lo hi chu a zahthlak haih haih ngawt mai.

Registered Contractor 1000 rual kan neih lai a, kum 10 chhunga hna hmu zo reng reng lo kan siam a, an thawh tur Contractor nilo hnenah pek zawh zel hi a tha lo ani. Ram tan a mawi lo. Kan Minister zahawm takin a hrilhfiahna khe tha ka ti a, ka lawm em em ani. Dik tak chuan Registered Contractor ngat hna hi chu midang hna aian a tlang-pui ah a tha vek. Chik mah rawh u, kei chu kum 30 vel lai Contractor zingah ka lo cheng thang ve tawh a. Registered Contractor hna ngat chu a tha bik fo ani.

Tin, Dan mumal nei lovin U.T kan ni chhova, State kan ni chhova. Kan Contractor te kan tih retheih zia hi kan Sorkar hian a hria em ? Dan hmangin mahni phu tawkte te in Register an han ni a. Mahse tun kum 10 chhung-in mihring an siam bikte chu an lo hausa ta em em a, a hausa falte tanah Paradise siam tumin Registration thu ahte chuan Class I, a hma a Cheng 20,000 deposit a, lo in register tawh thin, kum 10 chhung a hna hmu miah lote chu Cheng Nuai 3, register ah in dah loh chuan chhawk in ni ang. Insakah hna dang dangah Nuai 50 man in thawh tawh loh chuan chhawk in ni ang a han ti a. Kum 10 chhung hna an hmu chuang silova. Engtingge kha hna volume kha an thawh theih ang. An pek a te an pe awk awk a, a dawngate an dawng reng a, khatih lai karah khan engtingge a hnathawh tam chak zawng lakina volume Rs. 50,00,000 man engtingge a thawh theih ang ? hnathawk tur neilova kan awm lain an registration cancel tumin dan thar siam chawp hmangin Rs. Nuai 3 in dah loh chuan in registration chu a thi ang an ti ringawt mai ani. A Deptt. pawhin an rawt huai ka ti lutuk reng reng. Ram pachhe bera khatiang rawtna maksak an han siam hi mak ka ti a ni. Amaherawhchu, kan Sorkar lo piang thar zelin kan retheih dante hria in engtin tin emaw an ti khawtlain ka hria, lawmawm ka ti khawp mai.

Tin, Demand 19, 28, 29, 38 thu ah khan Point khat chauh ka sawi leh duh a. Sihphir ram chhungah chuan Lungsen Veng a lo piangthar a, Sihphir khaw mipui zawng zawngin an duh lova. Engemaw ti ti in an umdarh a, Sorkar a mualpho viau a ni. Chutiang bawkin, Chaltlang Vengah Phunchawng khua lo piang titih mai, thisen chhuahin, nunna chan khawpin um rem an ngai a. Tunah hian

Sesawng huam chhungah khang tlandarhte leh mi huan vengte In tlemte an awm a. Tichuan, kan Sorkar chuanin Sikul an pe nghal ringawt mai a. P.H.E Deptt. chuan khang zawng zawng tan khan Tuizem an khawr sak ringawt mai a. Sesawng khua in an duh miah lo. Mizoram a V/C pakhat huam chhungah luipui kamah emaw lamlian tlang dungah emaw khawte reuhte a lo piang hi a tha lo hrim hrim. Tunah example 2 kan nei tawh a, khitah khua in kan Sorkar kan dawr a, heng hi in um bo loh chuanin, tharum thawhin kan um bo tho tho dawn an ti tlat tawh mai ani. Kan L.A.D te hian kan Sorkar hian luipui kamah leh lamlian tlangdungah In hnih In thum lek lek baw ang rengte hi khua a huam tur hi phalloh nise tha ka ti a. Mizoramah hian kan hmu chiang em em tawh a. Khawte reuhte a tha lo. Khaw awmsa hi a lian thei ang berin siam zel ila, Veng chhung ram chhung a khua ang reng veng ang reng lo piangthar tur hi a theih chen chenah dan nise tha ka ti em em a. Chu chu kan Sorkarin ngai pawimawh se ka ti tak meuh va.

Tin, Cooperation te hi kan thiam taw lo theuhva, hei Mizoramah hian Financial Institution ang reng ZIDCO te, MAMCO, ZOHANDCO, MIFCO, MAHCO, ZENICS te kan han nei a. Tun hnaiah kan han bih chiang a, Establishmentte deuhin an hloh tlem deuhva, a lian deuhvin an hloh tam deuhva, an zavaiin profit making institution tura kan beisei lai khan a Nuai biin an hloh vek. Chu tak chu kan Sorkar hian heng Corporation lian tak tak kan neih lak lawh tawh site hi engtinng kan kaihhruai ang, an damlohna lai tidam tura sum leh pai a thumthatte pawh an ngai a. Chu ai mah chuan an thawh tur dik tak an hmalakna tur diktak expert advice leh guidance leh, Consultant tha an mamawh khawp mai. Chung chu he kan Sorkar thar hian hma la in kalpui tak tak se ka duh a, chutianga kan kaihhruai theilo anih chuan kum 1 ah Nuai tam tak hloh tawh anni a, an hloh zel dawn a, an hloh zel ai chuan a body zawng zawng hi titawp vek ila a hnathawktute pawh Deptt. ah suankhawm vek ila kan hlawkpui zawkin ka ring ani. Amaherawh-chu, thil zirtirte kan nih avangin an pawimawh vena kha hria-in kan Sorkar duhawm tak hian thum that dante ngaihtuah sela, chei sela, advice consultation pe sela ka duh tak meuh ani.

S P E A K E R : Pu Lalchamliaana.

PU LALCHAMLIANA : Pu Dy. Speaker, ka lawm e.
Vawiina kan thil sawi hi sawi thiam har ka ti hle a, hmanah kan sipai tan ve lain Vaimuana

hi a awm a, thil hi han sawi ila Pu Muan, engnge maw i ngaihve dan han ti ila, "Kei engmah hre ve hlei lo" a ti a, ngaih dan hi a sawi ve ngai mang lova, chutiang deuh chuan keipawh engmah hreve mang lo ka ni a, a chhan chu nichina kan Member zahawm tak tak ten an sawi ang khan kan Budget bu-ah hian a figure-in an rawn ziaka, khawi laia hman tur ngo tih lam hi a awm lo tawp mai a, khawia hman towh nge, engtianga hman tur nge tih lai hi, heihi ka bangbo deuhve. Chuvangin, kan Sorkar hruai tuten, kan Minister ten min hriatpui sela ka duh a, min tihsak theise tih tawite a, han sawi ka duh a. Parliament-ahnte khu chuan Department tin khuan Annual Report an pe thin niin ka hria a. Chutiang ang deuh hlek a Department ten an hnathawhte an lo tar chhuahnate leh an thawn leh tur an tar chhuahnate hi a awm loh chuan Demand han sawi hi a bangbo thlak ang reng a. Hetiang hian engchenge Sorkar alo kal tawh tih hi ka hrechiah lova. Hei House ah hian subject Committee pawh panga lai an siam a. Chumi ina tuma chu Department hrang hrangte Budgeta an Demand hi a justify emaw justify lo em tihte enpui a tul anih chuan tihpun a R.E. lamahte supplementaryah tih pun tihte, chungte chu an recommend ang tihte ani a. Mahzela, han thut ngaihna hi a awmlo reng reng mai a. Chuvang chuan kan Sorkar hruaitu te'n hei hi mumal zawka a kal theih dan min ngaihtuah puise ka duh hmasa a.

Sangha lamah khan lut ve ila, Fisheries lamah khan kan ngaihthla tam hle tawh a, tah hian rawtna thenkhat han siam ve ka duh a. Nichina kan ngaihthlak tawh ang khan kan 'dil' hi kum khata vawikhat sek tur angin kan ruahman a. Kum tluana man theih tura kan ruahman hi tih makmawh niin ka hria a. Tin, chulo lehah chuan sangha chi hi thenkhat chuan seed farm kan neih a ngai ani te an ti a, chi supply hi a tam ber chu Cachar atanga lo kalte an ni a, tlem tlem erawhchu Mizoram atang pawhin a awm ve ani. Amaherawhchu, Cachar atanga lo kalte pawh hi a then chu, "Sangkhat ani an ti" a, an fun a, tah chuan an han chhian chuan a te si a, chhian a har a, zanga zaruk lkte ani a, a tling lo te a awmfo ani tih min hrih thin ani. A chhan chu kan awm tamna ram Bilkhawthlir khu sangha dil tamna lai ani a. Chuvangin a chi siamna kan neih mai bakah a chi kha kan pe dik em tihte, tin, a quality kha a tlangpuiin a te fo mai ani. Chuvang chuan, a mit keu chungchang lulawk birber hi ani a, a dam tha duhlo viau mai a. Zaah sawmriat te hi a thi ani mai awm mang e tihte an ngaihtuah ani. Chuvang chuan a quality te pawh kha control a ngai hlein ka hria. Hei, mizo zingeh hian sangha khawi training tawh tam tak an lo awm a. Chungte pawh chu a seed sangha kan tih mai, chi siam tur hian thlang te mai ila, chumite chuanin tha deuhin siam sela, puitling deuh i ti mai ang, lian deuh dam thei ngei tur kha supply turin Department khan khatiang zawng khan hma la thei sela a tha hle-in ka ring a.

Tin, thil pakhat, sangha dil siamtu ten harsatna an tawh fo chu an tuikhuah te furah a lo tha tawh lova. A lo seh chang a tam fo mai ani. Chuvang chuan an kum khat hnathawh kha a hoh der chang a awm a.

Hei, thlaite, bawngpuite pawh a insure theih si a. Sangha Dilte hi insure ve theih dante hi ngaihtuah nita sela, a tha viau mai awm mang e, tih kha ka ngaihtuahnaah a awm a, chu chu Department leh kan Minister ten min lo chhinchhiah sak thei sela, a tha hlein ka ring a. Khang rawtna tha tak tek awma pawh kha, a lehlemah chuan tute nge tipuitling ang tih kan en chuan hei, Fishery Deptt. hi kum engemawzat chu a lo ding ve tawh nain vawiin ni thlengin Deptt. Head puitling pawh la nei lo, niin ka lo hria a. Hengte hi thil tak tak titur chuan Director puitling te pawh han nei ve sela, a tha viauvin ka ring a. Chulamah chuan kan Sorkar hian engtinngge hma a lak ka hre lo na a tuna Jt. Director hi kai tur ani ang nge, midang nge, engnge chu ka hre lo. Amaherawhchu, Director puitling te hi a hma thei ang berin nei sela, mumal takin hna an thawh theih ka ring ani.

Tin, thlirna tlang hi a inang lova, LAD chungchang thua V/C te dissolve phawk phawk angin thenkhatin an ngaih lain Bilkhawthlir Bial chuan'kan Sorkar hi a va zaidam em em ve mawle', an ti ani. Bilkhawthlir bialah khuan V/C 12 an awm a. Village Council 12 an awm a, Vawiin thleng hian pakhatmah dissolve ala awm lo. Mahse, ka hriat ve chin leh hriat lohah te pawh V/C tin deuh thaw mai khu hekna a lo lut a, chu chu dan ang hian an han enfiah ve a, dan ang tak hian kan Sorkar hotute hian an kelpui anih hi mawle ! ka ti a. Hmundangah hian engzatnge annih chu ka hre lova, amaherawhchu, thawhlawm thawh chungchangah pawh hian 10 ah 1 te hi chu a awm tawh viau niawm takah a ngaih theih ve deuhva. Tunah hian ka hriat dan a soal loh chuan kan V/C sawma pakhat te hi an la dissolve em ni aw tih ka ngaihtuah a. Kan Sorkar hi a ngilnei letling hle in ka hria a ni. Amaherawhchu, V/C te dinhmun erawh hi chu siam that a tul hle ani. Hmanah Mc Donald Hill a Assembly House a awm lai khan kan Minister zahawm tak, Pu Lalrinchhana private resolution ngei hi V/C te dinhmun siam that chungchangah put luh a ni a, House pawhin a pawm a. Mahse kha kha tun thlengin tihpuitlin loh a la niin ka hria a. Khangte pawh kha kan Sorkar hian ngaihtuahna nei sela, kan V/C te thuneihnate, an dinhmun leh remuneration te, khang zawng zawng kha tih that a tul hle in ka hria.

Tin, chumi rual rual chuan hei Aizawl khawpuihte hi chuan V/C kan la nei a, ka Member pui zahawm tak tak ten an sawi tawh ang leh mipui tam ber duhdan ni awm taka lo lang ta chu V/C kan kham khawp ta lova, 'Municipal body' engemaw chu kan ngai tawh tih hi an rawn sawi tawh a, keipawhin awm ka ti hle in ka support em em ani. Amaherawhchu, thil pakhat, inthlan dawn apiang hian Political Party te hian kan ti ang an han ti deuh thin a, Power han sah hek hi kan lo ui deuh thin emaw ni, a hlamzuih leh thin a. Tun tumah hian hetianga MNF leh MPC Sorkar mipuiin an lo siam takah chuan hemi kawngah hian min pen pui thei turah ka ngai a. Chumi tur chuan ngenna pawh ka siam duh ani.

Tin, P.W.D chungchang kan sawi hian kan inthlau lutuk deuh hlek a, kan Member pui zahawmtak Pu Auva sawi ang deuh khan Thingtlang lam chuanin 'resurfacing' tih lampang kha chu kan sawi ve pha lo reng reng a, a widening lampang pawh kha kan sawi pha mang lova, khawngaih takin a Fur a Thal a kal theihna kawng hi tlang ve sela kan duhna leh ngen ngawih ngawihna ani a. Chuti chung chuan hei pawisa indaih a har em em mai tih chu a hriat reng mai a. Nichinah pawh kan ngaihthlak tawh ang knan P.W.D ah pawisa hi nikuma revised estimate ai chuan kumina Dem-and lo lang chhuak a hi Nuai 1400 vel zetin a tlem nghe nghe ani. Amah-erawhchu, kawngtha hi hmasawna bul ani tih hi tuman kan hai lova, chuvangin, kawngtha kan mamawh a, kan sawi kur dup dup hlawm mai a. Thenkhat phei kha chuanin han pehhel deuhna a, in sawi thiam em em hlawm mai si a, kei chuan tihian kan luhchilh ve ringawt mai ang e. Economic road an tihte a awm thei ta a, Kolasib atanga Saihapui kaltlanga Buhchangphai phei khu leilet awmna ani a, sangha dil pawh a zabi fe in a awm a, chumai bakah siamtu ina melsawmna min vur Balu tha em em mai a awm bawk a. Chu chu Jatinga Balu kan tihte Bagha Balu kan tihte aian a chhe chuang reng reng lo; khu kan ram hausakna, leilung hausakna kan hai chhuahtheihna hmun ani a, khutah khuan kawngtha, Fura Thala kal theihna tur awmse tih hi hman atangin rawtna a lo awm tawh tain ani. Mahsela, pawisa indaihlohna vang bawk hianin duhangin a tih theih lova, kuminah hian Km 14 siamna turin cheng Nuai 34 vel chu han dah chhin niawm takin ka lo hria a, lawmawm ka ti hle, chutih rual rualin economic road nimai lovin Political road a nihna lai pawh a awm a, Buhchang atangin Phaisenah Hailakandi ah hauh ruk sa, khulaih khuan phai hmun hla zawk te pawh dawr theihna tur kawng a awm bawk a. Chuvangin, khulai khu a pawimawh em em ani tih kan hotute hian min hriat nawn sak leh sela ka duh a. Budget Revised Estimate ah nikum aia a tlem rual hian, hei basic requirement-needs programme hnuai-ahthe pawisa hmuhbelh kan in beisei a.

Chutih rual chuan kan Chief Minister thahnem ngaihna zar leh a rem hriatna zarah kum tin crore 50 neihbelh tur kan neih pawh hi, kawng siam nan, mipuite tan hian engemaw zat hi chu dah nise tih hi ka rawn ngen sakna a ni ve a. A resurfacing leh widening leh a black-topping la kai pha ve lo mah ila, motor lian kal ve theihna turah hian, khawngaihtakin ngaih pawimawh min hlawh tir zual teh sela tih hi kan ngen duh a. Pu Dy. Speaker, heng Demand kan sawi 42, 54, 19, 28, 29, 38 a vai chuan kan sawi seng lo ani mai a. Hengte hi House hian kan pass pui ngei ka beisei a, ka rawn sawi ani e. Ka lawm e.

PU C.LALRINSANGA

: Pu Speaker, ka lawm e. Vawiin niah vanneihthlak takin Vote on Account ngai lovin, Budget

....117/-

pum Demand sawiho theihna kan nei hi a lawmawm hle in ka hria a. Vawiina kan sawi hi Minister portfolio chan hnih chauh ani na a, sawi arh tur a tam hle a. Thawnthu ang zawng pawha sawi tur a tam hle in ka hria a. Amaherawhchu, hunte a chep chho zel mai si a. A tawi zawnga sawi tum ta ila a tha awm e. A Demand-wise hian sawi tum ta ila.

Pakhatnaah chuan Demand No. 42

na Cooperation kha han tarlan ka duh a. Cooperation hi mi harsa, thingtlang te, chhawmdawlna atana hna pawimawh tak ani tih kan sawi tawh a, khalam hawi zawng khan sawi tur thui tak awm mahsela, a Cooperation huam chhunga Deptt. peng pakhat LPG lai bik hi han sawilan duh ka nei a. Hei Aizawl khawpui hi Gas mamawhin kan phi nasa hle mai a. Gas bur intlarte kan hmu thui em em bawk thin a. Hei hi engnge a vang leh a chhan tih keima mimal ang pawhin thuneitu leh a mawhphurtute zawhna ka nei a. Ka hmuhdan chu LPG section bikah hian an sale-proceed an pawisa hralh chhuah, Gas man kha section dang nen hmun khata chhungkhawmin Gas section bik tana rawn chhuak leh tura kha chuti maia pawisa inpek theih loh hunte a lo awm a, Demand draft hun bi nei a siam renga lo tul bawk nen. Gas Demand draft irregular a an siamna khan LPG, fill cylinder pawh khawpkham kan neihloh fona chhan ber ani tih thawktu lam report dan ani. Tun Sorkar tharah hian a Deptt. changtu Minister pawh thahnem ngai takin leh a theihtawp chhuah turin hma a la chho mek a. Hei hi chu kan phuisui chho zel turah pawh ngai ta ila tha in ka ring a. Tichuan, Demand No. 54-na P.W.D ah khan lo chuangkai leh ta ila. Hei chawhma lam khan furnishing kha kan sawi a. Furnishingah hian sawi eng eng emaw a awm a. Tun tumah hian furnishing chungchangah question Mark lian pui puite pawh a awm thin ani. Amaherawhchu, kha kan han ngaithla a. Furnishing chungchang chu kha kha a lo ni ta mai a. Engpawh nisela, furnishing kan han sawi rual hian tun din-hmun nilo, 1998 hma lama furnishing Minister Bangalow luah nilo, furnishing si ate property peka te kha Deptt. property a la ni reng em? A la ni reng anih chuan lakkhawm ani em? Engtinge chhuizuina a awm em tih a kha kan Minister zahawm tak khan min lo hriatpui sela. Nekinah wind up ah rawn sawi-fiah theih nise, a tha hle in ka ring a.

Le, hei P.W.D ah hianin Demand

a pawisa kan neiha chu Rs. 82 crore chuang ani a. Tia, han ngaih mai chuan a tam el awl hle mai a. Amaherawhchu, a la tam tawk lo ni a ka rinna chu hei, ka biala Haulawng to Pangzawl inkara kawng pawimawh em em mai hi a la tel pha tlat lo mai a. Chuvangin, a la tam tawk lo deuhah kan ngai a.

Engpawh nise, hei hi chu ad-

ditional ahte pawh kan la khung thei turah ngai ta ila, tih a kha he House zahawm tak hian min hriatpui se ka duh a. Chuan P.W.D hmalakna kawng hrang hrang sawi tur tam tak a awm a. Amaherawhchu, kan sawi vek seng lova, chu chu ka sawi duh chin ni mai sela.

Hei Demand No. 19 na L.A.D chungchang thuah pawh hian sawi tur tam tak awm mahsela, hemi a normal work L.A.D tender kan han tihte te ang chite hi sawi tur tam tak a awm nain sawi ngai loveh lo ruat leh ta ila. Demand No. 28 na Housing chungchangah khan han sawi kai ve leh hlek ka duh a. Hei tunlain HBA (LIC) kan dil mek a, thlaruk Sorkar na a kal chhung hian, thlaruk/thlasarih kumkhat ang pawn han chhut ta ila, hemi chhung hian HBA (LIC) hi vawihnih lai sem theih tur niin a lang a. Hei tunlain Sorkar hnathawk ten an dil char char hlawm a. Hei hi thil lawmawm tak pawh niin ka hria a. Amarewh chu, Corporate body ti mai ang Corporation ahte mawhphurhna kan han la a, Corporate body ho tan hian he HBA (LIC) hi phalsak ni velo anga hriatna ka nei a.

Tin, anmahni kan naute ngei pawhin an han tum sasawi teh thin a, mahse engemaw remchan lohna la awm rih niin ka hria a. Engpawh nisela, nichina kan ngaihthlak tawh ang khan anni ho powh hi parent Deptt. nei an nih angin an hlawh hi Sorkarin a pe thova, heng facility te hi Sorkar hian min ngaih pawimawh sak sela kan duh hle ani tih kan tarlang duh a. Tin, chumi rualin hei HBA (LIC) bakan Housing loan te kan han pe chhuak a. Hei tumnih dawn Housing loan nen phei chuan engemaw zah in Housing loan hi tun kumkhat chhung hian an hmu dawn hrim hrim ani. Amaherawhchu, cement work a sa thei tam tak an awm lain sa thei lo tam tak pawh an awm bawk a. Chulaiah chuan harsatna, a thingzai hman tur chungchangah kan nei chho niin report ka dawng a. Hemi ah pawh hian lehlamah chuan In tha tak nei ve duh pawhin thingzai khuahkhirh avanga harsatna sut kian hna vawiina he House zahawmtak a Legislator kalkhawmte hian kan neih a pawimawhin ka hria.

Tin, Demand No. 29 Urban Development chungchangah khan han tuihnih velehi zawk duh ka nei a. Municipal Board pawimawhna te kan hria a. Aizawl pawh hi khua a lo thang chho zel a, Insak chungchangah te leh kawng kal dan thu ahte a tirah Plan fel, mumal tak ruahmanna a awm loh avangin Aizawl khawpui pawh kan tawt chho ta hle mai hi a paw em em ani. Amaherawhchu, ka tih theih chin la awm ang atang tal a ke kan pen pawh hi kan tih tur ani dawn lawm ni? tih laia hi pawimawh hle in ka hria. Chuvangin, hemi, Town enkawlna hi tun aia changtlung zawka kan kalpui chhoh theihna turin ngaihpawimawh chhoh tul hle in ka hre bawk a.

Tin, a tewp berah chuan Fisheries Deptt. ah khan suggestion ka'n siam ve duh a. Sangha Dil kan nei hlawm a, kan sangha Dil neih dan hi fuh lo deuhin ka hria a, a chhan chu kawrte emaw kan han khuap mawp mai a, tui a lo lian a, tuihawkin an sah leh a, sangha tam tak len bovin, sum tamtak senga an lo ruahmanna pawh kha a chhe leh mai thin a. Hemi chungchangah hian Department-te pawh hian uluk taka duanpui a enpui, ruahmanna fel zawk an neih hi a pawimawh hle in ka hria.

Tin, a pahrihnaah chuan nichina kan ngaihthlak tak ang khaan a reproduction a sangha chi chhuah zawnga hmslakna hi tun Budget ah pawh hian Budget provision a awm niin ka hria a, a lawmawm hle a. Helam an hian hma chak zawka kan lak a hmundang atanga kan lakluh hi titawp thei khawp a, Department hian tan a lak a angai hle ani.

Tin, a pathumnaah chuan hei sangha kan han man a, sangha Dilte kan han thekanga, sangha a awm ang angte kan man a, a dahthatna cold storage (ice plant) ruahmanna fel tak kan neilo nge ni sangha khawi tamtak ten harsatnaan tawh chhova, hemi kawngah pawh hian tuntumah hian enganginng, Deptt. in hma a lak zel dawn ka hre lova. Sangha vawnthatna atan cold storage pawh hi tunai a changtlung zawka ruahmanna kan neih theih hi a pawimawh hle ani. Awle, sawitur tam tak a awm a, hun a tlem si a, chuti chin chu ka sawi theih ni mai sela, Pu Speaker, ka lawm e.

DEPUTY SPEAKER : Awle, tunah chuan Pu Zakhu i lo ko ang.

PU ZAKHU HLYCHHO : Pu Dy. Speaker, Ka lawm e. Hei tuntuma kan Budget sawiho tur hi sawidan tur pawh thiam har hle in ka hria a. Hmanni kan Chief Minister zahawm takin a Budget chungchang rawn sawifiahna a nei a. Hemi Budget thutkhawm hmasa ah kan Governor zahawmtakin Sor- kar hmalakna turte a hawnniah khan a sawi tawh a, kan Chief Minister zahawm tak hian Budget present lain a sawi leh bawh a. Tichuan hei, Pu Dy. Speaker, kan Governor thusawi zahawm tak leh kan Chief Minister zahawmtak thusawi hi a inkalh tlat mai a. Chuvangin, tu thu hi nge lal zawk ang tih hi hriat a harsa ang reng viauin ka hria ani. Kan Governor chuan "heng P.W.D te hi High Priority kan pe ang" a ti a. Chief Minister ve thung chuan, "Top Priority chu Social reform te hi ani ang a ti daih mai a. P.W.D kha a lang ta mang reng reng lova. Chuvangin, sawi thiam a har riauvin ka hria a. Engpawh nise, hei kan hotuten a chawm sain min rawn chhawp bawh a. Kan lo sawi kawi anih pawhin min hriatthiam ka ngen hmasa ani.

A hmasaa kan sawi duh chu Pu Speaker, India ramah kan awm a. India Danin min huam a, tichuan chu Dan chuan State inrelbawldan min relsak vek a. Chumi chhungah chuan inrelbawldan kan nei vek ani. 1972 atang khan U.T. kan nei a. 1987 ah State ah kan chhova. Sor- kar hrang hrang a lo piang tawh a. Ka hmuh dan chuan he

Sorkar tluk a, Dan leh dun pawisa lo hi a awm thei dawn em ni aw ka ti. Vawiina he Demand kan sawi tur hpawh hi, Pu Speaker, kan Danah chuan Demand sawi hma in subject committee ah sawi hmasak tur niin a lang a. Tichuan chu Sub-Committee chuanin, karli aia rei lovah, Demands for Grants endik chu a zo vek tur ani" tih ani. Mahse, Subject Committee koh a awm ta reng reng lova, vawiina, Demand kan lut nghal mai hi a mak ang reng hle a. Chuvangin, Dan hi kan pawisa lo lutuk ani lo maw ? kan duh lai Dan hi kan ngai pawimawh a, keimahni tana hnawk deuh tura kan palzut leh mai ani lo maw ? tih hi ka sawi hmasa duh ani. Chutih rual chuan Pu Dy. Speaker, tukin lamah zawhna chhannaah pawh khan kan hmu a. Sorkar hmasa te thil tih dan, P.W.D hnuai tender lova hna pek tam lutuk sawiselna nasa tak a lo awm thin tawh a. Tunah chuan thla 7 lek chhung khan Nuaiza leh sawmsarih paruk chuang tender lova pek ani tih kan Minister zahawmtakin he House ah hian min hrilh ta mai a. Thla sarih lek chhunga Nuai za leh sawmsarih pakua an pe thei anih chuan Kum 5 kum 10 chu han kal ta sela, a va nasa dawn em tih hi a rinzawn theih niin ka hria ani. Pu Dy. Speaker, thil mak ang teng tak pakhat han sewilan ka duh chu, Kawrthah Division-ah khuan tunhnai khan tender siam ve an tum a ni awm a. Tichuan tender siam ve an tum a, an han tar dawn a, an tar hman a hmutu tur a lo awm daih tawh a, a hmutu tur khan a hna chu alo hralh hman a. Chu hna hmutu chu kan Chief Minister zahawm tak adviser chhungte zuk ni a mawle ! Chutianga a ter pawh ter hmaa a hmutu tur awm a, a hmutu tur in alo hralh hman chuan he Sorkar hian engti hawizawngin nge kan ram hi an khelh ang aw, tih hi ngaihtuah tham awmin ka hria.

Chuvangin, kan P.W.D. Minister zahawm tak hi thil tha tih hi a tum hlein ka hria a. Hetiang lamah hian sawisel kai lo tura hma min la laksek hi a tha dawn lawm ni tih kha kan sawi duh a.

Hei, Pu Speaker, Sawrkar hmasa leiba crore 400 chuang an lo ba ani tih he House-ah hian sawilan ani a. Mipui hnenah pawh an puengzar nasa em em a. Then-khatte sawidan phei chuan Treasury bawm ruak chauh min hnutchhiah mai nilovin an sawr fu tawh min kalsan a, han sawr leh chuan tur pawh a awm tawh lo an ti a. Mahse, hmenniah ka han zir Chiang a. Sawrkar hmasa khanin Aizawl Town chhinen hian nuai 313.40 a dah a. Chu chu a hmeng hman lo ani. Pu Speaker, chumi pawisa chuan ani lawm ni Aizawl Town hi an chei ? Vawinah hian he Sawrkar thar Budget hi vawin hi kan sawi vawikhatna ani a. Aizawl Town thal chhunga an enkawlina zawng zawng an zut mamna zawng zawng kha Sawrkar hmasa sum hnutchhiah a ni lo maw ? Chuvangin, thudik hi Zoram mipui hriatah sawi sela tih hi a thain ka hria a ni.

Chulo chu, Pu Dy. Speaker, Sawrkar hmasa khan World Bank atangte in kan ram kawngpui siamthatna tur pawisa rushmanin hma alo la a. World Bank atanga lak tur phei chu Survey Investigation-ah nuai 1,000/- chuang kan hmu dawn tih kha a Chiang tawh a. A pawisa pawh an hmu ta em ka hre chiah lova. Vawiniah helai Budget-ah hian World Bank loan chungchang kha engmah a rawn lang ta lo si a, engnge a

chhan`ni eng aw tih hi hriat a chak awm hlein ka hria a. Pu Speaker, kan Session hmasach khan ken Minister zahawm tak khan World Bank Fund atanga kawng an leih tur te, investigation an siam tur te khe a sawi zut zut si a. Khangte kha a tak tak ani ta lo em ni ? Tuna kan Budget sawiah hian a rawn lan tak loh tih khe kan sawi lang duh a ni.

Tin, Pu Speaker, he Sorkar hi Transparent Government nih an duh hle a, a lawmsawm ka ti. Mizoram hi Christian ram ken nihna engin Sorkar thienghlim, Christian te Sorkar ni awm tak kan din hi ka rilru hian a chak thin a ni. Mahsa, tukin zingah ka zewhna chhennaah khan kan Minister te hian engzat theuh nge Security barrack atan cheng engzat nge an lo lak ? Anih leh Security Fencing atan engzat nge an lo lak tih ka zawt a. Pu Dy.Speaker, a chhan-na chu a nuaih tel la deuh vek anni tlat mai. Tunhna kan Minister in thenkhat ka tlawh ve a, fencing siam mumal pawh ka hre mang lo a ni. Fencing siam lem love la an awm anih ka ring. Anih loh pawhin, barreck sa love la an awm ani eng. A siam a te vek leh chuan an uer thei khawp a. Ita single hi chu ka duh lo, a double ngat lo chu an ti a, Sorkar sum hi an ren lo em hien ka hria a.

Ke zuk sawi duh chu hei hi a ni. Transparent Government kan dth si chuan, an sawi thin ang hian a Minister level atang hian ten sela, tichuan kan Sorkar hi a transparent ang a, mipui pawhin he Sawrkarah hian rinna an rawn ngat ang tih ka ring tlat a. Chumi tur chuan kan Minister zahawm tak hi ka rin evangin ka sawi lang a ni.

Tin, Pu Dy.Speaker, ka sawi leh duh chu kan thiante sawi tawh kan sawichhuak leh hram ang a. He Sawrkar Election Manifesto, Mizoram hmasawn nan rahbi thar a hlangkai tur leh Sorkar kalphung thar mipui Sawrkat siam turin MNF leh MPC chuan thawhho kan remti an ti a. Vawineh hei Demand kan sawi tan chiah a, han en vang vang hian kalphung thar ka hmu lo tlat a ni. Hemi chungchangah hian zawhna pakhat ka siam a. Kalphung thar atan eng ruahmanna nge awm tih ka zawt a, chhan a ni love. Pu Dy.Speaker, vawin a kan hmuh chinah hi chuan kalphung thar ka hmulo a ni. Kalphung thar kan hmulo cheuh ni lovin he Sawrkar hi a ziak lo lamah hian a awm zawk emaw ni chu aw ka ti a. A Budget a chuanglo lamah hian a awm zawk anih chuan ka hre lo a. Chuvangin, engahnge mipuite kalphung thar min tiam a. Chu min tiam ang chuan Budgetah hian an rawn tarlan si loh ? He Sorkar hi mipui Sawrkar ani em tih pawh hi sawi tham awm ka ti. Budget pharh atanga ka endan chuan Pu Dy.Speaker, hei thil mak ang reng tak chu Minister thenkhat ta hi chu nikum lam aiin Budget provision hi a hniam vek mai a. Thankhat lah chu a pung nasa em em lawi si a, mak ka ti khawp mai.

Engpawh nise, ka sawiduh chu hei hi a ni a. Minister panga chanin Minister pakhat chan a phak loh hi. Entirnan - Civil Supplies-ah te chuan nuaih sangli aia tama a pun lain, thenkhat-ah chuan a tla hniam bewk si a. A bu ngai chu an copy lo ni awm takin ka ngai deuh a ni. Chuvangin, he Sorkar hi a budget rawn siandan

atang hrim hrim pawh hian a fuh lo ani lo maw ka ti a.

Tin, kan Aizawl khawpui kawngpui kan zut dan hi a pharisai lutukin ka hria a, helai Bawngkawn atanga Kulikawn inkar mipui hmuh tam theihna lai hi kan zut mam hluai a, hmundang Zotlang piahachte khuan zu kal teh u, zut tawh hnuhma pawh hmuh tur awm lo khawpin a chhia a ni. Chuvangin, a pharisai lutuk lo maw. Kan hotupa hi tih kha karawn sawi tel duh bawk a.

Tin, Pu Dy. Speaker, a dawt leha ka sawi duh chu hei kan Fisheries lamah hian pakhat te han sawi ila. Sorkar hmasa Budget hnuhnung berah khan kan Opposition Leader, vawiina kan House Leader ni ta hian he House ah ngei hian rawtna a siam a, Fisheries Deptt. ah hian Chakai farmte siam ila a ti a. Tunah hian rawtna kan hmu leh tawh mang si lova, a thutna a zir hian kan sawi hi a danglam mai ani lo maw tih hi kan sawilang duh ani. Chuvangin, thil hi a practical a kan kal hi a tha in ka hria a. Tin, L.A.D Minister zahawm tak kha lawmthu kan hrih ve duh a, kan thian ten an sawi takna in, hei M.L.A quota te min han pe ve a, a lawmawm hle in ka hria a.

Hei hmanni khan Chanchinbu pakhat ka lo chhiar kha an ziak diklo nge ka hre lova, kan LAD Minister in bawlhhlawh paihna hmun a zawng a rawn ti a. Ka rilruin kan Minister ho hi an va hah dawn em, anmahniin thawh-zawh vek an tum anih dawn hi ka lo ti a. Hetianga an taima dawn anih chuan Aizawl Veng hrang hranga culvert bawlhhlawhin a hnawkhah vekte tuihawk luang thei lova awmte hi tuktinin min vilkual saka min han paihsak sela tih hi a chakawm hlein ka hria a, ka han ngen duh bawk ani. Tin, LAD a ka sawi leh duh chu Pu Dy. Speaker, Sorkar hmasa khan District hrang hrang-ah Market siamna Master Plan siam ani a, chu chu engemaw chen a kal tawh a, kha kha vawiinah hian eng nge a dinhmun, District hrang hranga Market Centre siamna tur Master Plan kha tih ka zawt duh a. Tin, LAD hnuaia hnasem hi tender an ko ve si a, a chhanglo ten an hmuh leh zawk si. Hei hi chu sim a tha in ka hria. Sawitur a tam hle a, ka sawizo hman lo, Ka lawm e.

PU K.VANLALAUVA

: A department-in tan an la chhoin a khaituin Co-operation Mizoram ina alo mamawh dan leh alo tangkai tur zia an manchhuak dawn

ni pawhin a lang a. He Co-operation hi khawpuiah chuanin kan tangkaipui lo deuh pawh a ni ang. Mahse thingtlang lam atan chuan hei hi kan hman thiam phawtchuanin mirethei a pawl pawla chawikanna, tin thil man tlawm zawka leina a ni tih kan hmu-chiang em em a. Chuvangin kan pawisa han ruahman erawh hi chu tlemin a tangkai dan ngaihtuahin a tlem ka ti deuh a. Nikum lam aiin tlem chuan an belh hret nang a, scheme lian tham kalpuina tham a nilo deuhin ka hria a. Engpawh nisela co-operation chi hrang hrangtenau neuh neuh te an vaiin sawi kher lo ila, hei hi he department changtu theuh ten a khaitu Minister te nena rangruala hma a n lak chuan thingtlang hian an lawmna athlen ang tih hi ka ring tak meuh meuh a. Chuvangin, tunhma te chu tunhmain kal sela, a fello lai pawh a awm a niang, amaherawh chu khang zawng zawng theihngihlin a mar thei ang ber leh a chak thei ang bera Aizawl mitena kan duh ang tawka loan chungchang thua te, Apex Bank lam atang emaw keini thingtlang lamin kan tih theih te hi a tlem tham tehluul nen, tun aia tam leh chak zawka min pek theih dan kawng pawh hawng turin hma an lak hmelin ka hria a. Hei hi chu ka support hle a ni tih kha number pakhatan han nei ta ila. Demand 19-na Local Administration Department rau rauah hemi Local Administration chauh hi sawi ka duh a. A chhan chu keini Zokhaw lam tan chuanin kan sum hmuhna awm ve chhun a ni a, an phur hlur a ni ber mai a. Ka sawifo thina hun hmasa lam zawngah khan Land Use te hi kan sawisel thin a, sawisel awm tak pawh a nihna lai pawh a awm ang. Amaherawh chu, Zokhaw lama mi tena kan sum hmuh ve theihna awmchhun tha deuh mai a lo ni a. Kan policy ang khan a hlawhtling chiah lo anih pawhin a sum hmuh ve hrim hrim kha Ruling lemlo kan pawha malsawmna chi khat anih vena laiah hian, kei tha ka ti ve leh ang reng lawi hian, kei tha ka ti ve leh ang reng lawi a. Amaherawh chu, Sorkar anih takah chuanin policy a lo ni a. Policy anga a kal loh chuan a fail chu a ni mai lawi si a. Chutah erawh chuanin harsatna a awm deuh anih ka ring a. Chuvangin Local Administration hovin Demand 19-naa an rawn sawiah te hianin hun hmasa lam aiin pawisa an han dah tlem hauh erawh hi chu tlemin zokhaw lam kan zam deuh a ni. Kan step te, an tangkai ve tehluul nen, tuihawk luankawr te min siam sak thin ber tu an ni a, kan phur ve tehluul nen, pawisa an han ti tlem hlah mai hi chu zokhua amite kan tahna a tisei ang tih kan hlau a ni.

A tawp ber atan chuan Pu Deputy Speaker, demand no 54 na, kan hmaah khan hei hi an sawi teuh tawh a. Ka hmaa Lungpho bialtu zahawm takin Khawbung Constituency atanga a rawn sawi a, Serchhip lam thleng rawiha a rawn sawi kha full support ka pe a ni. Inthlan result chhuah zana a tlingte interview kha kan mitthlain a la hmu em aw? Khatah khan thlantlin thar zawng zawng 98% in an sawi kha he thlan tlin ka nihna bialah hian kawngpui kan mamawh a an ti theuh a ni. An kawngpui mamawh thu an sawi theuh a ni tih kan thlirlet chuan kan hmoin ka ring a. Chu chuan PWD-ah hian zalenna sang tak kan pe a ni tih a tilang reng a. Chutih laia zalenna zau tak kan pek lai chuan Rs.82 crore 67 lakhs leh sang 61 kan dah a. A thu chuan a tam hmel khawp

mai. Anaherawh chu MLA zahawm tak tena anmahni an rawn in commit ang erawh chu he PWD hian a phur chhuak zo lovang tih ka hlau a ni. Tunah pawh hian engtingenge an han Sorkar dawt a, reiloteah, thla 2/3 lekah Aizawl khawpui chhung motor tha nei leh neilo kan insawh dawt dawtna karah a dum a dum zuar khawpa an han ti hman hi chu a mak ka ti viau va.

Nichina a member zahawm takin a rawn sawi kha ka hre reng a. Pawisa a lo remchang hlah va, hei hi Sorkar hmasain a hman hmanloh deuh kha a ni a, kang te kha a vandeih thlak viau zel a. hmang hman hlah phei se chuan a thatleh zual dawn tehlu nep! Chuvangin tunhmaa kan hmuh ngai loh side draimawi tak tak, motor khalh thiam manglo tepawh han tla palh sela, ke tang lo tur khan insiam thiam tlat a. Hengte pawh hi kei chu design tharah ka ngai mai a, a ropui ka ti khawp mai. Chuvangin hnathawh reng rengah hian-in, pawisa a tlem ang a hmang thiam hi estimate thiam, rem ruat dan thiam economic thiam tihna a ni zel mai a, pawisa hman tlem dan ngaihtuah a, Aizawl khawpui chhung chauh tal an duh ang a an cover zolo erawh hi chu sawi ngai lovah ngai ta ila, an han siam hrim hrim erawh hi chu kei fakawm ka ti reng reng a, He Department ah changlo pawh hian sawisel tum chuan sawisel tur hi a awm zel a. Keima mimal ngaihndan tak chuanin Pu Deputy Speaker, he kan budget thar tur hi chuanin ruling party, te bial chauh hi thlir lo sela, mipui thlan-tlin te hianin an bialte mawi nan, an politic kalzel atan pawh tha leh mawi an duh ve a, hengah tepawh hian a theih angtawk a rual khaia han siamte hi Y.M.A. in ka hria a. Chuvangin, Mizorama organisation lian ber Y.M.A. G.S. kum sawm chuang lai mai thawk tuin he Department hi an khai a ni a. Chuvangin ruling party chauh lote hi han hma duai duai mai sela. Hei hian mipuite sorkar anih zia a tilang ang tih ka ring a. Hei hi kan tarlang duh kher a. Chung han ti tur chuan he pawisa hi a beitham deuh ka ti a. Tlemin manganna deuh ka nei, P.W.D. hian R.D. fund-in inspection Bunglow an s-a zauh zauh a. A tawp a hmawr bawknaah hian an bhai tlat mai a. He in hi tunge enkawl zui zel ang aw tih hi erawh chu ka zawt a. Enkawltu awm lova he in ruak hi a awm regg mai chuanin hlah-thawna deuh hlek ka nei. Pu Deputy Speaker, he thilah hian harsatna ka neih kan Miniter zahawm takin a hriat ka ring a.

A tawp berah chuan, Rural Development Minister-in July, 1, 1999 khan khawchhak kil, Zawlsei to Khuangthing 9Km kawng tha tak a hawng a. Thallai phei kha chuan kan transport Minister a hmun ngeiah han kalin a tha em mai tiin MST Bus te pawha tlan tir zur zur a. Chuti khawpa kawng tha Mipuiten cheng nuai tlemte, Nuai 13 lek sengin an lai tlang a. Khi khi erawh chu enkawltu he department lian tak hianin a rawn ruat vat a thain ka hria a. Chuti lo chuan-in khi kawng tha tak leh mawi tak Bus service tawhna khi enkawltu awm lovin a tling leh ang tih ka hlau va. He PWD hian-in he kawng tawite tha si a rawn hma tel chuanin mipui an lawm dawn emin ka hria a ni. Chu chu Pu Deputy Speaker, ka sawi ni rawh se.

DEPUTY SPEAKER : Awle, tunah Pu F.Lalthanzuala, chumi zawhah chuan aw Nihara a la awm maw ? Aw, Pu F.Lalthanzuala han sawi teh le.

PU F.LALTHANZUALA : Pu Speaker, sawi tam loh ka tumang a. Mahse a sawi lo han nih kha mak deuh niin a lang dawn niin ka hria a. Chuvang chuan kan sawi ve teh ang ka ti deuh a. Ka ngaihtuahna ka rulru a awm thil pahnih khat han, sawi ka duh a. Kan Budget chungchang thu leh kan hman dan chungchang thua kan sawi duh pakhatnaah chuan kang tender hma lo awm te, tender a pek a ni emaw tender lova pek a ni emaw kha ka ngaihtuahnaah a lut thuk vak lova, engtipawh khan nise, Mizo, kan ram ami, kan ram mi kha an pe tho a ni a. A tha khawp a lawm mawle ka ti a. Ngaihpawimawh awm zawk ni a ka hriat a chu a LAD lam leh a PWD lamah pawh khan hna an siam an va thawh dan a kha a pawimawh berin ka hria a ni. Budget hi mi hausa tawh sa te siam lian zawng budget nge, retheite chawikang zawng tihte ngun taka thlir an ni thin a. Chutianga han thlir chuan kan Budget hi budget tha tak a ni chuan ka hria a. Amaherawh chu ngaihtuahna awm tlat zel hi chu, pawisa hi tam pawh nise tamlo pawh nise kha pawisain a fiad a hna a va thawhna hmunah khan hna tha thawh a ni em tih hi kan Minister te leh kan hotu te hianin enngun thin sela thil pawimawh ber niin ka hria a. A pawisa tama engemawti mai mai kalral tam ringawt kha a awm a. Pawisa tlem mahse uluk taka hman a, hna tam tak thawh theih dan a awm bawk a. Hnam reng teng hi a ropui dawn chuan a rinawm tura ni. Dikna te hi an ngaina tur a ni. Khawvela hnam ropui kan hriat German te emaw America tepawh Japan te pawh hnam rinawm an ni a. Chutah chuan Sorkarin hna kan siam a, an tha-wh dan kan en chungchang thua hian, mipui te hna rinawmna zirtir tu nge kan nih a rinawmlohna zirtirtu tih kha a awm a ni. Mizoramah hian hlawk kan tumdan hi a sang em em mai a. Hlawk lo kan tihte pawh hi hlawk tak hlir a ni a, state dangte ngaihtuah chuan, kan rilru ah hian tlem te thawha tam deuh lak tumna rilru hian mi a luah hneh hle a. Chuvang chuanin kan hna pawh hi a tha lova.

Hei hmanni lawkah khan han ti ta ila, Sawhthing market chungchangah Bombay, Delhi te kan zuk kal a. Khawthlang khawpui Bombay-ah chuan Sawhthing leitupa tenena kan inkawmnaah a thil lo sawi pakhat chu ramdang atanga a Sawhthing lo kal aiin Mizoram atanga Sawhthing lo kal chu a bawlhhlawh bik a ti a ni. Kha kha engtinge kan tihreh ang ? tih kha kei ka ngaihpawimawh em em chu a ni a. Budget hi a heti zawng deuha tih kha chu secondary a ni. Khami khan hna an thawh a, kan ram Mizo nuna rinawmna tih zawnga hna hi kan siam a, kan endik hi a ngai a.

Hmanni Hnahthiala ka va kal chuan Tuikhur pakhat hi an lo siam a. Rs.5000/- an pe a, a tuikhur chu hetiang tiat emaw hi a ni a, a thuk zawng chu hetiang vel hi a ni a, tah chuan Sangnga a kal a. Hetiang tiat lek, hetiang tiat vela lian
.....126/-

chu engtia rei Daih nge ni ang ? Hna reng reng a execute-naa kan fet loh chuan kan hnam hi kan intichhe dawn a ni. Kan hnam hi pawisa tlem avangin kan chhe dawn lo. Mizoram hi pawisa tlem avangin kan chhe dawn lo kan rinawm loh avangin, dikna kan ngaih pawimawh loh avangin kan chhe dawn zawk a ni. Chuvang chuan hna kan thawh zawng zawngah te khan kan Minister zahawm takte ngen ve ka duhna chu fet takin hna hi endik sela, thawh dan turin an thawk em ? a tha em ? bumha a tam em ? tih kha enngun sela a pawimawh. Chutiang anih loh chuan a lang thei, a physical-ah hian hmasawn anga kan lan lain rilru lamah chhiatna a lo awm ang a, nakinah chu chu kan tuar tho tho ang.

Tin, keima mimal rindan takin Mizor hi Pathian hian engemawti tak hianmin thlangin ka hria a, keimahni nungchang leh ze hrang hrang han en hian chanchintha hrilh darhna zel atan te hian, Pathian hian engemawti takin special position min pe in ka hria a. A hnamah chuan Mizo nia inchhal tawh reng reng Isua Krista ringlo pawh awmlo khawp kan ni a, hetiang hi hnam dangah pawh an awmlo reng reng a ni. Chanchin tha hrilh darhna kawngah tepawh hma kan lakna ah hian. Khawvelah hnam fing tak tak Technology lamah leh Science lamahte hnam fing tak tak awm mahsela. Chanchin Tha a kan fehchhuahnaah hian khawvel hnam hi tluklo kan neilo. Chutichuan Pathianin min dah a. Chutiang chu kan nih lain hemi alang thei ringawt mai hi hmasawna kan ti a, a lang theilo lamah chhiatna hlep rukna tepawh a pun zel a, dik taka hnathawhna te a kian zel si chuan, nakinah zawlnei ho tawngkam ang hi kan ramah hian thleng theiah kei chuan ka ngai tlat a ni. Chutah chuan hemi kan Budget Demand kan siam kan hmanchhuahna thleng pawh hian, a pawimawh lai ber zawka chu a hnathawhdan dika hi i ngaipawimawh ang u tih a kha kan sawi duh a.

Tin, keima bialah khan han lut ve ta ila, P.W.D. ah Minister te chungah lawmthu han sawi tur atam khawp a. Anaherawh chu ngenna kan siam leh duh a chu, Tuichang lei saw kan nghakhlel em em a, hei tunah khua a lo fur a, thal laia Buhfai phurh tur tih kha an phur hman lova, tumah hian Tarpho kudamah Buhfai bag khat pawh dah a la nilo. Ka bial chhunga Quata lak tur neilo engemaw zat an awm ta. Ka rilru hi a hreawm em em mai a ni tih ngaihna dang a awm silova. Chuvang chuan Tuichang lei hi kum 2000 a fur lo thlen leh hma ngei ngei hian min zawhsak turin ka ngen nawn leh duh a. Chu chu pakhatna nisela. Tin, khitah khawthlir kham khi hun rei tawh tak atang khanin Motor lian kal theih loh a ni a, a piahakhaw pawimawh tak a awm a, khimi khi Motor lian kaltheih anih hma loh chuan hmasawna leh thil lian tak tak awmthei tur a ni lo. Chungte chu min lo ngaihtuah sak sela kha kha kan duh a. Pakhata kan sawi leh duh a chu ka bial, Hnathial bial saw mak tak a ni a. Nichina kan thianten an sawi tawh ang khan kawng hi chhim leh hmar zawng vek a kal anih avangin Hnathial atanga Thingsai inkar kawng ang avang zawnga khawchhak leh khawthlang zawnga kal kha a la tlang lova, tun thleng hian hemi chungchang thuah a chang chuan keimahni khuate pawhin buaina kan han siam thin laite a awm a, kang vangte khan hnate a khawtlai thin a, mahse, tunah chuan chutiang chu a awm tawh lova. Khami anih avang khan kan bial khaw thenkhat tlawh tur

chuan Sarchhip bialte, N. Vanlaiphai bialte hetah Vanva bialte bial thumlai kaltlanga Hnahthial atanga Aizawl kal chen zet te a ni thin a. Chumi atan chuan harsatna nasa tak awm, han tih kiana awlsam tak awm chu khawhri atang khianin Maicham Project II an tih Motor kaltheiha an siam Km 5/6 emaw lek te khi Jeep emaw tal kal theia siam sak hi ka ngen a. Kan bial chhung fur laia thliarkar ang maia awm thinte pawh a lo reh deuh ang a.

A tawp berah chuan Hnahthial khua saw tuna Budget Allotment an rawn siamah khan khawchhung kawng tihzauhna chhete chu a awm niawm a ni a. A tlem tham hle mai a. Kan hre theuh a, kawng a zauh loh chuan a pawizia kan hria a ni. Tin, khawpui chhung kawng tizau tur hian hmanhmawh taka tih thuai thuai a ngai a. Tunah pawh sawn han tizau dawn ta ila, mi hmunhma lak tel kha a ngai teuh mai dawn a. Kuminah ti lo ila, nakumah a nasa lehzuai ang a. Tunah chuan Motor lian a lo kal chuan Motor te pawh a dun loh chuan inpelh theih reng reng a ni lova. Sawlai Khawpui thang zelah sawn tihlen thuai thuai anih loh chuan accident te siamna kha a ni dawn a. Chungte chu min ngaihpawimawh sak a. Tuna ruahman lawk niawm ang taka ka hriat thawi aia tamte hi min dahsak turin ka ngen a ni.

Hna reng reng tuna kan rel a, kan sawite pawh hi rinawm tak leh dik taka tih anih theih nan kan hotute hian uluk taka enngun nisela kan ram leh hnam tan thil pawimawh anih ka ring a ni. Ka lawm e.

PU ZAKHU HLYCHHO : (Not clear).....thingpui inna hunte an hawng a. Department neitute hian thingpuite hi an chawi ve thin a ni a. Thingpui inna hun pawh in hawng dawnlo reng reng a. Rilte a va tam tawh si ve!

DEPUTY SPEAKER : In sawi zo deuh vek tawh a. Tunah hian Pu Nihar Kanti Chakma kan sawm ang a. Chumi zawhah Minister kan sawm ang a. A rei vak tawh lo turah ngai ila.

PU N.K.CHAKMA : Pu Deputy Speaker, ka lawm e. In regard to the Demand No.54, here, I would like to draw the attention of the Hon'ble Minister regarding the terrible condition of Rotlang-Chawngte BWD road. If no immediate step is taken, the road will become from bad to worse. At present, MST Buses are plying with a great difficulty. At the same time, Tlabung Borapan-suri road which was constructed by the BRTF since many years. This road is also not properly maintained. I expect Hon'ble Minister i/c PWD will give importance to these roads for the benefit of the people as it is considered the life-line of the people living in these areas.

In regard to Demand No. 42, i.e. Co-operation which is considered, The most important Department. During the British and Assam period, Tlabung was considered third most important town, just next to Aizawl and Lunglei. But now it has lost its position because of its backwardness. Therefore, for the benefit of the people, Apex Bank may be established at Chawngte(L) and Tlabung. At the same time, MIZOFED out station may be established at Tlabung, and I expect that the Hon'ble Minister will give us a special hearing.

In regard to Demand No. 128, i.e. Housing. Here, I would like to convey my thanks to the concerned Minister for giving us 15 quotas of Housing Loan. I hope and request the quota may be increased due to heavy demand.

In regard to Demand No. 19, L.A.D.. It is very sad to say that the V.C.P. have no financial power. Therefore, why not it is my suggestion that let us introduce Panchayati Raj system in Mizoram, so that the Power directly rests with the local people.

In regard to Demand No. 38, in Tlabung there is possibility of developing fisheries surrounding area of Tlabung. I expect the concerned Department will give financial help to the local people. Thank you.

S P E A K E R : Kan sawizo thawkhat tawh a, Minister te woumd up turin kan koh tawh ang. Pu R.Tlanghmingthanga.

PU R.TLANGHMINGTHANGA : Pu Speaker, ka Demand sawihonah ah Member te thahnemngaihna avangin lawmawm ka ti a. Member te sawi hrang hrang kha ka note chhuak kim thawkhatin ka hria a. Kha kha kan kal leh na zel turah pawh hman tangkai theih zel turah ka ngai a. Chuvangin tuna woumd up naah hian a vaiin han sawi dawn ila hun te a rei duh viau dawn a. Kan sawi loh a kha kan ngai pawimawh lo nilovin, kan sawichhuah ni lemlo a kha kan chhinchhiahin, a tangkai theih natur a bawhzui thei turah ngai ila a tha awm e.

Hei Co operation Department leh PWD ah hian, sawitu ten co operation Department-ah chuan suggestion tlem tlem a awm a, tin zawhna tepawh a awm bawk. Kha lai kha han sawi hmasa ila, Member thenkhat ten an rawn sawichhuahah khan thil pakhat, Gas connection chungchangah, Gas connection tur kan neih avangin kan MLA, harsa tak tak te, mipuite tan a harsatna leh kan lawmna tepawh an mahni chungah hian kan bel vek thung a. Chuvang chuan harsa ngaih ngawih leh a mamawh zualte tan a remchang han siamsak theihna tur provision siam ila kan ti a, Right anga claim pawh ni lem lovin, hetiang mi harsa leh mirethei te tan hlei hlei hian connection hi a harsa a. Chuvang chuan connection quota kan han neih hlim, tun hnai, kum tantir vel khan Mizofed atangin tihdan thar ruahman ila kan ti a. Chumiah chuan, "MLA ten

10 zel official-a va tih pawh ni chuang lovin kan hotu mawh-phur tute a tul an tih te hi chu 10 hnenah, out of turn ti mai ila, chutiang deuha an tih theih tur chuan ruahmanna kan la siam ang, kan ti a. Chu chu Mizofed a hotute hnenah kan hrilh a, an ni chuan ruahmanna an han siam a. Kha laiah khan Saiha-ah harsatna an tawh kha pawh kan ti a. Chu chu lo en-zui chi niin ka ring a. Helai ah kan hriat tirin ka hria a, wawin ni thlenga harsatna awm kha lo bawhzui kan tum ang a, harsatna kha sutkian theih turah ngai ila.

Tin, Co-operative Society-ah Raty bialtuin a vei em em, hemi Labour, Co-Operative Union, te hi a tih theih lawm ni ? PWD-a contract tepawh a ni hian thawk chho sela, tichuan a mi mal mala intlansiak lovin, Co-operative Movement tih hmasawna ni bawh sela, hemi atan hian tih dan a awm lawm ni ? tia a rawn sawi kha tih theih a ni a. Tin, kal mek tepawh a awm bawh a. Kha thil kha co-operative federation anga co-operative, Labours Union kan tih turah khan society hrang hrang 15 tal, Primary Co-operative in tel-khawmin tih a ngai a. Kha kha tun hmam khami pawh khan PWD-ah works an hmuh hleih theih vak loh avangin, leh an mah-ni chhungah pawh enggeni phurna leh han tihluh deuhna an tlachham nge ni ? Khamiah khan duh angin hna an thawk ho lovin an hmu hlei thei lova. Chuvang chuan tunah hian a thi deuh vek thaw, chumi han take up tur chu a awm vak lo niin a lang a. Chutihlai thu chu tunah hian tharthawh leh dan leh, PWD leh hnathawhna works neite tan pawh kha Labour Society an awm chuan hna thawh tir kha, without call of tender te pawh tih dan a awm chho thei turah beisei ila, khalai kha tih hmasawna atana tangkai tak member ten an rawt chu niin ka ngai a.

Tin, chulovah chuan I.C.D.P. chungchanga engmah awmlo tih laia kha Pu Nirupam Chakma in a rawn sawi kha, hetah hian hmalakna awm miahlo anga a rawn sawi kha, helai hi hemi movement tih chakna atan hian NCDC atangin hma lak a ni a. Kumli chhunga he project hi tihzawh tura tih a ni a. Aizawl District, Chhimtuipui District te, chutiang chuan hmam hrang hrang hmalak chhoh a ni a. Aizawl District leh Chhimtuipui District chu tunah hian kum thumna hmang zovin a kumlina a in tan chho a, kum li tur a nih kha. December 1999-ah a tawp ang a. Lunglei District erawh chu a kum hnihna thawh tan a ni thung a. Chumi atana ruahmanna hmalak tawh dan chu hetiang hi a ni. Aizawl District-ah Society 172 hnenah cheng nuai 248, sing nga, sangkhat leh zanga pek tawh a ni a. Chhimtuipui District ah Society 53 hnenah Rs. vaibelchhe khat leh nuai 337 leh cheng sawmriat a ni a. Lunglei District Society 44 hnenah cheng nuai 2 singkua sangkua zahnih pek a ni tawh a ni. Kha kha information atan.

Tin, co-operative Society-ah hian state level co-operative society te, tin, District Level Society a ni emaw society hrim hrimah hian kan ram, Mizoram hi, kan miziaah hian society hi kan pianpui, kan neihchhoh hi a that tehluh nen, society kan kalchhoh pui leh kan tanchhoh dan, hman atanga bul lo tanchhoh danah hian a zir tawh lo nge ni, society hi a thang a, a lian a kan chhawr viau emaw tih lai hian, kalzel tlak a ni love, puih ngawr ngawr mai a, Sor-karin a puihna ang zova, tawp mai, tih ang deuh hi a tam viaua.

Mizo miziaah hian society hi kan pianpui, Pathianin min pek, mahnia feh lo, lawm ruai thin, chutiang ang deuh a society, mahni veng chhungah a lian emaw, a te emaw mahni a awm mai lova, independent life ai chuan, thenawnte nena inlawma thawk hova, chhiat leh thatah pawh khatianga kal ho thiam viau kan ni a. Ama herawhchu sum han dehchhuahna tura society han siamchhuah erawh chuan kan tha vak lo emaw tih tur a ni a. Chuvang chuan co-operative Society hi kan theihtawpa hma kan lak chhoh va kan inzirtir chhoh tama pawimawh hle a. Hei kan Sorkarin hmasawmna tur atana ei leh bara intodelhna tur kawngah pawh, kan state level cooperative society a Bank kan neih, MUCO leh Apex Bank tepawh hi chhawr tangkaia, pawnlam atanga tanpuina chi hrang hrang lo awm thei Indiaran chhunga society atanga tanpuina chi hrang hrang lo awm thei tepawh, hemi kaltlang hian mi retheite hnenah loan chi hrang hrang ti thei tura rinchhan berah neih chhoh kan tum a. Chuvang chuan state level society te kan ngai pawimawh a, kan ngaihthah leh rahbeh tumna lam ni lovin an kalphung, bye-law te leh thil chi hrang hrang tepawh enchhoh a, improve zela tih tum a ni a. Mahse chu lam chu ni lovin tihmasawmna tum zawk avang leh kan enghleh leh vei avangin he society chungchangah hian Sorkarin tha zawk tura ngaihthah chho mek a ni a. Chutiang chuan co-operative ah chuan sawi tur tam tak awm mahse kha kha kan duhtawk phawt ang a.

Demand No. 54-ah khan Member tenthu tam tak in sawi a. Chung chu a zavaiin kan sawi seng lovang kan tih kha. Kha kha a tlangpuia kan Budget bua kan hmuh angin, tuna Budget bu kan neih hi Finance lam ruahmanna leh Central lam atang pawha'ruahmanna lo nei phawt teh u', a tih-danah chuan nakum hian ~~code~~ 333 tur angin rawn ruahman rawh u a tih anga ruahman a ni a. Khami kha he kan Budget buah hian chutiang chuan kal tir a ni a. Amaherawhchu, chutiang anih lai chuan kalphung thar kan ti dawn nge ka hre lova, kan Opposition group leader zahawm tak khan engnge niin kalphung thar chu tia min han zawh khan, a chhanna tak pawh ka thiam lova, a englai ber kha nge ni dawn ni. Hmana budget kan tihah kha chuan kan kalphung tawhah kha chuan kan han sawi ve thina, cheng vaibelchhe 333 ah khan chutizat chu cut tur, paihthen tur an ti a, lo intintuah leh ruahmanna chi hrang hrang kha kan han paih leh a. Department hotute an run tlawk tlawk a ni a, chu chu vaibelchhe 333 anih lai khan 280 pawh chu a takin kan hmang lo a ni lawm ni tih turin a kal chho va. Kha kha kalphung hluih dah ta ila. A thar waiin niah hian kalphung thar em ni? tia min han zawh a hi in duh dan danin min koh sak ta ula, 333 agga ruahman rawh u min han tih a kha, 360 a ni leh zawk e an han ti a, kan budget buah hian a lang leh hman tawh silova. He budget bu hi a daw em mai khawi nge in paih daih teh ang ti dawn ila, kan inngahna a ni lawi si a, 360 han tihah pawh khan, tun mai leh nimin maiah te khan 360 mai kha a nilova, a dang, 'Prime Minister-in 20 crore PMS ah a pe belh leh che u' a ti a, chutah draught relief atan Rs.20 crore belh leh a ngai an han ti a. Chutak chu em maw ni ka thun thar chu aw ka ti a, ka vuah thiam bik lova. Chubakah chuan 50 crore peace bonus atan in hmu ngei ngei dawn a ni an tileh bawk si a. Chuvang chuan Pu Speaker, kalphung thar han tih hi kan opposition group leader khan min lo vuah sak thiam dan danin khalai kha min lo puh thluk sak anih

pawhin ka hnial chuang lo. Member zahawm tak ten in rawn sawi hi hei hetah hian tlem han tihlan pawimawh zual zual hi han ti zung zung ila. Pu H.Rammawi khan Sangau Saisihchhuah chungchanga thahnemngaihna a rawnsawi ah khan a rawn sawi a.

Thil baitham tak zet chu ni mahse hetah hian theih ang ang in ruahmanna siam a ni a. Min tih tlang sak se tiha khan 5 lakh kan han dah phawt a. Tin, ka han sawi duh chu helai-ah hian pawika tih em em chu, helai a proceeding hlui 1995 ah pawh khan, khami hma 1991, 1992 te pawh kha chhiar ula, "work schedule awm lova, kan member tena kan hnathawh tur an figure min passed pui zel mai hi" tia sawichhuak ping pawl tak ka ni a. Chu chu tunah chuan work schedule tello chuan budget-ah hian kan ngaihtuah tur a nilo tiin kan Department ah pawh ka sawi a. Chuvangin work schedule hi peih fel vek a ni. Amaherawh chu, pawika tih em em chu, member 40 tena an chankim ngei ngei tur hi Finance Department-ah pek a ni a. A hranpain keinin member te hnena kan sem tura kan ngaih tawh lova. Chu chu an sem turah kan ngai a. Mahse member te kuta vawinah a awmlo hi pawika ti hle. Peih vek a ni a, Pu Speaker, remchang i tih chuan khamia kha tunhnuah a tawpa hetiang hian kan han sawi chauh lo thei lova, min hriatthiam leh min ngaihdam ka beisei.

Ka huat em em leh tunhmaah pawh ka sawisela kha, vawihin niah hian chutiang ang dinhmunah chuan ka ding theih mai a. Kei hi erawh chuan ka pah fel vek Pu Speaker, kha work schedule kha, member te an rawn rem tur che u a ni, tih kha kan sawi duh a. Khami avang khan hetah hian work schedule a awm a sin ti a han hrih chawp te in ngai a, chu chu a pawika ti a. Keima thiamloh hlawm hlak chu a nilo, ka tih tur chu ka ti vein ka hria a. Amaherawh chu, tunhmain kum 10 dawnlai lo semlo thang an nih avang khan khami ang tur teah khan an lo ngai pah pawh a ni ang e. Chu chu ngaithiam ta ila. Vawinah kan hmu lo anih chuan naktukah te chuan hmu thei tawh turah in beisei ila, a thain ka ring. Kan sem lutuk ang che u Pu Speaker. Building, Housing tihah te a awm lo a, on going works a hman tum anih avangin Saiha Division-ah chuan pawisa pek a ni rih lova.

Tin, World Bank aided a kha World Bank loan aid a kha nichinah khan Opposition Leader khan "in sawi dum dum sila, khawiah nge a awm?" a ti a. Hei hi Central atanga an mahni plan World Bank atanga lokal a ni a. Planah ngaihtuah tura dah luh a ni lova. Cheng vaibelchhe sawm a kha, kha kha chu hetah hian tihlan a ni lo mai a ni e, tih kha kan sawi duh a ni.

Tin, Member zahawm tak Pu Rokhaw a khan mawhre chappui tih kha hei hi chhunzawmna atan ruahmanna pawisa 3.50 Km laih tum a ni a. Tahchuan 7 lakhs dah a ni. Khahtiangte te a kan sawi kha chuanin work schedule nakinah in hmu tho dawn a, kha kha chu tul lovah ngai ta ila. Kan member te thu leh in rawtna hi kan ngai pawimah a. Amaherawh chu hei, ruling member hian in thik deuh a, Opposition bialah i tunasa lutuk te min ti a, min han vel a. Saitual te, hengte chu NEC ah a awm reng si a. Tumah on going works nasa tak a awm a, chutih, lain a belh leh lam hetah

Maite lamah te Mualkhang lamah te i dahbelh zela te min ti a. Chutiang deuh chuanin hei, Saitual bialtu zahawm tak kha kan ngaih pawimawhzia lo hria sela. Amaherawh chu Maite-ah Truck Christmas hmain Bus alo kal ang tih ang zawng kha kha chu hriatsual anih ka ring a. Khimi khi dik takin MNF ang chuan kan hotu kalta te ram tana nun pe te khilai hmuna Zoram tana engkim huam a an lo in chhekkhawmna te awmhmun anlo khuarna te a ni bawk nen. Tin, khilai khi ngaihthah a ni bawk nen. Tin, khilai khilai khi ngaihthah a ni rei em em a. Chumi avang chuan tuna Sorkar thar lakah hian beiseina pawh an nei sang a. Khalai kha Mualpheng thlengin widening ti turin pawisa a daih tawh dah a ni a. Tin, tuna widening han tih ngawt dawn khian Maite khua thleng tur chuan kawng a chhe lutuk a, a grade a chhe lutuk a. Chuvang chuan survey tih phawt a chumi kawng an survey zawh chuan chhunzawm tura hma lak chhoh mek tum a ni tih lai kha kan sawi duh a.

Tin, Motor parking Aizawl kawng chep lutuk te khatiang atan khan ruahmanna, ngaihtuahna neih mek a ni a. Hei kan Chief Minister zahawm tak pawh hian a enghelh em em a. Chuvang chuan tuna Auditorium sak turah pawh sawn sawtiang lo deuhva parking tam zawk neih theihna tura re-estimate ti mai ila plan pawh siamthat turin a hrih a. Chu ang chuan plan pawh siamthat chhoh a ni a. Chubakah chuan remchang ang zela kan parking area tur hi ngaihtuah chhoh tum a ni a. Tin, Assam Rifles an chhuah hnuah phei chuan chumi atan chuan ngaihtuahna thui tak hman chhoh mek a ni a. Tin, maintenance atan hian pawisa kan nei tlem a, Finance Commission in 29 lakhs an ruahman lain 29 crores, ear mark lain 13 crores Sorkarin min ruahman thei a. A beitham a, maintenance hi tul kan tih angin kan hmu thei lo hi pawikan ti a. Amaherawh chu beiseina sang tak kan nei a.

Tin, stock suspense tih te kan sawi a, stock suspense hi nikum leh kum hmasa lam te ai chuan 1% lek angin tihchhoh a ni a. Stock suspense hi tunah hian a tlangpui kan han lei loh theih loh, stock tul, Cement te, GCI Sheet te, steel rod te, explosive leh bitumen te, heng hi a theih ang tawh a tam hi stock tha in kan hria a. Tunah pawh bitumen kan neih loh avangin thah ruah sur hma, ruah tui lo tlak hma khan Aizawl khawpui tlangdung hi tih man phawt ni rawh se kan ti a. Chumi atana hma an han lak chhoh ah khan bitumen a awm loh avangin supply hi a limit em em mai a. Khawlai ami emaw a remchang chang han lak kha tunhma a bitumen an hman quality a that loh avangin kan kawng hi a chhe em em mai a, a chhe hma em em mai a. Tunah chuan tunhma a bitumen quality thalo kha a company leh a location sawilo ila, khami a kha kan engineer ten an hmuchhuak a, bitumen tam hle mahse a thalo lei ai chuan, a chhiar to zawk a lei a, chumi nghah chu tha zawk an tih avangin, bitumen kan nei duh tawh thei lova, kang te kha lo stock sa loh chuan harvestna kan tawh thin a. Chutiang chuan stock suspense atang lei tur kan ti a, pawisa tunah hian a awm aenmeuh tawh lova. Chuvang chuan kha kha kan kaldan phung tlangpui a ni a. Tin, stock suspense hi dah a tlem ta a. Amaherawh chu kan hna, khami estimate atang khan stock loh theih loh hna kal chak tul leh quality control a tul avangin, khami avang khan stock

loh theih loh hna kal chak tul leh quality control a tul avangin, khami avang khan stock loh theih loh anih avangin a tul leh zual a ni.

Tin, Department dangte hnathawh sak a, P.W.D. in agency charge 11.75% lak thin hi nichina a sawi ang khan, hemi hi Sorkar Revenue ah dah luh zel a ni. Tunah hian agencies lak chungchang hi Finance Department-tenen enhova ngaihtuah that tum mek a ni bawk a ni.

Tin, Suangpuilawn bialtu-in a rawn sawi hrang hrang leihlawn Aiel river thawh zawh tawh nia lang, mahse pawisa lak tawh si tih lai a kha, hei hi thawh zawh tawh a ni a. Tunah hian Motor-in a zawhin hman mek a ni tih kha kan hrilh duh a. Tin, M.R. lak anga inziak a taka thawk an tlem tih te leh, instrument chhia lei ni ang a sawite, Tin, Vanlalsiama Bill Rs. 120000/- chauh la a, a taka zia kah cheng nuaithum seng si anga ziah te kha, kang kha chu la chhui chhuah atan, kan lo chhinchhiah a ni.

Tin, nichina a sawi ang khan kan member hrang hrangte work scheduled awmlova a kal tawh thu inrawn sawi a. Chutiang bawk chuan Pu Sangzuala 'S' II bialtu zahawm tak pawhin a ngaimawh thu a sawi a. Tin, khalai ah khan Aizawl khawpuiah khan ngaihthah leh Black topping ah pawh kal kual san ni-china an rawn sawi kha, kha kha kan tum a ni reng reng lova. Sikulpuikawn atanga Kulikawn khu tlemin hmundang ai chuan ala mam deuh a ni. A hma a Cement tea lo tih anih avangin atul zual han tih zung zung phawt kha tih hmasakah kan dah a.

Tin a tul zual Kulikawn to Sai-khamakawn laite pawh kan han ti a, Sikulpuikawn atanga Kulikawn taka khu kan hmachhawn chiah, kan tih tura kan dah mahse ruahin min bumro tak avanga ruahitui lo tla a tih theih tawh silova, tih hmasak atan kan han earmark chho a ni tih kha ka han sawi duh a.

Tin, Ngopa bialtu zahawm tak khan Kawlkulh to Mimbung road chungchang a ngaimawh thu a rawn sawi kha duhthusam nilo mahse Km 15 atan nuai 25 ruahman a ni. Ngopa to Mimbung BRTF **lohvin** a specification ang chiah a an zawh huna takeovertur a ni. Hei hi tunah chuan kan kutah a la awm lo a ni.

Tin, North I bialtuin drainage work atan zawk PHE kutah a awm a, khami a rawn ngaimawh a kha Bawngkawn to Zemabaw erawh hi chu, sawmi Bawngkawn Police Point Durtlang nen an in thenna chiah atang sawn BRTF kutah awm a ni a. Anni pawh hi hnaah an chaklo hle a, kan hotute nen an mahni pawh tur tura sawlai saw tichak deuh tura hma la turin kan intur mek a. Tin, Durtlang chho a tet ang anga black top in a khuh zawh loh avanga harsatna kan tawh reng mai hi pushpak Chief Engineer te hnenah pawh kan hrilh tawh a. Ani pawhin a tih dan tur ruahmana tih in duhdan te in Engineer te nen enho ila, an ti a, chu chu ani pawh an inhuam viau a. Una anih ang anga kawng ti zau chuang lo pawh

khian a zawlchin tal khi black-topping khiah selang chuan kawng zau tak a ni thei dawn a, chu chu kan kut nilo mahse an mahni va tur turin kan in ruahman mek a ni, tih kha kan sawi duh a.

Tin, Ratu bialtu khan Civil Aviation pawisa dah lovin Civil Aviation tana pawisa dah chu khumi Terminal Building kan la zawh loh atan khuan Rs.300 lakhs dah a ni a. Civil Aviation hrim hrim ina anmahni mamawh hrim hrim chu an Demand turah kan ngai a. Keimahnina kan kuta kan mamawh tur a Building Phase I zawh tawh tawng tawng, Phase I Phase II ti tur khuan Rs. nuai 300 kan dahtel a ni tih kha kan sawi duh a.

Tin, Sakawrdai- Zohmun kha kan ngaimawh hle a. Improvement leh Widening soling leh a khuar han tihmam kha Motor kal awlsam nan tih tum a ni tih kha ka sawi duh a.

Tin, kan Member, Serchhip bialtu khan a sawi zingah khan Furnishing mamawh anga tih hi khumi atan chuan pawisa dah a ni a. Serchhip Town Road chungah 20 lakhs dah a ni.

Thenzawl - Buarpui BRTF hnen atanga lak Resurfacing atan cheng nuai 20 ruahman a ni.

Tin, mechanisation chungchanga Privatezation tih hi kan Sorkar hian kan kalphung tur niin kan hre si a. Heta, plant and machinery atana cheng nuai 220 dah hi tih kha, tunaah hian nitinin kan Machinery hi pakhat a chhiat pawha buai tak kan ni a. Aizawl ah pheii chuan kan indaihloh bakah a chhia hi a ngaih-mawhawm a. Repair nan leh, tin, Hot mixed plant an ti a. Heta bitumen te han chawhpawlh a, khawlin a anih ang chiah a an tih natur atan te, chumi lei nan te, Road Rollers lei nan te leh, a hlui repair nan te, heng hi nuai 220/- hi dah a ni a. Hei pawh hi beitham kan ti a. Nakinah private hire tur duhtusam a awm hunah chuan a hire hmasa pawl tak chu kan ni mai awm mange PWD hi, tih pawh kan ngaihtuah a ni.

Tin, Lawngtlai bialtu zahawm takin a rawn sawi hrang hrang kha, a vaiin kan sawi senglo ang a. Tahkhan Diltlang, Chawngte sawlaih sawn engmah awm-lo tawp ang chu nilovin, Improvement atan cheng nuai 10 dah a ni a. Lawngtlai Town road-ah nuai 13 dah a ni bawk a. Kawngthar an rawt te erawh khachu sum indaihloh avangin hma a lak theih rih lohva. Mahse kan beiseina kalah chuan kan rilruah chuan a pawimawh hle a ni tih kha kan sawi duh a ni.

Pu K.Sangthuama'n a ama bial nilo, khawthlang bial aiawh meuh a rawtna a rawn siam kha a ngaih-mawimawh awm hlein ka hria a. Helaiyah hian Kanhmun-Tuilutkawn tih re-surfacing khu a pawimawh takmeuh a, khu khu a chhe tawh hle a. Chumi atan chuan duhtusam nilo mahse nuai 25 chu han dah phawt a ni.

Tin, Mamit Tuidam, Langkaih lai hi National highway 44 A, Aizawl Mamit, a paltlang tur a ni a. Maintenance fund atan tam tawk min pe dawn a, a kawng chhe lai re-surfacing leh repair thawh theih tum a ni.

Tin, Electric Veng kalkawng chhelai re-surfacing tur laite kha work schedule ah dah an ni thlawm nghe nghe a ni. Tin, Chawngte bialtu zahawm tak Pu Nirupam Chakma'n Chawngte-Borupansuri road Improvement a sawi leh wedening atan cheng nuai nga dah a ni a. Tin, liabilities clear loh a awm angin kan enzui dawn a ni.

Tin, Bilkhawthlir bialtu zahawm tak Pu Lalchamlia'n a ngaih pawimawh, Black topping pawh beisei phalo, keini duhthusam chuan Black topping tal hi chhuak se, a fur a thalin kal ve se, Bagha Balu ringawt maia inngat lovin khu aia tha mah Buhchang Balu, furah pawh lak lak theih tur tih hi a sawi thin a. Keipawhin ka ngaih pawimawh em em a, kan hotute pawhin an ngaih pawimawh a. Hemi avang hian khulai kawng chhe zual fura kal theih loh khu mettaling tihna turin pawisa awm ang ang kan dah phawt ila kan ti a, Rs.35,00,000/- dah a ni a.

Tin, Pu C. Lalrinsanga rawn sawilan Minister te furnishing tun hmaa Minister thenkhat kal tawh ten an in an luah s, furnishing a kha tihdan system thar kan siam chho a, Chief Minister te pawhin an remtihna angin hemi furnishing mahni ina chengte chungchangah hian tihdan tha nia kan hriat chu, heng furnishinga items chi hrang hrang hi a life period fix a ni a. Hemi life period atang chuan an lo luah tawh dan period atanga tuna a value kha chhut chuahin chumi ang chuan an duh chuan payment an pe thei a, duh loh chuan Sorkarin lakkir leh theih a ni a. Chu tiang chuan harsatna kan nei lemloin kan hria a. Chu chu kan House hi kan hrih duh bawk a. Pu K. Vanlalva rawn sawi, Khawhai-Chhingchhip via Lungpho tih kha, kawng pawimawh tak mai hei a bialtu zahawm tak tepawh in an ngaih pawimawh em em a ni a. Hei hi thil tangkai tak chhak leh thlang zawnga hetah Mualcheng thua kal chhuakin pawimawhin kan hria a. Engpawh nise survey tih phawt ni sela, a kawng kal dan tur hi, chumi atan sum a tul ang pawh Rs.2 lakhs dah a ni.

Tin, Lungsen-Chawngte road re-surfacing atan cheng nuai 30 vel ruahman a ni a. Khatiang khan kan hotu ten a in rawn ngaih pawimawh chi hrang hrangte ka sawikan teuh. a. Khang kha kan han note Tlangpui a ni a. Avaiin kan sawi senglo nain datialin keimam ka note a. Kan hotu ten, kan Member zahawm tak tak ten tul kan tih zawng zawng kan ti theilo, mahse, vanneihthlak takin tuna kan plan bua kan neih aia tam hi, kan ruahmanna bakah khan eng chen nge kan kal theih dawn aw tih erawh chu kan beiseina, a tha lam beisein kan awm a ni tih kha kan sawi duh a. Tichuan Pu Speaker, ka Demand No. 42-na Co-Operation Department Rs.2,83,95,000 leh Demand 54 Public Works Rs.82,67,61,000 avaiin Rs.85,51,56,000 hi he House zahawm taka Member ten min pass sak turin ka ngen e. Ka lawm e.

S P E A K E R : Pass remti lo kan awm em ? Pass kan remti vek maw. F.W.D. Minister ina a Demand No 42 leh 54 chu lungrual taka pass a ni.

PU H. VANLALAUVA : Pu Speaker, ka lawm e. A hma-sain i veilam a thu, kan Opposition Group leader leh Member dang zawng zawng chungah lawm -

thu ka sawi duh a. Ka Demand te khaikhawm hmam naktuk naktip maia ka Resolution putlul tur, Village Council Member Nominated Seat tihbo tur vawiinniah nasa taka min support a, he House-a putlul anih hunah pawh theih tawp chhuahin min pui dawn a ni tih He House zahawm taka an puan avang khan kan Opposition Group Leader leh Member zawng zawng te hnenah lawmthu ka sawi duh a ni.

Pu Speaker, kan Opposition Group Leader kha tlemin alo bengvar tlai deuh hlek a, thing-pui te inlo in kan awm a, tlemin rilte pawh alo tam deuh tawh pawh a ni mai thei a. Hei member 21 te thusawi kha kimchang takin inngaimawhte in rawtha te ka lo note ve a, In thusawi zawng zawng te kha kan Officer pawimawh ten uluk takin anlo ngaithla bawka, lo bawhzui tur leh tipuitling tur-in hma kan la dawn a ni tih hi House zahawm tak hi ka hrilh duh a. Chuvang chuan a khaikhawmnaah detail taka sawi ka tum lova, a tlangpui chauh a sawi thuak thuak tum mai a ni. Chuvang chuan Pu Speaker, Demand No. 19, 28 leh 29 na hi a tlangpuiin han sawi hmasa ila. Member te thusawi atanga ka lo chhinchhiah han hrilhfiah ngai nia ka hriatte han sawi zung zung ila. Kan ram hmasawna tura Development hna leh Dan siamna lamte a tul em em laia, kan Village Council enkawl, chhangchhe tak maiah dissolve loh theih loh tlem azawngte anlo awm ve a, kan han khawih thin hi a paw kan ti a. Hrehawm pawh kan ti a, amaherawh chu tunah hian Bilkhawthlir bialtu zahawm takin a sawi ang khan kan Village Council 10 a pakhat (10%) pawh tunah hian kan la khawih hman rihlo a ni tih he House hi kan hrilh duh a. Kan hun hmaa lo thiat tawhte nen pawh tunah hian 10% pawh anla tling fumfe lo a ni. Chuvang chuan Village Council chungchangah ruling party unit lungawilo leh ban tum ut ut an tam viau nghe nghe a. Heng hi an mahni hrilhfiah a, an mahni kan dawm hram hram pawh a tul a ni tih min hriatpui ka duh a. Tin, normal Housing Loan leh HBA, LIC chungchang thua Member tinin kan ngai pawimawh tlang hle a. Tin, kan sawi tam berah a amount tihpun duh nate, tin a, loanee, a hmutu tam lehzual a tih theih dan tur te kan sawi nasa hle a. A lawmawm hlein ka hria a. A hmazawng khanin normal housing loan-ah, MIG-ah hian Rs. 50,000 lo pek thin a ni a. Tun Sorkar thar atang hian Rs. 80,000 (70,000 nilovin) Rs. 80,000 pek an ni ta a. Tin, LIC-ah Rs. 30,000 pek thinah khan tun Sorkar thar hian Rs. 50,000 pek an ni ta a ni. Tin HBA, LIC-ah hian MIG-I, tun hmaa a tam ber Rs. 1,50,000 pek thinah khan Rs. 1,75,000 tun kumthar atang hian pek an lo ni ta a. Tin, MIG-II Rs. 1,00,000 pek thinah khan Rs. 1,25,000/- pek an lo ni ta a. Tin, LTG

....137/-

Rs. 75,000 kan pek thinte kha tunah chuan Rs.1,00,000 pek an ni ta a. Tin, hei tunah phei chuan vanneihthlak takin kumin chungin tum hnih sem hman hram tumin kan inbuatsaih a. Tan kan la nasa em em a ni tih kha min lo hriatsak kan duh a. Tin hemiah hian Semi-government chungchangah pawh, tunah hian Corporation thenkhat khat atang te chuan dilna a lo lut nual tawh a. Mahse hengah hian harsatna awm thei, Sorkar ina a mawh kan phurh sak, kan hnathawk tute nilo, midang kuta loan kan pek hian Sorkarin harsatna a tawh ve theih avangin chungte erawh chu tuna an rawn dil mek tepawh hi ngun taka en leh thlir an ni a. A chhan chu Sorkarin mipui leh Sorkar hnathawkte changkanna a duh rual rualin a recovery a kan buaina leh harsatna kan tawh tur thilah fimkhur a ngaiin kan hria a ni. Autonomous District Council lamah saw chuan Directin HUDCO atanga loan lak theih dan ngaihtuah sak an ni a.

Chutiang deuh bawh chuan Corporation hrang hrang atang hian direct a thil tihdan kawng chu awm niin kan hria a. Mahse hetah hian Sorkar-in him tawka a hriat chinte erawh chu an hlawh leh hna chungchangah te Sorkarin thuneihna a neih sakah te chuan tunah hian kawng zawn chhoh mek a ni tih kha ka sawi leh duh a. Tin, a tihpun leh thua chuan a bik takin normal housing loan hi a recovery a chau em em mai a. Tunah hian a recovery a awmlo tih theih deuh thaw khawp a ni. Chuvangin kan kalphungah hian Housing loan lak reng reng chu ruh leh loh tumna thinlung pun kan la em ni tih turin a awm a. Kawtlai ti tiah LSC lemte pawh an siam a ni lawm ni tih tepawh hi a taka nita em ni tih tur khawpin loan ruh hi kan ngaihsak lova, kan hnam zia leh Kristian nihnazia kan tih lanna tur pawimawh tak anih avangin Member tin ten rinawm taka heng loan kan lakte hi rul tura kan inzirtir leh kan intanpui tlan pawh tul hlein kan hre bawh a ni. Chuvangin he House zahawm taka kan Members te hi chutiang kawngah chuan hma min lo karkpui turin kan han ngen che u a ni.

Tin, hemi HUDCO emaw HBA LIC emaw chungchang thua a theih ang anga Sorkar hnathawk te leh thawk lotepawh kan hmasawn theihna tur leh tangkaipui natur anih avangin Department-in hma lak zel a tum. Chumi rual a min hriatsak tur erawh chu tuna kan pekchhuah ringawt pawh hian kan Staff te nasa takin an indaih loh phah a ni. Heng recovery buaipui hi pe tha duh manglo han thin te leh buaipui tur hi a tam em em mai a. Chuvang chuan heng hi ti-pung zel tur chuan a Department lama thawk tute tihpui pawh min phalsak deuh chu kan ngai dawn a ni tih he House hi kan hrihlawk duh bawh a ni. Tin, "Heng sum te hi State Bank ah ringawt nilovin Bank dangah tepawh dah nisela", han tihte pawh kha a awm a. HUDCO chauh dawn anih lai kha chuan HUDCO hian Vijaya Bank ringawt hi an lo dawr thin a. Mahse HBA LIC han tih atang hian State Bank a main branch te Mission veng Branch te, tin chubakah, chuan a hmaa lo dawrtawhsa Vijaya Bank te dawr an ni a, kumin atang hi chuan Mizoram Rural Bank te pawh hi a thawktu zawng zawng Mizo an ni. Tin, a loanee-te tan pawh thintlang hmun tinah branch an lo nei a. A loanee te tan pawh sam khaina lo niin. Tin, Mizoram Rural Bank a thawk kan Mizo puite tam takin a hming thatna leh sawtna anlo hmuh na tur thil anih bawh avangin, kumin atang hian,

kan dawr thin pangngai State Bank leh Vijaya Bank te bakah Mizoram Rural Bank kan dawr ta a. Min hriih dan leh North East atanga lawmthu sawina min rawn thawn atang tein a landan chuan, kumina Mizoram Rural Bank-ah kan pawisa te kan han deposit avangin Mizoram Rural Bank hian North East pumpuih pakhatna hial nih phahin India ram pumpui National level-ah pakhatna hial nih phahin India ram pumpui National level Committee-ah Mizoram atangin Member an luh ve phah a ni tih te kan han hria ang a lawmawm hle a ni. Chuvangin, kan ti-sual lovah chuan kan han ngai a. Heng hi kan inchawikan chhohna tur zel niah tepawh kan ngai bawk a ni. Chuvangin, tuna kan han neih leh tura tepawh hi hetiang ngaihtuahna hmang hian kalpui chhoh zel nise thain kan ring a ni.

Tin, heta Deposit hi tam takin an hriatthiam loh chu pung nei a deposit emaw an ti thin a, hei hi a nilo. Hei hi a pung neilo vin eng hunah pawh lak mai theih tur a deposit a ni tih kha Member zahawm tak ten min hriatpui kan duh a ni. Chumi chungchangah chuan eng eng emaw hriatthiam loh loh in zawt duh te kan nei anih chuan Office lamah pawh kan inzawtzui zel theih turah ngai ila, thain a rinawm e.

Tin, Municipality tih chungchang-ah hian han hriihfiah deuh hlek ngai a awm niin a lang a. India ram State zawng zawngah hianin Urban development mumal taka kalpui tur leh kaihruai turin Sorkarin Directorate of Urban Development emaw Directorate of Town Planning State tinah din vek a ni tawh a. Mizoramah erawh chuan khawpui Town a han puan 22 lai kan nei ve tawh chung hianin, vawiin ni thlengin hei hi kan la nei ve thei lova. Chuvangin mumal taka kan khawpuite enkawl a harsa em em a ni tih kan hretlang vek a ni. Chumi anih avang chuan LAD hi mumal zawka Urban Development kalpui anih theih nan LAD hi Directorate pahniha then pawh rawt mek a ni. Tunah hian kan nawrchho mek zel a. Kan Sorkarin min phalsak ngei ang tih pawh kan ring a ni.

Tuna ruahman dan chuan, Directorate of Urban Development and Housing tih leh Directorate of Local Self Government tia then turin ruahmanna a kal mek a. Hei hi tihpuitlin tepawh kan han beisei a ni. Tin, Aizawl khawpui leh khawpui dang tepawh mumal taka development plan (master plan) siam a, programme hrang hrangte execute anih theihna turin Mizoram Dan siamtu Legislative Assembly kum 1990-ah khan The Mizoram Urban and Regional Development Act a lo siam tawh a.

Tin, Central Government Ministry of Urban Development in Model law a siam dungzuiin Mizoram dinhmun leh kan khawsak dante mil turin a rules pawh 1998 ah khanin lo duan a ni nual tawh a. Chu chu kumin 24th March ah khan Mizoram Legislative Assembly-in table-ah hetah ngei hian keimahin ka lay tawh kha. Chumi Rules pawh chu tunah hian hmantheih turin buatsaih a ni tawh a. Chumiah (rules ah) chuan kan Chief Minister zahawm tak Chairman-na hnuaiah

Mizoram Urban planning and development board din theihna dan a awm a. Chumi ang chuan tunah hian rawtna, proposal pawh a kal mek a. Reilote ah notification pawh chhuah thuai anih rin a ni a. Chuvangin municipality kan neih hma pawh in hemi dan hmang hian kan in sak dan phung leh khawpui enkawl dan mumal deuh zawk chu kan nei thei turah kan in beisei a ni. Master planin awmze neia helaiiah hna thawk thei turah kan inngai a, kan inbeisei bawk a ni. Tin, municipal body siam chungchangah pa wh hianin municipal body hi autonomous body anih avangin Mizo mipuite hianin kan hmang thiam angem tih pawh hi ngaihtuah uluk viau, thlir viau chu a ngai a ni. Hemi atan hian a bill pawh tunah hianin kan buatsaih mek a ni. Department-in uluk takin a en a. Amaherawh chu India ramah keimahni ze mil leh kan khawsak dan mil deuh leh state lianpui nilo keimahni rualpui awm tawk deuh lo kalpuidan tepawh kha zira enngun a ngai a. Chutiang zir tur te chuan kan Officer te in tirin hma kan la a. Tunah hian a bill buatsaih mek a ni. Chu chu reiloteah House-ah pawh hian en theih ala pharh theih turah kan beisei a. A bik takin kan Chief Minister-in hei hi a ngaipawimawhin thil awmdan pawh min hrilh uluk a. Amaherawh chu a pawng a taka hman-hmawh a thil han tih ngawt hleih theih a nilo. Chutiang chiah chuan Panchayati Raj tepawh a that em em rualin anih ang ang hi chuan kan Mizo hnam dan kan hnam rohlu tam taka kha kan hloh kan chan sa tlat mai a ni. Chuvangin, heng tepawh hi kan mamawh a kan tana tul em em lai hi mizo hnam rohlu, kan court rorelna thil zawng zawng te kha hlauh lova, heng hi Panchayati Raj a kan ram tana tha tur leh pawimawh tur te kim kan seng luh theih dan turte pawh kha zir a ngai a. Heng hi uluk takin a Department lamin tuna hian enin kan zir a, hna kan thawk mek a ni tih kha he House hi kan hrilh duh a ni.

Tin, V.C. lawmman tihpunna chungchang thu te pawh kha, tunhnai maiah khan tihpun anni nual tawh a. Hengte pawhhi ennawn zel anni dawn a. Chumi rual rual chuan a V/C dinmun hrim hrim hi nichinah a bulah lawmthu sawi anga kan sawi tawh angin naktuk, naktip maiah Village Council dansiam thatna Bill rawn putluh kan beisei a ni. Chungah chuan, nichina kan han sawi, nominated seat tihbona chungchang thute, tin, tuna kan buaipui tam em em, drawn village kan tih ang chi Member, Party hrang Member neih inzahna, khua a tam em emna chhan hi V/C Member number kawpkimah hian a tam zual niin a lang a, Chuvang chuan V/C Member kan neih te hi number kawpkim lo vek 3,5,7,9 tih ang chi a, bo vek thei nilo mahsela a tlem phah deuh duh dan tur te, nichina Member zahawm tak ten an sawi, a duh duhin khawthar kan din ringawt mai, khuahkhirhna leh chumi venna dante, entirnan, huipui kamah emaw ramnuai lamlian sir khawi emaw laiah, tu ten emaw In (bawkte) an han sa a, thingpui dawn an han siama, khawi khawi atangin emaw an lo awm belh a, sawm an tlin chuan Thlawhbawk/khawper/sub-village committee an han beisei ringawt mai a. Sorkar lah-in ngaihtuah Chiang lem lovin, tur reng sa anga ngaiin sub-village Committee kan han pe a, sub-village committee Sorkarin pek anih tawh chuan V/C puiting neih ngei tumna leh neih ngei tura ngaihna neilin an han politicalise leh a, ruling party V/C ngei kan siam dawn an tih chuan V/C kan

pe mai zel a, tute mah indem tu vak kan awm lo. Kan chak-na tur nia kan hriat chuan, a Sorkar apiangin V/C kan pe ngawt zel a. Chuvang chuan Mizoram khua te hi mumal lovin kan siam tam ta lutuk a. Chung khuahkhirhna leh chung ven-na dante pawh bhj siam a ni dawn ani tih vawiin niah he House hi kan han hrih duh a ni. Chunglo pawh chu thil tul tam tak a awm a, chungte chu siamthat tum a ni. Hunthar vengaleitlahniam tuartu te loan chungchang thu a duhsak bik kan phutna tepawh kan chhinchhiah a, rilruah a thi lo a ni tih kha kan hriat ka duh a.

Tin, Sanitation, khawpui tih-thianghlimna chungchang thua pawh tunah hian tanlak mak a ni. Member zahawm tak ten an sawi ang khan, a hmanrua erawh chu kan nei chau a, a thawktu kan tlem bawka. Amah-erawh chu a nih ang angin tunah hian tan kan la ve a. Bawlhhlawh pah Motor kalna ngai lovah vengah, kan Session hmasa hnuah hian veng engemaw zatah Motor tirbelhin kan cover tir mek a ni. Tin, kan Bawlhhlawh pahna Tuirial bulah pawh tunah hian state dang te tih dante en chungin Bawlhhlawh halralna in kan sa mek a. A halralna vap hman tangkai dan turte pawh ngaihtuah a ni. Chutiang chuan tunah hian kan buatsaih mek zel a ni. Kan khawpui tih thianghlimna kawngah hian Local Administration Department Sanitation Department-ah ringawt kan inngah chuan a dik lova. He House hian min hriatnawnpui leh ka duh chu mipui (Public) kan inzirtir a tul hle. Halral theihthe chu halral a, mahni thah khurte siama, halral theih halralin a theih lohte phumin mipui pawhin tan lak a ngai hle a ni tih hriain mipui i zirtir theuh ang u. Kan khawpui tih thianghlimna kawngah hian kan zavaiin kan tanruah a ngai takmeuh meuh a ni tih hi vawiinniah ka sawi nawn leh duh a ni. Tin, Urban Development sum chungchang thua tuna Budget bua han lang maiah hi chuan nuai 561 lek a ni a. R.E.-ah a aia tam a lo lang dawn a. Kan Chief Minister zahawm takin a sawi tawh ang khan tuna mi hi chu nikum zulzuia han dah chhin mai a kha alani, heng hi a tam zawk Central lampang atanga hmuh zel pawh beisei a ni a. Supplementary Demand, RE lamah heng hi chiangkung zawka lo lang turah i beisei ang u. Tin, LAD tender, chhang lova hmu an awm ni awma kan opposition Group leaderin a sawi khan min barakhaih hle a. Hetiang hi an awm a, a tak ngei anih chuan khawngaih takin min han hriattir thei sela, ka lawm khawp ang, kan lo enzui ngei dawn bawka a ni tih kan sawi duh leh bawka a ni.

Tin, hei Demand No.38-ah lo kai ila.(ka zo tep tawh ania, a rei tawh lovagg) Bengali-pain tar at an nei vak lo, an tih hi han chhui chiang ila, Sangha an ei tam vang alo ni tih hi a dik hlein a rin theih. Keini Mizo te hi tar at te hi kan nei sam viau mai a. Central leader te khu kum 70 chunglam, kum 80 te anni deuh vek mai. Chuvangin Sangha ei tam ve turin Sangha intodelh kan uar deuh deuh pawh hi kan hnam tan hian a pawimawh a, finna tepawh niin a lang si a. Chuvang chuan hemi intodelh tura hmalak hi kan tum ve nasa mai a, member ten in ngaihpawimawh em em improvement hi chu a tul takmeuh a ni. Sahuk policy nilo deuh hleka kaldan a tepawh hi kan han dapin kan zir mek a ni a. Hmalakna kawng hrang hrang Sangha chi pheilam ami lei tawh hauh lova kan intodelh theihna turin tunah hian kawng hrang hrangin hmalak a ni.

Chutianga intodelhna na tura hma kan laknaa pawimawh em em chu a dil siam leh enkawl dan chungchangte lek a Sangha chi siam 'Seed Farm' chungchangte bakah a Market a kha ngaih pawimawh a ni leh a. Kan han bengchheng tam hrim hrim a. Keimahni Bazarahnte ngei pawh hmun nei ve lova Mizo tharchhuah kan tuikhuah Sangha kawngsirah kan thutpui a, umkawi kan ni reng maite pawh a zahthlak tih hriain kan Revenue Minister hnenah kan thlen a, Kan Minister zahawm takin tunah hian New Market-ah hmun min han pe ta a, kan lawm hle a ni. Tin, a pawimawh berà chu a dahthatna Cold Storage leh vur siamna a ni a, chu chu tunah hian Aizawl Bawngkawmah leh Kolasib ah kan sa mek a. Heng hi hun reitoteah luah ve theih kan inbeisei a ni. A market lama hma kan lakdanah pawh hian min han finchhuaha thurawn min pe zel thin turin Member zahawm takte kan ngen duh che u a ni. Tin, mahni bialah emaw mahni Party Worker emaw kan campaigner te pawh kan lo vuipui mai loh thain ka ring bawk. Tun hma kan kalphung thinah dil nei hauhlo tanpuina hmu a late an lo awm thin a ni mai thei e. Chuvangin, fimkhur hle thain kan hria a. Chungah chuan a nei ngeiah pawh tanpui tlak nia kan hriatte chauh kha tanpui turin hmalak tum ani. Chubakah, compact area deuh siam a thain kan hria. Mizoram pumpui pawng hma ringawt kha a dik lovang a. Entirnan-kuminah Zawlnuam leh Bilkhawthlir lam em ni ang tia compact area deuh va kal kan tum a, a dangte hnuchhawn vek chuang lovin khatianga hmalak tepawh kha tum a ni a. Hemi kawng-ah hian vawinnia he House a inhan sawi mai bakah thurawn min han pe zui zel tur pawhin ka han ngen che u a ni. Chumiah chuan nichinah kan MLA zahawm tak Serchhip bialtu, Planning Board Vice Chairman ni bawkin asawi ang khan, kan Budget hi erawh chu tihsual palh a awm ta em ni tih turin a awm a. Fisheries atana vaibelhhhe khat leh nuai 70 singli dah ah hian, a hnathawhna tura kha nuai 51 leh sing 7 chauh mai a ni a. Hetiang hi chuan ram ropui tak thlen a lungngaih-thlak khawp mai. Chuvangin hna thawk thei tura hnathawhna hmanrua, sum leh thawktu pawh min pek belh zet turah kan beisei a ni. Chuvang chuan thlamaang takin, theih tawp chhuahin phur leh tha tho taka hma kan la mek a ni tih kha kan han sawi duh a ni.

Pu Speaker, a tawp berah chuan kan Opposition Group Leader leh Member te khan kalphung thar kha an hre chak viau in ka hria a. Kan PWD Minister zahawm tak khan a hrih nual tawh na a. Kam hnih khat chauhin kan tuihnih ve duh a ni. Nichina kan sawi tak, an mahni pawhin a an sawi ang chi normal housing loan leh HBA, Ruling MLA leh Opposition MLA tan quota in ang vek a kan han nei tepawh kha a tha ang reng viau a. Mahse an zawngchhang tlak em tih erawh chu kan en turah ngai ila. Engpawh nise, kalphung thar chu niawm tak chu a ni a, tun hma a la awm ngailo a ni si a.

Tin, kan sawi thiam ve danah chuan tun hma khan Bingtaii policy in kan kal a. Chi kan kangpuak a kan insem zo mai thin kha, ram hmasawna kawng zawh theih lohvin kan hria a. Chuvangin kalphung thar ah chuan Mauruangi policyin, Central atanga a chi tur lokal zawng zawng hi a chi ah kan ling/tuh ang a. Kan ram tih hmasawna tura hnathawhna tura Budget tangkai lo kalzawng hi a chiah, hnathawh nan kan

hmang ang a. Chumia lo rahchhuak chuan he ram hi han siam dawn a ni. Tin, Hnahthial Bialtu zahawm tak Pu F.Lalthanzuala sawi ang khan hnathalo thin a kha, hna tha rotling zela siam kan tum tlat bawk a ni. Hengah hian rinawm takin ram neitu nihna rilru pua hna thawk turin kan in buatsaih a ni e.

Pu Speaker, LAD Demand No.19-na L.A. Rs.4,03,00,000/- Demand no. 28 na Housing Rs.27,32,25,000/-, Demand No.29-na U.D. Rs.5,61,58,000/-, Demand No. 38 Fisheries Rs.1,70,40,000/-. Avain Rs.38,67,23,000/- hi he House zahawm tak hian min Pass pui turin ka han dil e. Ka lawm e.

S P E A K E R : Pu M.Vanlalauvan Demand a rawn sawi Cheng 38,67,23,000/- kha passed a rawn dil a. Passed remti apiangin 'remti' i ti ang u le. Remti lovin 'remtilo' iti ang. Lungrual takin Pu H.Vanlalauva Demand chu passed a ni. Kan House Leader-in information a dil chu ilo ngaithla teh ang.

PU ZORAMTHANGA CHIEF MINISTER : Pu Speaker, ka lawm e. Kan work schedule kha kan buatsaih a. Amaherawh chu Department thenkhatte kan peih lai in thenkhat a kha peih tlai deuhhlek a awm a, Tin, amal te te han pek a kha a rem si lova, a hlawma compile a ni a. Engemaw chhutsual leh tihpalh a awm a, chung chu kan correct a, kan siam a, kan zo titih tawh a, tun session zawh hman kan sem hman ngei kan ring a. Tunah a tirah hian kan sem hman lo mai a ni. Session zawh hman hian kan sem hman ngei ang tih kha kan sawi duh a. Mahse kan member zahawm takte hriata ka sawi duh chu, kan en rual khan tuna kan budget a plan-ah chuan vaibelchhe 333 based a siam anih avang khan, kha kha lo hria ila, Mahse hemi hi atakah pheih chuan kan han kalchho ang a, a inmil thei dawn hauh lova. Vawikhat chauh budget hi present ngai a ni si a. Vawi 2 present nawn a thang silova. 'Nikuma hman tawh ang base khan lo siam phawt rawh' an ti a. Nikuma kan budget 333 mil khan kan lo siam phawt a. Kha kha kan session hmasa khan kan present a ni si a, khami mil a lo siam kha a ni tih chu kan hriat ka duh a. Mahse tunah mai pawha a khum san leh tawh a 333 kha ni lovin 360 kha kha kan plan a pawh approve a ni a, khami lam alo kal belh leh apawh FMS-ah te, Drought Relief-ah te Peace Bonus te ringawt pawh kha 450 a tling leh tawh a. A total-a pawh kha ainmil tawh lo lutuk a, a pung chak a. Tin hei a Budget-ah Non-Planah pheih chuan Central Sponsor Scheme ringawt lokal turah pawh a tlem berah Rs.Vaibelchhe 100 te chu a lo kal leh ngei ngei ang a, tun kan 5th Pay Commission-ina hlawh thar kan beiseina leh, kan liability nen hian a budget a lokal tur ringawt tuna mi bak pawh hi,700 vel a tlin dawn avangin kan Work Schedule-ah tuna kan pek tur nen hian a inmil dawn lova tih a kha, kan lo hriat atan tun kan Session chung hian kan rawn pe dawn tih a kha kan sawi duh a ni. Pu Speaker, General Discussion-ah khan thil sawi-chianna hman a awm silo va, tunah an rawn question bawk si a, a sawifiah tura kha a hnununga ni bawk si a, a kar laka information kan inpek loh chuan a tih theih loh a ni e, ka lawm e.

S P E A K E R : Awle, hei vawiin chu kan zo ta a,
Meeting adjourned. Thawhtannah
kan tan leh dawn nia.

6:35 P.M.